



ХОЛИД ХУСАЙНИЙ



Шамол
ортидан югуриб



ХОЛИД ХУСАЙНИЙ



Шамол
ортидан югуриб

Тошкент 2016



УЎК: 821.512.133-3

КБК:84(7)

Ҳ – 94

Ҳусайнин, Ҳолид

Шамол ортидан югуриб: роман. Ҳолид Ҳусайнин / Таржимон Рустам Жабборов. – Тошкент: Янги аср авлоди, 2016. – 208 б.

ISBN 978-9943-27-758-8

Ҳолид Ҳусайнин 1065 йилда Кобулда афғон дипломати оиласида туғилган. 1980 йилда унинг оиласи АҚШта кўчади. Шу ерда у тиббиёт факультетига ўқишга киради. Унинг илк романи «Шамол ортидан югуриб» АҚШда янги асрнинг бестселлер асарига айланади. Мазкур асар дунёнинг қирқдан ортиқ тилларида 10 миллион нусхада нашр қилинганди. Бу китоб асосида Голливуд кинопроцессорлари фильм ҳам суратга олишган.

УЎК: 821.512.133-3

КБК:84(7)

Таржимон

Рустам Жабборов

ISBN 978-9943-27-758-8

© Ҳолид Ҳусайнин, «Шамол ортидан югуриб». «Янги аср авлоди», 2016 йил.

Декабрь, 2001 йил.

Бундан 26 йил муқаддам қиш кунлари юз берган ўша машъум ҳодиса мени тамоман бошқа одамга айлантирди. Баъзан ўтмишни эсларканман, ичимни аламли изтироб тилкалай бошлиайди.

Бу йил ёз қунларининг бирида Покистондан эски қадрдоним, отамнинг дўсти Раҳимхон қўнғироқ қилиб, тез етиб боришим лозимлигини айтди. Ошхонада турганча телефонни қулоғимга босиб, унинг таҳликали овозини тингларканман, бу шунчаки таклиф эмаслигини англадим. Беихтиёр хаёл мени ўтмишга чорлади, кечирилмас гуноҳларим ҳақидаги эски хотиралар кўз олдимда жонланди.

Суҳбатни тугатиб, сайдрга отландим. Йўлим Спрекелс кўли бўйлаб, «Олтин дарвоза» хиёбонининг шимолий чегараларидан ўтарди. Қиёмга келган қуёш нурлари кўл сатҳида жилваланар, сув юзида ўйинчоқ кемачалар елканларини шишириб сузиб юарди.

Одамлар, дарахтлар, шамол тегирмонлари... бари-барини пастда қолдирганча варраклар Сан-Франциско осмони узра беармон учарди. Шу онда қулоғимга Ҳасанинг сўзлари чалингандек бўлди: «Сен учун минг мартараб...»

Варракларни жонидан ортиқ кўрадиган, улар қўнадиган жойни аниқ чамалаб, ҳаммадан

олдин ўша жойга бориб турадиган, тиртиқ лабили болакайнинг бу сўзлари миямда қайта-қайта акс садо берарди.

Мен мажнунтол тагидаги ўриндиққа чўкарканман, Раҳимхоннинг телефонда айтган сўнгги сўзларини эсладим: «ўтмишдаги хатоларингни тузатишинг, номингни оқлаб олишинг учун қулагай фурсат туғилди».

Мен осмондаги варракларга қараб, Ҳасан ҳақида, Бобо ҳақида, Али ҳақида ўйлардим, Кобулни хотирлардим, 1975 йилнинг қиши кунларига қадар бўлган ҳаётимни бир қур кўз олдимга келтирдим. Ана шу қиши мени ўзгартириди, ўша қиши мени бутунлай бошқа одамга айлантириди.

* * *

Ҳасан билан болаликдан дўст эдик. У билан кўпинча уйимиз олдида ўсган тераклар шохига мингашиб олиб, чўнтағимиздаги ёнгоқ ва тутмайизларни еб ўтирадик, қўлимиздаги ойна парчаси билан деворларга қуёш нурини йўналтирадик. Лунжимизни қуруқ меваларга тўлдириб, уларни бир-биrimiz томон ирғитардик.

Мана, мен Ҳасаннинг дараҳт бутоқлари ва шоҳларидан алоҳида ажralиб турган қиёфасини аниқ-тиниқ кўриб турибман: юзи дум-думалоқ, бурни катта, хиёл япасқи, қисиқ қўзлари бир қараса сарғиш, бир қараса кўкиш ёки зангори порлагандек бўлади, қулоқлари кичкина, чаккасига ёпишиб турибди, пастки тиртиқ лаби ортидан оппоқ тишлари кўриниб турибди, худди моҳир хитой устаси кулиб турган боланинг қўғирчогини ясай туриб, унинг лабини билмасдан кесиб қўйгандек...

Гоҳида мен дараҳт шоҳида ўтирганча Ҳасанни қўшнимизнинг немис овчаркасини рогаткасидан ёнғоқ билан нишонга олишни сўрардим. Бу гапимга у дарров кўна қолмас, аммо илтимос қилиб сўрасам, йўқ ҳам деёлмасди. У ҳамиша менинг барча илтимосларимни бажо келтиради. Дарвоҷе, рогатка отишда унга тенг келадигани йўқ эди.

Гоҳида хизматкоримиз, Ҳасаннинг отаси Али бизни кўриб қолса, бизни беозоргина койиб, пастга туширарди. Кейин қўлимиздан ойна парчасини олиб, унда шайтони лайннинг қиёфаси акс этиши ва мусулмонларни ибодатдан чалфитиши, шу тариқа биз ғофил бандаларни калака қилиши мумкинлигини айтарди.

Гарчи ҳамма хунук қилиқларни мен ўйлаб чиқарсам-да, бирор марта ҳам мени сотмас, ҳамма айбни бўйнига олганча, қийшайиб тураверарди.

Қизил фиштдан тикланган ҳовлимиз дарвозасига олиб борадиган йўлак ёқасида қатор тераклар экилганди. Темир панжарали дарвозамиз ичкарига қараб очиларди. Ҳовлимизнинг тўрида яна бир чиқиши ўрнатилганди.

Менинг отамни Бобо деб чақиришарди. (Мен ҳам шундай деб атай қолай!) Бизнинг уйимизни Кобул шимолидаги бадавлат одамлар яшайдиган туман – Вазир-Акбархондаги энг ҳашаматли қаср деса ҳам бўларди. Ҳовлимизда сара гуллар қулф уриб очилиб ётар, мармар полли ва кенг ойнали хоналарда энг қиммат гиламлар тўшалган, шифтда билур қандиллар очилиб турарди. Менинг ва отамнинг хонаси уйнинг иккинчи қаватида ёнма-ён жойлашган эди. Ҳамиша та-

маки ва долчин ҳиди анқиб турадиган отамнинг хонасига кўпинча унинг танишлари меҳмон бўлиб келар, Али уларни тушликда ширин таомлар билан сийлагач, алламаҳалгача сигарет чекиб, бизнес, сиёsat ва футбол ҳақида суҳбатлашишарди. Одатда бундай пайтлар биз, болаларни бу хонага киритишмасди.

Биринчи қаватдаги меҳмонхонада Бобомнинг 1931 йилда қирол Нодиршоҳ билан, овда ўлжа олинган кийик ёнида елкаларида милтиқ, оёқларида қўнжи узун этикда тушган расми, отамнинг тўй куни тушган суврати, уларнинг ёнида эса, мен, отам ва Раҳимхон акс этган яна бир сурат осилганди. Негадир бу суратда мен отамнинг эмас, Раҳимхоннинг панжаларидан маҳкам сиқиб турадим. Катта, кенг ошхонамизда эса, қизил ёғочдан ишланган стол, унинг атрофида ўттизистача стул терилган бўлиб, бу ерда отамнинг яқин дўстлари иштирокида турли хил зиёфатлар ўтказиларди.

Катта ойнаванд, сурма эшик яrim доира кўринишидаги айвонга олиб чиқар, у орқали эса, орқа ҳовлига – бофимизга ўтишимиз мумкин эди. Томорқамизнинг бир четида Бобо билан Али ер чопиб, помидор, ялпиз, қалампир ва девор остидаги қатор жўяқда маккажўхори экишарди. Биз Ҳасан билан бу жўякни «мажмагил маккажўхори девори» деб атардик.

Боғнинг жанубий қисмида пахсадан тикланган, мўъжазгина кулба қўққайиб турар, унда ота-бала хизматкор Али билан Ҳасан яшашарди. Мен ота ҳовлимда роппа-роса ўн саккиз йил яшаган бўлсам, бу кулбага бир неча мартагина кирган эдим, холос.

Ҳасанларнинг уйида иккита керосин-чироқ, ранги униққан палос, иккита эски түшак ва де-вордаги «Аллоҳу акбар» калимаси мунчоқ билан тикилган гиламчадан бошқа қўзга кўринадиган бирор нарса йўқ эди. Бу гиламчани отам Али учун Машҳаддан сотиб олган экан. Уй шу қадар фарибона, аммо етарли даражада тартибли ва озода эди.

Кун бўйи Ҳасан билан бирга ўйнасак-да, кеч тушиши билан у ўз кулбаси томон, мен эса, ўзимнинг ётогимга йўл олардик.

Менинг таваллудимдан бир йил ўтиб, шу кулбада 1964 йилнинг қиши чилласида Санобар Ҳасанни дунёга келтирганди. Менинг онам туғруқ пайтида кўп қон йўқотиш натижасида оламдан ўтган. Ҳасан эса, бир ҳафталик чақалоқдигида онасидан айрилган. Йўқ, Санобар ўлмаган, аммо ундан баттарроқ бўлган: саёқ масхарабозлар тўдасига қўшилиб, қочиб кетганди.

Ҳасан онасини умуман тилга олмасди. Худдики, унинг онаси бу ҳаётида умуман бўлмагандек. У онаси ҳақида ўйлармиди, қайтиб келишини истармиди, худди мен умримда бир марта бўлсин кўрмаган онамни соғингандек у ҳам соғинармиди – буни мен ҳеч қачон билолмасам керак.

Кунларнинг бирида Ҳасан билан уйимиз яқинидаги «Зайнаб» кинотеатрига тушмоқчи бўлдик. Энг яқин йўл «Истиқдол» ўрта мактаби ёнидаги казарма ҳудудидан ўтарди. Отам бу йўлдан юришимизга рухсат бермасди. Аммо у ўшанда дўсти Раҳимхон билан Покистонга кетганди.

Биз девор оша сакраб ўтдик. Казарманинг ботқоқ ҳудудида эски танклар панасида аскар ва зобитлар чекиб, қарта ўйнаб ўтиришарди.

Улардан бири бизни, түғрироғи, Ҳасанни күриб қолди ва бизга эшиттириб шеригига түнғиллади:

– Анави ҳазорий болани күрятсанми? Мен унинг онасини танирдим. У билан жуда яқин әдик. Бир куни анави ариқнинг лабида у билан майшат ҳам қылганман. О, шунақа тұлғаниб жонни олардикі. О-ох, унинг инграшлари!..

Шериклари қаҳ-қаҳ урганча қулиб юбориши.

...Кинозалда сеанс бошланган, Ҳасан эса, ҳиқ-ҳиқ йиғлаб үтиради. Мен унинг елкасидан қучиб овутган бўлдим.

– Ҳасан, у сени кимгадир ўхшатди. У бошқа аёлни айтди. Менга ишонавер...

Ҳасаннинг онаси ҳақидаги узун-қулоқ гапларни мен ҳам қўп маротаба эшитганман. Унинг қочиб кетиши ҳеч кимни таажжубга солмаган экан. Фақат кўпчилик покдомон, Қуръонни ёддан биладиган Али нима учун ўзидан 19 ёш кичкина, бунинг устига енгилтак ва ахлоқсиз аёлга уйланганига тушунолмасди.

Бу эр-хотин аслида амакиваччалар бўлиб, оталарининг қистови билан турмуш қуришган, ҳар иккиси ҳазорийлардан бўлиб, шиа мазҳабига эътиқод қилишарди. Санобарнинг мовий кўзлари, қирмизи ёноқлари ҳар қандай эркакнинг хаёlinи ўғирларди. Ҳарқалай, шунақа деб эшитганман.

Алининг эса, бир оёғи болалиқдан оқсар, юзлари эса, фалаж натижасида худди ҳайкални-кидек қотиб қолган, шунинг учун хурсандлиги ё хафалигини фақатгина кўзларидан пайқаш мумкин эди. Ахир кўзларни бежиз қўнгил ойнасига ўхшатишмайди-да! Бу гап айнан Али учун айтилган эди, гўё...

Санобарнинг саллона-мастона юришлари, оппоқ оёқдари ҳар қандай эркакнинг ҳушини ўғирларди. Али эса, қоқшолдан қуриб қолган ўнг оёғини судраб босар, унинг юриши ҳар қандай одамнинг кулгисини қистатарди. Бир куни мен у билан бозорга боргандим: ўшанда унинг орқасидан ҳудди унга монанд қинғир-қийшиқ одимлаб борарадим. Гарчи ўнг оёғи унга умуман бўйсунмаса-да, унинг ҳеч қаерга қоқилмасдан, тез-тез, чаққон юриши мўъжизанинг ўзи эди. Мен эса, унга тақлид қиласман деб йўл четидаги ариққа йиқилиб тушишимга сал қолди. Али шунда мен тарафга бир ўтирилдию, бир оғиз ҳам гапирмади.

Кўшни болалар унинг фалажланган юzlари ва антиқа юришларидан ўлардек қўрқишар, шунинг учун болалар унинг орқасидан «Бабалу» (алвости) деб эрмак қилишарди.

Ота-боланинг юzlари барча ҳазорийларга хос япалоқ, бурунлари пачоқ эди. Бу қавм ҳақида билганим шуки, улар ё мўгуллардан, ё хитойлардан тарқалган. Мактаб дарсликларида ҳам улар ҳақида деярли бирор маълумот топиб бўлмасди. Мен бир гал отамнинг хонасидан онамдан қолган, эронлик бир олимнинг китобини варақлаб, ҳазорийлар ҳақида анча-мунча нарсаларни ўқиб қолгандим. Унда ёзилишича, биз мансуб бўлган пуштун халқи ҳазорийларни асрлар давомида ерга уриб, эзиб, хўрлаб келган. Ўн тўққизинчи асрда ҳазорийлар бу зулмларга чидолмай қўзғолон кўтаришади. Аммо, бу исён ақл бовар қилас мағфқатсизлик ила бостирилган экан.

Китобда ёзилишича, пуштуналар ўтмишда ҳазорийларни қулдек ишлатиб, аёлларни чўри қилиб сотишган, уйларини ёқиб, туғилиб ўсан

жойларидан қувиб чиқаришган. Бунинг асосий сабабларидан бири пуштуналар сунний, ҳазорий-лар эса, шиа мазҳабига эътиқод қилишарди.

Мен илгари бу гаплардан бехабар эдим, ҳатто отам ҳам айтмаган. Фақат ҳамма уларга паст назар билан қараб, «пачоқбурун», «сичқонхўр», «ҳаммол эшак» сингари таҳқиромуз сўз ва иборалар билан чақиришини билардим. Чунки, қўшни болалар Ҳасанни кўпинча ана шундай чақиришарди.

Бир куни мен бу китобни мактабга олиб бориб, ўқитувчимизга кўрсатганимда, унинг пешонаси тиришган:

– Бу ярамас шиалар фақат итдек хор бўлиб ўлишгагина лойиқдирлар, – дегани ёдимда.

Санобар гарчи эри билан бир уруққа мансуб бўлса-да, Алини кўтарга кўзи йўқ эди. Унга эшиттириб, «ер ютсин сени, сендан кўра, қари эшакка текканим яхши эди», деб қарғаб юраркан.

Кейинги пайтларда одамлар орасида айрим шубҳали гаплар ҳам тарқала бошлаган: эмишки, Санобарнинг отаси Али билан ниманидир яширинча келишиб олган, никоҳ эса, шу келишувнинг бир қисми бўлган холос. Айримларнинг фикрича, у фақат амакисининг номини исноддан сақлаб қолиш учунгина уйланган.

Али хотинининг ҳақоратларини ҳам жимгина эшитар, чунки у ҳеч қачон ҳатто ўзига озор етказганларга ҳам қаттиқ гапирмаганди.

Санобар эри ва битта доянинг қарамоғида ўз гўдагини осонликча дунёга келтирган, худди отаси сингари Ҳасан ҳам она қорнидан беозор бўлиб туғилган, ҳамма гўдак йиғлаб туғил-

са, унинг юзида табассум порлаб турган экан.
Шунда ҳам Санобар эрига қаратада:

– Мана, сенга ўзингга ўхшаган аҳмоқ бола! –
дека иддао қилган, чақалогини ҳатто қўлига ҳам
олмаган. – Ол, энди у ҳам сенинг устингдан ку-
либ юрсин!

Унинг бу гапи доя хотиннинг тилида ҳамма
ёққа тарқаб кетган бўлса керак.

Шу тариқа орадан бир ҳафта ўтиб, аёл зим-
гойиб бўлган.

Бобо (яъни отам) Ҳасанга бир аввал мени
эмизган ҳазорий аёлни энага қилиб ёллаган. Бу
аёл бир пайтлар улкан Будда ҳайкали салобат
тўкиб турган Бомиён вилоятидан экан.

– У чиройли қўшиқлар куйларди, – дека эслар-
ди Али.

– У қанақа куйларди? – деб сўрардик Ҳасан
 билан мен, гарчи унинг жавобини олдиндан
 билсак-да. Биз фақат Алиниң ширали овози-
 дан ўша кўҳна қўшиқни эшитишни истардик
 холос.

Али кўзларини юмганча хиргойи қилишга ту-
 шарди:

*Бир баланд тоз узра чиқдим ногаҳон,
Чорладим Ҳазрат Алини шу замон,
Э, Али, шери худо, шоҳи жаҳон,
Келгилу дилларни этгин шодумон...*

Али қўшиғини тугатиб, бизга бир кўкракдан
 эмиб катта бўлган одамлар қондош саналишини
 қайта-қайта уқтиради.

Ха, биз Ҳасан билан эмиқдош ака-ука бўлган
 эканмиз. Биз Ҳасан билан бир онани эмганмиз,

бир ўтлоқقا бирга қадам қўйганмиз. Мен биринчи бўлиб «бобо» деган сўзни айтдим, у эса «Амир», яъни менинг отимни айтиб тили чиққан...

Энди, орадан 26 йил аввалги мозийга, 1975 йилнинг қиши кунларига қайтиб, назар солиб, шу илк сўзлар бизнинг тақдиримизни ҳам белгилаганига амин бўламан.

* * *

Айтишларича, отам Белужистонда Ҳимолай айини ўз қўллари билан бўғиб ўлдирган экан. Агар бу гапни бошқа бирор ҳақида айтишганда, ўла қолсам, ишонмасдим. Ахир биз афғонлар лофт билан гапиришни ёқтирамиз ва бу бизнинг умуммиллий қусуримизга айланган.

Лекин ҳамма бу гапга ишонарди. Чунки, отамнинг елкасидаги учта тириқ ҳам шундан далолат берарди. Мен жуда кўп бу даҳшатли олишув саҳнасини кўз олдимга келтирганман: лекин бу шиддатли курашда отам қайси томонда-ю, айик қаердалигини ажратолмай қолардим.

Хуллас, бу ростми, ёлғонми билмадим, лекин Бобо чиндан ҳам баланд бўйли, алпқоматли, паҳлавон, чўрткесар одам эди.

Шу боис, дўсти Раҳимхон уни Тўфон-оға деб атарди. Бир гал у менга «отанг шу қадар қудратлики, ҳатто шайтонни ҳам олдида тиз чўктира олади», дерди. Отам ўзининг икки метрга яқин бўйи, кенг елкалари билан тумонат одам орасига кириб қоладиган бўлса, ҳамма худди тепасида кунгабоқар тургандек отамга ўтирилиб қаарарди.

Отам ҳатто уйқусида ҳам ўзининг кимлигини билдириб туарди. Гарчи отамнинг хонаси би-

лан менинг ётогимни девор ажратиб турса-да, унинг тунги хуррагидан қулоғим том битай дерди. Кўпинча ухломасдан, қулоғимга пахта тиқар, бошимга кўрпа тортар, аммо бу қудратли овоз бари бир мени топиб оларди. Билмадим. Онам бечора қандай чидади экан бу хурракка?

Отам 60-йилларнинг охирида етимлар учун бино қуриб берди. Раҳимхоннинг айтишича, гарчи умрида қурилиш билан шуғулланмаган бўлса-да, бинонинг лойиҳасини отамнинг ўзи чизиб берган экан. Кўпчилик бунинг учун алоҳида меъмор ёллаш кераклигини айтса-да, отам бу ишни батамом ўз зиммасига олган, ҳаммани лол қолдирив, бинойидек лойиҳани бир ўзи тайёрлаган, бинонинг то пойдеворидан пардоз-андозигача барча харажатларни ўз чўнтағидан тўлаган экан.

Отам кўпинча бўш пайтларида мен билан Ҳасанни Кобул ташқарисидаги Қарға кўли соҳилига саёҳатга олиб борарди. Нимагадир бунақа пайтларда Ҳасаннинг биз билан боришига файрлигим келарди. «Ҳасан ичбуруғ бўп қопти, у боролмайди», дея баҳона қиласдим. Бечора Ҳасан ҳам индамай бош иргаб менинг гапимни маъқулларди.

Баъзида учовлашиб кўлга борганимизда Ҳасан билан кўлга тош улоқтириш ўйнардик. Ҳасан отган тош сув сатҳида етти-саккиз марта сакраб, кейин чўкиб кетар, меники эса, беш мартадан ошмасди. Буни кўриб, отамнинг чиройи очилар, Ҳасаннинг елкасини қоқиб, ҳатто қучиб қўяр, буни кўриб, менинг ичим ёниб кетарди...

Етимлар уйининг очилиши катта маросимга айланиб кетганди. Отам унинг очилишида ҳам-

манинг олдига чиқиб, маъруза қилганди. Ўшанда унинг зангори костюми, қоракўл телпаги ўзига жуда ярашиб туарарди. Ўша пайт кучли шамол туриб, отамнинг бошидаги телпакни учирмоқчи бўлган, у телпагини ечиб менга тутқазган, ўзи эса «ўйлайманки, бу бинонинг пойдевори менинг бошимдаги бўрк сингари омонат эмас», деб ҳазиллашган, ҳаммани кулдирганди.

Ўшанда мен отамнинг ёнида турганча ичичимда алланечук фуурланиб, тўлқинланиб кетганман. Одамлар отамнинг ёнимга келиб, унинг қўлини олиб табриклишар, шу қаторда мен билан ҳам қўл бериш сўрашишарди.

Отам ҳар кимга ҳам ишонавермасди. Раҳимхон унинг энг яқин дўсти ва ҳамкори эди. Улар гилам экспорти бўйича ширкат тузишган, биргаликда очган дорихона ва ресторонлари ҳам бор эди. Раҳимхон нимагадир ҳалигача уйланмаган эди.

Отам онамни ёқтирибуйланган эди. Онамнинг исми София Акрамий бўлиб, у Кобулнинг энг гўзал қизларидан бири экан, университетда талабаларга форс мумтоз адабиётидан сабоқ бераркан. Онамнинг томирида қироллар қони оқаркан, шу боис, отам уни дўсту душманнинг олдида эркалаб, «менинг маликам» деб атар, онам ҳам бу унвонга ҳар тарафлама муносиб экан.

Онамдан менга бой кутубхона мерос бўлиб қолганди.

Отам атрофидаги ҳамма нарса ўзи истагандек бўлишини истар, шунга ҳаракат қиласарди. Лекин негадир у мени ўзгартиrolmas, бундан чамаси асабийлашиб юарарди. Отам бутун дунёни оқ ва қора рангларда кўрар, нима оқу нима

қоралигини эса, фақат ўз дунёқараши орқали ҳал этарди. Бу эса, инсонда ҳам меҳр, ҳам кўркув, ҳатто нафрат ҳам уйготарди.

Бешинчи синфда ислом дарслари ўтила бошлади. Юзидан нур ёғилиб турадиган, миқти чол бизга шариат аҳкомларини, иймон сабоқлари, намоз, рўза, закот, ҳажар арконларини ўргата бошлади. У бизга Қуръон сураларини қироат билан ўқишини ўргатар, ҳалол ва ҳаромни фарқдашни уқтиради. Унинг айтишича, маст қилувчи ичимликларни ичиш оғир гуноҳ бўлиб, Қиёматда қаттиқ сўроқ қилинаркан.

Бироқ ўша пайтларда Кобулда ичувчилар жуда кўп учарар, ҳеч кимни ичгани учун одамларнинг кўз ўнгидаги савалашмасди.

Бобо диний расму ойинларга ҳам истеҳзо билан қарап, ичиш, чекишдан қайтмасди. Мен мактабда муаллимларимдан эшитган маърузаларни эслатиб, ичиш ва чекиш Худога хуш келмаслигини айтсам, отам мийифида кулиб, «э болам, Худонинг мендан бошқа ишиям кўп», деб қўя қоларди.

– Дунёда битта оғир гуноҳ бор, – дерди отам.
– Бу ўғирлик. У барча гуноҳларнинг отасидир. Қотил ҳаётингни ўғирлайди. Аёллардан эрини, болалардан отасини тортиб олади. Ёлғон бошқаларнинг ишончини ўғирлайди. Қаллоб адолатни ўғирлайди. Тушуняпсанми? Ҳаммасининг замирада ўғирлик ётади.

Отамни тушунардим. У беш ўшта тўлганида, бобомнинг уйига ўғри тушган ва уни бўғизлаб кетган. Тез орада ўгрини тутишган ва бомдод намозига икки соат қолганда уни қайрагоч шохига осиб ўлдиришган. Шунинг учун отам ўғри-

ларни ҳаммадан баттар ёмон кўраркан. Буни менга Раҳимхон айтиб берганди.

Мен ҳар доим отамнинг менга нисбатан аллақандай совуққонлигини сезардим. Гоҳида у бегоналарнинг боласи учун ҳашаматли бино қуриб, менга – ўз боласига етарлича меҳр беролмаётганидан ўкинар, ич-ичимдан отамнинг пуллига қурилган етимхонада ялло қилиб яшаётган чурвақаларни ёмон кўриб кетардим.

Балким мен уни севимли хотинидан жудо қилганим учун унча ёқтирмас?

Мен болалигимдан адабиётга қизиқардим. Мактабдаги баҳру-байт мусобақаларида кўпинча ғолиб чиқар, шу боис, синфдошларим бундай баҳсларда мен билан битта гуруҳда ўйнашни истардилар. Мен Умар Хайём, Ҳофиз, Румийнинг жуда кўп шеърларини ёддан билардим.

Ҳатто бир гал мен бутун синфни баҳру-байтга чорлаб, ҳаммани мот қилгандим. Бироқ, уйга бориб, хурсандчилигимни отам билан баҳам кўрмоқчи бўлганимда, Бобо «яхши», дея лоқайдгина қўл силтаб қўя қолганди.

Гарчи онамдан жуда кўп китоб қолган бўлса-да, топган пулимни китоб сотиб олишга сарфлардим.

Албатта адабиёт муаллимасининг эри бўлиш бошқа масала. Лекин, отам ўғлининг ҳам боши билан китобга шўнғиб, шеърхонликка муккасидан кетишини орзу қилмагани аниқ.

Сезардим, отам менинг шоиртабиат йигит эмас, балки мард, жасур, кучли эркак бўлишимни истарди.

1970 йилда бўлиб ўтган футбол бўйича жаҳон чемпионатини уйдан силжимай, Эрон телеви-

дениеси орқали (у пайтда Афғонистонда телевидение очилмаганди) ҳамма ишни четга суріб томоша қиласанда.

Отам менда ҳам футболга қизиқиш уйғотиши уриниб күрди. Қайсибир жамоага бориб ёздириб келди. Майдонда чилчүпдек оёқларим билан югуарканман, түпга етолмас, уйин туғаши билан шаталоқ отганча уйга югуардим. Жамоа сафида рақиб дарвозасига бирорта гол уриш тугул, ҳатто түпни керакли ҳужумга ошириб беришни ҳам уддалолмаганимдан сүнг, гурухдагилар мен билан қизиқмай қўйишиди.

Отам шунда ҳам бўш келмади. Мендан лоақал футбол ишқибози чиқишига умид қилиб, ўзи билан томошага олиб борди. Мен отамнинг эътиборини қозониш учун ёлғондакам ўзимни футбол фанатидек кўрсатишга уриниб кўрдим: кобулликлар Қандаҳор жамоаси дарвозасига тўп киритганида отамга қўшилиб олқишиладим, бизнинг дарвозага пенальти белгилаган судьяни юзлаб ишқибозларга қўшилиб, сўкишга уриндим. Аммо, отам мендаги сохталик, зўрма-зўракиликни англаб етдими, футбол ҳақида мен билан гаплашишни ҳам йиғиширди.

Кунларнинг бирида отам мени кўпкари мусобақасига олиб борди. Кўпкари мусобақалари у пайларда Кобудда тез-тез ўтказиб турилар, катта майдонда чавандозлар улоқни бошқалардан аввал қўлга киритиб, маррага етказишга ошиқар, минглаб ишқибозлар майдон четида жамланганча чавандозларни олқишилашарди. Ўшанда бир чавандоз отдан йиқилиб, отларнинг оёғи остида пийпаланиб кетганида, кўрққанимдан йифлагуборганман. Талотўпда худди латта қўғирчоқ-

дек янчилиб кетган чавандознинг қонга беланган гавдаси ҳалигача кўз олдимдан кетмайди.

Ўшанда йўлма-йўл ҳиқиллаб келдим. Отам машинасини ҳайдаб бораркан, ўзича норозилик билан сўкинарди.

Шу куни кечки пайт ётогимга кирарканман, отамнинг Раҳимхон билан қилаётган мунозараси қулогимга чалинди:

– Нима қипти, тўрут мучаси соғ, ҳавас қилса арзигулик ўғил!

– Лекин, китобга ўралашиб, қизмижоз бўлиб катта бўлаётганидан хавотирдаман. Мен бунақамасдим. Ерга урса, осмонга сапчирдим.

– Ҳа, энди бола-да!

– Биласанми, баъзан кўчада болалар билан ўйнашини кузатиб ўтираман. Болалар уни мазах қилишади, турткилашади. Қўлидаги ўйин-чоқларини тортиб олишади. У эса, индамай ўтираверади.

– Сал мулоиймроқ йигит бўлса нима қипти?

– Йўқ, унда йигитларга хос нимадир етишмайди. Кеча деразадан кузатиб турсам, болалар уни урмоқчи бўлишди. Ҳасан келиб, ҳаммасини ҳайдаворди. Уйга келгач, «унинг юзига нима қилди?» деб сўрасам, «иқилиб тушди» дейди. Қара-я! Биласанми, хотиним уни кўз ўнгимда туфмаганида, бу бола менинг пушти камаримдан бўлганига умуман ишонмасдим. Ҳасан бошқача! Унга ҳавас қилса арзийди. Раҳим, биласанми, мен унинг ёшида умуман бошқача эдим. Амирга нимадир етишмайди.

Эртаси куни нонушта пайти Ҳасан мендан нима учун хафароқ эканимни сўради. Мен эса, ўзимни босолмай ўшқирдим:

– Ўчир овозингни!

* * *

Зоҳиршоҳ таҳтга ўтирган, отам туғилган 1933 йилда Кобулда икки бойвачча маст ҳолатда машинасини ўқдек учирив кетаётib, эр-хотин ҳазорийни уриб кетади. Улар ҳалок бўлишади. Беш яшар боласи етим қолади.

Бобом судъя бўлган. Айборларнинг икковини ҳам Қандаҳорга мажбурий ҳарбий хизматга жўннаттиради. Улар кибор хонадондан бўлгани, жабрдийдалар эса, бечора ҳазорийлардан бўлгани учун бундан қаттиқроқ жазо беролмасди.

Марҳумларнинг етим қолган боласини уйга олиб келади. Шу тариқа Бобо Али билан бирга катта бўлишади. Худди мен билан Ҳасанга ўхшаб.

Али Бобога ҳаддан ортиқ содиқ бўлса-да, уни отам бирор марта дўстим деб атамаган. Мен ҳам негадир Ҳасанни ўзимга дўст деб билмасдим. Уни ўзимдан пастроқ кўрардим

Бироқ, болалигимдан Ҳасандан бошқа яқинроқ кишим йўқ эди. Қиши келди дегунча варрак учиришдан бўшамасдик. Унинг қиртишланган боши, шалпанг қулоқлари, қилтириқ гавдаси, касаллик туфайли очилиб қолган лабларидаги доимий табассум мен учун бутун Афғонистоннинг тимсоли бўлиб туюлади.

Дарслар бошланиши билан мен эринчоқлашиб борардим. Эрталаб, аранг кўз очган пайтимда, Ҳасан отаси билан намоз ўқиб, мен учун нонушта ҳам тайёрлаб қўйган бўларди. Нонуштадан сўнг отам мени «форд-мустанг» машинасига ўтқазиб мактабга олиб борарди. Ҳасан эса, отаси билан уй ишларига ўнгиб кетарди.

Мактабдан қайтишим билан уйимиз ортидаги тепаликка чиқиб, Ҳасан билан китобхонлик қилярдик. Тепаликнинг бир четида эски қабрисстон бўлиб, унинг дарвозаси оддида бир туп анор ўсади. Унинг танасига бир пайлар паким билан «Амир ва Ҳасан – Кобулнинг ҳукмдорлари» дея ўйиб ёзиб қўйгандим. Тўғри, Ҳасан кўплаб ҳазорийлар сингари саводсиз эди. Тўғри-да, хизматкорларга саводхонликнинг нима кераги бор?

Ҳасан жуда зийрак бола эди. Эҳтимол, у мактабга борганида, мендан ҳам аълочи бўлармиди? Баъзида мен унга топишмоқлар ўқиб берсам, у бир зумда жавобини топиб айтарди. Бу менинг фашимни келтира бошлади ва бора-бора умуман топишмоқ айтмай қўйдим.

Лекин мен китоб ўқиб берсам, у қулоқ қоқмай эшитар, у ўзи англаб етган сирли дунёга кириш учун қанчалик муштоқ ва ташна эканини кўзларидан билиб турардим. У айрим китобий сўзларнинг маъносини тушунмас, мендан сўраганида ич-ичимдан ундан кўра билимдонроқ эканимни англаб, қувониб кетардим. У баъзан шундай оддий саволлар берардики, кулгидан ўзимни аранг тутиб қолардим.

- Амир оға, телба дегани нима?
- Бу ҳалиги ақдли, одобли, тиришқоқ, билимли деган маънони беради.
- Ҳа, шунақами?
- Истасанг, мен сени телба деб чақираман. Бўладими?
- Эй, қўйсанг-чи, одамни уялтирма!
- «Шоҳнома» ҳар иккимизнинг энг севимли китобимиз эди. Ҳасанга бир гал Зол ва Рустам қисссасини ўқиб берганим эсимда. Бу мисралар ҳам-ҳамон эсимдан чиқмайди:

*Бу ҳашмат аро Рустами доругир,
Магар чиқти бозор аро ул далер.
Улус күргач, ул нахли зебосини,
Кичик ёшда бозуи балосини,
Шукүху солиб ерни багрига чок,
Лаби согаридин бўлуб маст ток.
Тушуб дұхтари разга қайфияти,
Лабин ўпмакига тилаб нияти.
Қади сарв, бозуси аммо қавий,
Фалак паҳлавонин қилур мултавий.
Тани тог, тог үзра тог бош анга,
Агар тутса туғрор үлуб тош анга.
Боқиб халқ бир-бирга ҳайрат қарин,
Дер эрди: – Бу қаддингга минг офарин!
Бу аснода икки пиёда магар,
Таҳамтан била бўлдилар ҳамсафар.
Хабарсиз магар Зол эъломидин,
Сўз айтмиши магар Какни пайгомидин.
Кўруб бўйла бозуи пайвастини,
Шукүху қавий, қомату бастини,
Дуосида тилни санохон этиб,
Тамошо ҳамул сунъи яздон этиб...¹*

Ҳасанга эса, Рустам ва унинг ўғли Суҳроб қиссаси жуда ёқар, бу саргузаштни у қайта-қайта эшитишни истарди.

– Амир ofa, илтимос, яна бир марта ўқиб бер,
– дерди у кўзларида ёш билан. – Шунақа таъсирчан ўқийсанки...

Мен эса ҳеч тушунмасдим: у кимга йифлагяпти ўзи? Беихтиёр ўзи билмаган ҳолда ўғлини ўлдириб қўйиб, бошига тупроқ сочаётган

¹ Очилдимурод Мирий (1830 – 1899) таржимасидан фойдаланилди. (Тарж.)

Рустамгами ё ўлими олдидан отасини таниб қолган Сухробгами? Мен бу қиссада ҳеч бир фожия кўрмасдим. Назаримда, ҳамма оталар ўз ўғлини ёмон кўрадигандек эди.

Гоҳида мен Ҳасанни шунчаки эрмак қилиш учун исталган китобни очардим-да, хаёлимга келган воқеаларни китобий тилда, саҳифалардан кўз узмаган ҳолда «ўқиб» берар, Ҳасан эса, нафасини ичига ютганча, мени тинглар, кейин эса, қувончдан кўзлари чарақлаб кетарди:

– Жуда ажойиб ҳикоя экан, Ҳасан оға, бунақасини умримда эшитмагандим.

Мен эса, йўл-йўлакай ўзимдан қониқиб борардим. Қаранг-а, мен ичимдан тўқиган нарсалар билан ҳам ўқувчиларнинг эътиборини тортса бўларкан-ку!

Эсимда, кунларнинг бирида мен ўзимнинг илк ҳикоямни ёздим. Атиги ярим соатда. У бир камбағал одам ҳақида эди. У фақир яшаса-да, жуда қувноқ одам эди. Камдан-кам кўз ёш тўкарди. Кунларнинг бирида унинг кўлига сеҳрли қадаҳ тушиб қолади. Агар унинг ичига кўз ёши томса қимматбаҳо дур-жавоҳирларга айланарди. Қадаҳнинг хусусиятини англаған ҳалиги одам энди фақат йиғлашга асос қидира бошлайди. Ҳикоя шундай манзара билан тугайди. Ҳали одам кўз ёш тўкиб ўтирибди. Қадаҳдан эса, дур-гавҳарлар тошиб чиқмоқда. Қўлида қонли пичноқ, оёғи остида эса, хотинининг ча-вақланган мурдаси...

Мен ҳикояни тугатиб бўлишим билан отамнинг ҳужрасига югурдим. У Раҳимхон билан бирга тамаки чекиб ўтиради. Отамга ҳикоя ёзганимни айтиб, икки варақни унга тутқаздим.

Отам кулиб қоғозларга бир қур күз ташлади ва қайтариб берди.

– Яхши қилибсан!

Нимадир бўғзимга қадалди. Чиқиб кетмоқчи эдим, Раҳимхон қўлёзмамни олиб қолди.

– Амиржон, менга ташлаб кет, жон деб ўқиб чиқаман!

Бобо наҳотки шу Раҳимхончалик бўлолмаса? Ўз отам камдан-кам ҳоллардагина исмимга «жон» қўшиб чақиради.

Хонамга кириб, тўйгунча йифладим. Томиримни кесиб, унда оқаётган отамнинг қонини вужудимни сиқиб чиқаргим келди. Бир пайт қарасам, кимдир елкамни оҳиста туртяпти. Қарасам, Раҳимхон:

– Табриклайман, – деди пешонамдан ўпиб. – Зўр чиқибди. Бўшашма! Сендан умидим катта!

Раҳимхоннинг бу илиқ сўзларидан эриб кетаёздим. Эртаси куни ҳикоямни Ҳасанга ҳам ўқиб бердим.

– Ўзинг ёздингми? – Ҳасаннинг қорачиқларида ҳайрат ва қувонч балқиди. Мен камтаринлик билан бош ирғадим.

– Мошоолло, Амир-оға! Қойил!

– Сенга ростдан ҳам ёқдими?

– Ёқди, Амир оға! Сен ҳали катта ёзувчи бўласан! Сенинг асарларингни бутун дунё севиб ўқиди. Фақат, битта нарсани сўрасам майлимни?

– Сўрайвер!

– Бояги одам нимага хотинини ўлдирди? Кўзидан ёш чиқиши учунми?

Мен бош ирғадим. У эса ҳайратланишда давом этиб, деди:

– Одам ўлиши шарт эмас-ку! Ҳалиги одам пиёз тўғрасаям бўларди-ку!

Мени чақмоқ ургандек бўлди. Нега шу фикр менинг миямга келмади. Демак, ёзганларим бир пулга қиммат экан-да! Ҳа, Ҳасан менинг биринчи танқидчим ва адабиётдаги биринчи устозим бўлди.

– Биласанми, – энди гап бошлаганимда, нимадир гумбурлаб кетди. Шу сониядан менинг Ватаним Афғонистон тамомила ўзгарган эди

* * *

Ер ларзага келганди. Автоматларнинг тариллаши эшитилди. Биз меҳмонхонадан югуриб чиқдик. Али оқсоқланганча, бизни вестибюлда қарши олди.

– Дада, нима бўляпти? – сўради Ҳасан отасининг пинжига тиқилиб. Али иккимизни ҳам бағрига босди.

Кўчаларда тартибсиз отишмалар бошланганди.

– Қўрқманглар, болаларим, ўрдак овлашяпти, – бизни тинчлантирди Али.

Кўчаларда одамларнинг бақир-чақири яққол эшитилиб турарди. Одамлар тунги либосда кўчаларга югуриб чиқишиган, уларнинг мудроқ юзларида саросима аксланаарди.

Биз бир-биrimizning пинжимизга кирганча тонг оттирдик. Кўп ўтмай отишмалар ҳам тинди. Бундай нотинчлик биз учун янгилик эди. У пайтлар афғон болалари отишма, қўрқув, таҳлика нималигини билишмасди.

Отам тунда Раҳимхон билан чиқиб кетган экан. Эрталаб ҳовлида унинг машинаси қўринди. Қарасам, отамнинг ранг-қути ўчган, бир аҳволда. Мен уни бу қиёфада ҳечам кўрмагандим.

– Амир! Ҳасан! – деди у қулочини кенг очиб.
– Ҳамма йўллар ёпилган. Телефонлар узилган
экан. Сизлардан жуда хавотир олдим...

У ҳар иккимизни бағрига босди. Ўшандада шу
қадар баҳтли эдимки, ҳатто тунда юз берган
қўнгилсизликлар учун ҳам беҳисоб шукур ай-
тишга тайёр эдим.

Тунда ҳеч қандай ўрдак ови бўлмаганини
кейинроқ билдик. 1973 йилнинг 17 июль куни
Зоҳиршоҳнинг Италиядага сафарга кетганидан
фойдаланган амакиваччаси Довудхон давлат
тўнтиришини амалга оширган, мамлакатда мо-
нархия йўқ қилинган эди.

...Эртаси куни Ҳасан билан Бобонинг хонаси-
га кирдим. У Раҳимхон билан қора чой ҳўплаб,
Кобул радиосини тинглашарди.

– Амир оға, – қулоғимга шивирлади Ҳасан. –
Республика дегани нима?

Мен елкамни қисаман:

– Қаёқдан билай?

– Амир оға? – яна қўлимдан туртди Ҳасан.

– Нима дейсан?

– «Республика» дегани мен билан отамни кў-
чага чиқариб ҳайдаш дегани эмасмикин?

– Унақа бўлмаса керак, – деб шивирладим
унга жавобан.

Ҳасан бир оз ўйланиб қолди:

– Амир оға?

– Оббо...

– Отам билан мени кўчага ҳайдаб чиқари-
шингизни хоҳдамайман.

Беихтиёр жилмайдим:

– Э, фирт жиннисан-а. Ким сизларни ҳайда-
япти?

– Амир оға!

– Ҳа?

– Юр, ўзимизнинг дарахтимизга чиқайлик.

Ҳа, Ҳасан қандай пайтда нима гап айтишни, мавзуни қандай ўзгартиришни яхши биларди. Радиодаги гап-сўзлар ўзимнинг ҳам жонимга текканди. Мана, у ўзининг лаш-лушларини олиш учун кулбасига кетди. Мен эса китоб олгани ётогимга кирдим. Кейин ошхонага кириб, чўнтағимни тўлдириб ёнғоқ солдим. Ҳасан мени ҳовлида кутиб турарди. Асосий дарвоза орқали чиқиб, тепаликка қараб йўл олдик.

Турнақатор саф тортган ҳовлиларни ортда қолдириб, тор кўчадан югуриб борарканмиз, дафъатан Ҳасанинг елкасига чақалоқнинг муштидек тош келиб тегди. Орқамга қарадиму, биз томонга келаётган Асеф ҳамда унинг икки ошнаси Вали ва Кармални кўриб, дамим ичимга тушди.

Асеф отамнинг яқин дўсти, фуқаро авиацияси учувчиси Маҳмуднинг ўғли эди. Улар биздан бир маҳалла нарида, баланд деворларидан пальма шохлари кўриниб турадиган ҳашаматли уйда турарди. Кўлидан ялтироқ кастет (юпқа металдан ясалган муштлашув қуроли) тушмайдиган бу бола Вазирободда отнинг қашқасидай танилган эди. Немис онадан туғилган, мовий-кўз,mallasoch бу бола баланд бўйи, ўта бераҳмлиги билан ажралиб турарди. Унинг гапига кирмаган бола борки, кастетнинг зарбидан бенасиб қолмасди.

Асеф қандайдир бир болани то ҳушидан кетганча кастет билан дўппослаганини ўзим қўрганман. уни орқаваротдан «гушхўр» (кулоқхўр) деб ҳам чақиришарди. Варраклар мусобақаси-

да бир бола Асефни мағлуб этгани учун, унинг қулоғини тишлаб узиб олганди. Алини «Бабалу, филай эшак, япалоқбурун» деб, ҳақорат қилиб қочадиган болаларнинг энг ашаддийси ҳам Асеф эди.

Мана, у қўлини чўнтағига тиқиб, биз тарафга одимлаб келяпти. Ҳасан негадир ўзини менинг панамга олди.

– Салом, такалар! – бу унинг энг юмшоқ мурожаати эди. Учови ҳам бизга яқинлашди.

Одатда, Бободан қўрққани учун Асеф менга унча тегинмасди. У тўғри келиб, Ҳасаннинг тумшуғидан тутиб, ўзига қаратди.

– Эй, япалоқбурун, Бабалу яхши юрибдими?
– Ҳасан индамади. Фақат бир қадам тисарилди.

– Янгиликни эшитдингларми, болалар, – сўради у тишларини фижирлатиб. – Энди шоҳ йўқ, Яшасин, Довудхон. Айтганча, биласанми Амир, у отамнинг таниши бўлади.

– Мениям, – дедим ўзим нима деётганимнинг фарқига бормай. «Мениям», Асеф лунжини қийшайтириб, мени масхара қилди. Шериклари унга қўшилиб хаҳолади. Эҳ, қанийди, Бобо ёнимда бўлганида эди.

– Агар Довудхон бизникига кеп қолса, мен у билан юзма-юз эркакчасига гаплашаман, – кариллади Асеф. – Гитлердай бўлиш керак! Ундан ўрнак олинг, дейман!

Ундан нафратланиб кетдим. Гитлердек қонҳўрни мақтаб турган одамдан яна нимани кутиш мумкин?

– Отам Гитлер аҳмоқ, у кўп одамларни қирвorgan, деганди, – мен ўз овозимни аранг танидим.

Нималар деяпман? Жим турсам бўларди-ку!
Асеф пихиллаб қулди:

– Онам ҳам шунаقا деганди. У немис, балки унга шунаقا туулгандир? Лекин мен бу фикрга қўшилмайман. Ҳақиқатни биздан яширишади.

– Ким яширяпти? Тупурдим сенинг ҳақиқатингга!

Лекин тилимни тиймасам қийин бўлади.
Отам ҳозир ёнимдамас-да!

– Сенга битта китоб бераман, – қўлинини белига тиради Асеф. – Бунақасини мактабда ўқитишмайди. Ўша китобни ўқиб, кўзим очилди. Энди менинг ўз қарашларим бор. Янги президент билан кўришиб қолсам, унга ҳаммасини айтаман. Гитлер улгурмаган бўлса, биз улгурамиз.

Асефнинг мовий кўзлари Ҳасанда тўхтади:

– Афғонистон – пуштуналар юрти. Манави пачоқбурунлар эса, мамлакатимизга умуман ярашмайди. Буларни йўқотиш керак, дейман Довудхонга!

«Довудхон аҳмоқ экан-да, сен мишиқи билан пачакилашиб ўтиrsa!»

– Мен Довудхонга «иркит ҳазорийларни йўқотишга шоҳнинг журъати етмаганди, сиз бунга қодирсиз» дейман!

– Бизнинг йўлимизни тўсма, – дедим овозим титраб. – Биз сенга тегмаймиз.

– Ростданми? – Асеф яна мазаммат қилди ва чўнтаgidan ҳаммада даҳшат уйғотувчи ўша машъум, ярқироқ кастетини чиқарди. – Жа, тегасан-да! Айниқса, манави ҳазорий билан ёнма-ён юришинг ёмонам ғашимга тегади. Сен бу билан қандай қилиб ўйнайсан? Шу бола сенинг дўстинг бўлдими?

– У менинг дўстим эмас, хизматкорим!

Наҳотки мен шу гапни айтдим? Ахир Ҳасан менга дўстдан ҳам, уқадан ҳам яқин эди-ку! Фақат отамнинг дўстлари уйга болалари билан келганда, Ҳасанни ўйинга қўшмас, ҳеч ким йўғида у билан ўйнардим.

Асеф кастетини бармоғида айлантириди:

– Агар ҳазорийларнинг бошини силайдиган сен ва сенинг отангдек аҳмоқлар бўлмаганида, биз бу сичқонхўрлардан аллақачон қутулган бўлардик. Буларни ота-боболарининг майити чириб ётган Ҳазоражот тупроғига ҳайдавориш керак. Сен, Амир, Афғонистонга иснод келтиряпсан.

Мен қўрқа-писа унга қарадим. Унинг нияти жиддий эди. Мана, муштини дўлайтириди. Ҳозир қаншаримни ёрса керак.

Ҳасан зудлик билан эгилиб, ердан нимадир олди. Вали ва Камоллар ҳам дафъатан ортга тисарилишди. Ҳасан доим ўзи билан олиб юрадиган рогаткасига ёнғоқдек тош жойлаб, Асефнинг пешонасини мўлжалга олиб турарди.

– Бизни тинч қўй, оға, – деди Ҳасан майнин оҳангда. У ҳатто ҳозир ҳам Асефга ҳурмат билан мурожаат қилаётганди.

– Рогаткани ташла, ҳароми ҳазорий! Кўрмаяпсанми, биз уч кишимиз! Сенлар эса, иккита!

– Лекин, орамиздан фақат бир кишида рогатка бор! Яххиси, туёғингни шиқиллат! Бўлмаса, энди одамлар сени «Асеф қулоқхўр» эмас, Асеф биркўз деб чақирадиган бўлишади. Тош чап кўзингни косасидан чиқаради.

Ҳамма жим эди. Асеф эса, тошга эмас, Ҳасаннинг кўзларига қараб турарди. Нихоят, мушт бўлиб туғилган қўлини ёзиб юборди:

– Ўв, ҳазорий, мен сабрли одамман. Бугунги воқеанинг давоми ҳам бўлади. Сен эса, Амир, бугунги воқеани эсингдан чиқарма! Сенинг манави итваччанг жуда катта хато қилди.

Кейин уларнинг учовиси ҳам фойиб бўлди. Ҳасан титроқ қўллари билан рогаткасини липасига қистирди.

...Тўнтаришдан кейин ҳам, Кобулда деярли ўзгариш бўлмади. Ҳаёт ўз оқимида давом этарди. 1974 йилнинг қишида ҳовлида Али билан қордан уйча ясаб ўтирардик. Шу пайт отам Ҳасанни чақириб қолди. Ўша қуни Ҳасаннинг туғилган қуни экани эсимдан чиқай дебди. Отам ҳар йили Ҳасаннинг ҳам, менинг ҳам туғилган қуниизда бизга бирор совфа берарди.

Бу гал Ҳасан учун қандай совфа ҳозирлагани кейинроқ маълум бўлди.

Бобонинг ёнида саватдек салла ўраган ҳинд дўхтири ўтирарди. У пластик операциялар жарроҳи экан. Отам Ҳасаннинг туғилганидан бери қўтарилиб турадиган юқори лабини операция қилиш учун Дехҳидан жарроҳ чақирибди.

Пластик жарроҳлик нима эканини ҳали билмасдик. Доктор Кумар инсон юзидаги нуқсонларни операция йўли билан даволаркан. Бу Ҳасан учун чиндан-да кутилмаган совфа эди.

Операция муваффақиятли ўтди. Қишига бориб, унинг ўрни ҳам билинмай кетди. Лабидаги нуқсон сабаб унинг қиёфаси ҳар доим кулиб турарди. Операциядан сўнг бирор маротаба унинг лабида табассум кўрмадим...

* * *

...Қиши.

Бириңчи қор ёққан тонгда мен ҳаммадан ил-
гари уйғонар, совқоттан құлларимни күх-күхдаб
ётоқ кийимим билан ҳовлига чиқардим. Ҳовлимиз,
томларимиз, отамнинг машинаси, ҳамма-ҳамма-
си қорнинг оппок, қалин күрпаси остида бўлар-
ди. Бошим остида мусаффо осмон, қорнинг оқ-
лигидан кўз қамашди. Мен қорни ҳовучлаганча
офзимга солардим. Сокинликни фақат қарғалар-
нинг қағиллаши бузиб туради. Оёқяланг зина-
лардан пастга тушиб, Ҳасани чақирадим.

Кобуллик болалар қишини интиқдик билан ку-
тарди. Айниқса уйингда шинамгина чўян печ-
ка қурилган бўлса! Хурсандчиликка яна бир са-
баб совуқ кунлари болаларга таътил бериларди.
Каср сонлар-у Болгариянинг пойтахти ҳақидаги
саволларни вақтингча бўлса-да унутамиш. Уч ой
печканинг ёнида Ҳасан билан маза қилиб қарта
ўйнаймиз, сешанба кунлари «Кинопарк»да бе-
пул кўрсатиладиган фильмларни кўргани бора-
миз, ҳовлида қорбобо ясаймиз, тушликда маза
қилиб шолғом ва гуруч қўшиб пиширилган кур-
ма еймиз.

Яна қиши афғон болалари учун варрак учир-
иш мавсуми саналади. Варрак ерга тушиши
 билан унинг ортидан чопардик. Бириңчи бўлиб
ким етиб келса, варрак ўшаники бўларди.

Отам ҳам варракбозликка қизиқарди. Бу эса,
бизни бир мунча яқинлаштиради. Ҳар йили
қишида Кобулда туманлар бўйича варраклар му-
собақаси ўтказиларди.

Бироқ қиши пайтида баъзи бошоғриқ машғу-
лотлар ҳам бўлиб туради. Мактабларда дарс-

ларни чуқур ўзлаштириш учун қўшимча машғулотлар ҳам ўтказиб турилар, айрим ота-оналар ўз болаларини ана шу машғулотларга ёздиришарди. Хайрият, менинг отам бундай тоифага кирмасди.

Биз билан тўғрима-тўғри уйда яшайдиган докторнинг тутқаноқ ўғли Аҳмад (Асефнинг ожиз қурбонларидан бири) ана шу машғулотларга қатнайдиган болаларнинг биттаси эди. Эрталаб мен уларнинг ҳазорий хизматкорлари машинанинг йўлини очиш учун қор курашини, ота-бала уйдан қоп-қора «Опел»да чиқиб, мактабга йўл олишини жимгина кузатиб ўтирас, кейин яна ўринга кириб, бошимгача кўрпани тортар, кейин ўз-ўзидан қўзларим юмилиб, яна ухлаб қолардим.

Мен Кобул қишлоарини ёқтирадим. Тунда қор учқунларининг эркаланиб ёғишини, печканинг оромбахш иссишини, деразамиз ортида шамолларнинг товушини яхши кўрадим. Асосийси, даражатлар оппоқ либосга ўралиб, йўллар муз боғлаганда, Бобо билан муносабатларимиз аксинча, анча илиқлашарди. Чунки варракка бўлган қизиқиш ҳар иккимизни анча яқинлаштиради. Варрак – қамишларни устма-уст боғлаб ясалган «қовурға» ва унинг устидан қопланган юпқа, хитойи қофоз бир уйда яшайдиган икки одамнинг ҳаётини бирлаштиради, гўё...

Ҳар қиашда Кобул туманлари бўйлаб варрак мусобақалари ўтказиларди. Ҳар бир бола учун «ҳаво жанглари» қишки таътилнинг авж нуқтаси саналарди. Масалан, мен мусобақа олдидан кечаси билан ухломай чиқар, қўлим билан деворда бутун бошли «соялар театри»ни кўрсатар,

гоҳида кўрпани ҳам четга суриб, балконга чиқиб олардим. Асосий жанг олдида турган аскар ҳам худди менинг аҳволимга тушса керак. Беҳазил. Уруш ва варраклар жанги ўртасида ўхшаш жиҳатлар жуда кўп.

Хуллас, ҳар эҳтимолга қарши пухта тараддуд керак бўлади. Баъзи пайтларда варракларни биз Ҳасан билан бирга тайёрлардик. Куздан бошлаб чўнтақ ҳаржи учун берилган пулларни отам бир пайтлар Ҳиротдан олиб келган чинни от ҳайкал-часининг қорнида тўплаб борардик. Биринчи қор ёфиши билан биз чинни отнинг қорнидаги пулларни олиб, қамиш, елим, каноп ип ва қофоз сотиб олгани бозорга югурадик. Қофозни қо-вурғага ёпишириш анча вақтни оларди. Ахир варрак енгил, тез ҳаволанадиган бўлиши керак. Варрак учун каноп худди милтиқнинг стволидек муҳим аҳамиятга эга. Ахир рақибнинг варрагини унинг ёрдамида «қирқиши» мумкин-да!

Узунлиги юз эллик метр келадиган канопга «суюқ ойна», силикат елими билан ишлов бериб, қуритгач, уни ёғоч фалтакка ўраш керак. Ҳали оппоқ қор ўрнини баҳор ёмғирларига бўшатмай туриб, ҳар бир кобуллик боланинг кафтларида ўткир каноп ипдан қолган жароҳатларни кўриш мумкин бўлади. Бу яраларнинг битиши учун эса, анча пайт керак бўлади. Биз таътиллар тугаб, дарсга киришдан аввал кафтларимизни таққослаб, кимнинг жароҳати чуқурроқ эканини солиштириб кўрардик. Қиши шу тариқа тугаб, янги ўқув йили ана шундай бошланарди.

Кўп ўтмай, варракбозлар орасида мен билан Ҳасандан ошиб кетадиганлар чиқа бошлади. Бизнинг варракларимиз ишончлилиги

жиҳатидан бошқаларни кидан унча фарқлан-масди. Шунда Бобо бизни варраклари бутун Кобулга шуҳрат қозонган, бир кўзи кўр этикдўз Сайфонинг дўконига бошлаб борди. Унинг мўъжазгина устахонаси Кобул дарёсининг сербута соҳилидан жанубда, гавжум жаддайи Майванд кўчасида жойлашганди. Сайфо ўзининг харидоргир молларини ертўлада сақларди. Бобо ҳар доим менга ва Ҳасанга учтадан варрак ва учтадан ғалтак олиб берадиган бўлди. Мен албатта варракларнинг энг катта ва чиройлисими танлар, отам эса, Ҳасанга ҳам худди шунақасини олиб берардики, бу менга унча ёқинқирамасди.

Варрак беллашувлари эрта тонгда бошланар ва осмонда биттаям варрак қолмагунча давом этарди. Сўнгги варрак эгаси ғолиб саналарди. Болалар ва катталар кўчаларда, томлардан, тепаликларда туриб, ўз яқинларини олқишилаб туришарди. Мусобақанинг асосий шартлари ўз варрагингни тўғри тарафга йўналтириш, керак пайтда ипни тортиб туриш ва рақиб варрагининг ипни қирқишидан иборат эди. Ҳар бир иштирокчининг қуролбардори бўлар, у пичоқ тифидек ишланган ўткир канопни вақти-вақти билан тортиб, рақиб варракларнинг ипни қирқарди. Ҳасан менинг ана шундай қуролбардорим эди.

Бир куни биз билан қўшни турадиган ҳинд бола – улар Кобулга яқинда кўчиб келишганди, – унинг юртида варраклар жангига маҳсус қоидалар асосида ўтиши, ҳар бир иштирокчи варрагини фақат ўзи учун ажратилган майдончадан чиқмаган ҳолда, маълум бурчак остида ҳавога учирини лозимлигини айтганди.

Биз Ҳасан билан унинг устидан роса кулгани миз. Ҳинд бола британияликлар анча олдин, шўравийлар саксонинчи йилларнинг охирида тушунган ҳақиқатни ҳали англаб етмаганди: Афғон ҳалқи эркинликни севади. Афғонлар қадриятларга содиқ, аммо қоидаларни ёқтиришмайди. Варраклар жанг – яққол мисол! Варрагингни учиргину, истаганингни қиласавер! Ҳеч қандай қоида йўқ. Омадингни берсин, азамат!

Рақиб варраги қирқилганидан кейин у албатта қаергадир бориб қўнади. Агар варрак ортидан югуриб, ким биринчи уни қўлга киритса, варрак ўшанда қолади. Испанияда минглаб муҳлисларни ҳаяжонга соладиган коррида баҳслари нимаси биландир менга болалигимни, ўша беғубор дамлардаги варрак мусобақаларини ёдга солади.

Эсимда, бир йили битта варрак баланд варрак учига илиниб қолган, бир бола уни оламан деб дараҳт учигача чиққан, кейин салкам ўн метр баландликдан йиқилиб тушиб, оёқлари ва умуртқасини синдириб олган, шунда ҳам варракни ҳеч кимга бермаганди. Варракка биринчи бўлиб қўлинг тегдими – у сеники! Бу қоида эмас. Удум!

Қиши мусобақада осмондаги энг сўнгги варракни қўлга киритиш ҳар бир боланинг энг катта орзуси. Осмонда иккита варрак қолиши билан болалар тезроқ ғолиб варрак тушадиган ерни чамалаб топиш ва сўнгги ўлжани қўлга киритиш пайида бўлишади. Бошлар тепага, кўзлар варракларга қадалади. Сўнгги варракнинг ипи қирқилиши билан талотўп бошланади.

Шамол варракни истаган тарафга учириб кетарди. Болаларнинг ҳаммаси ҳам унинг қў-

надиган жойини аниқ билолмас, бу борада ҳеч ким Ҳасаннинг одига тушолмасди. У ҳар қандай варрак тушадиган жойни олдиндан билар ва варракдан аввалроқ бориб туради. Варрак осмонда айлана-айлана Ҳасаннинг қучоfiga келиб тушар, варрак ортидан тиллари осилгунча толиқиб чопган болаларнинг ҳафсаласи пир бўлиб қолаверарди.

Булатли қиш кунларидан бири. Биз Ҳасан билан варрак қуввардик. Мен унинг ортидан ҳансираганча эргашаман. Тор, жинкўчалар Ҳасанга халал бермайди, у қаерда муйилиш ё ариқ-зовур борлигини яхши билади ва чаққонлик билан ҳаракатланади. Мен ундан бир ёш катта бўлсам ҳам, тез чарчаб қолдим.

– Ҳасан! Тўхта! – дедим нафасим тиқилиб.

У югуриб бораркан, бошини буриб, «бу ёққа чоп» дея навбатдаги муйилишда фойиб бўлди.

Осмонга қарадим. Шамол варракни бутунлай бошқа тарафга учирив бораарди.

– Варракдан айриламиз! У бошқа тарафга қараб учяпти! – бақирдим овозим борича.

– Ортимдан югур, менга ишон, – қайситир тор кўчадан унинг овози эшитилди.

Бир амаллаб унинг ортидан навбатдаги чорраҳагача чопиб бордим. Ҳасан бор вужуди билан олдинга елиб бораарди. Осмонга қарамасди ҳам. Мен қоқилиб йиқилдим, Ҳасан эса, чаққон югуришдан толмасди. Мана, у бир муйилишда фойиб бўлди. Мен эса тиззамни уқалаганча унинг ортидан эргашдим.

Мен ҳансираб, лойга ботганча, «Истиқдол» ўрта мактабининг боғига яқинлашдим. Олча даражти тагида Ҳасан хотиржам ўтирганча тутмайиз кавшарди.

– Нега ўтирибсан? – сўрадим ўпкам оғзимга тиқилиб.

Ҳасан жилмайди:

– Ёнимга ўтирибсан? Амир оға!

Индамай унинг ёнига чўқдим.

– Биз бу ерда нима қиласмиш? Варрак бошқа тарафга учиб кетди-ку! Кўрмадингми?

Ҳасан оғзига тутмайиз ташлади:

– Варрак ҳозир шу ерга учиб келади.

Мен ҳатто нафас олишга ҳам қийналар, у эса, бамайлихотир ўтирарди.

– Қаердан биласан?

– Биламан-да!

Ҳасан мен тарафга ўгирилади. Унинг тақир бошида тер томчилари кўринади.

– Мен сени бирор марта алдаганманми, Амир оға?

У билан ҳазиллашгим келди:

– Билмасам, ростдан алдамаганмисан?

– Ундан кўра, лой еганим яхшироқ, – деди у хийла ранжиб.

– Ростданми? Ейиш қўлингдан келадими?

– Лойнами? – Ҳасаннинг қисиқ кўзлари катта-катта очиди.

Биламан, мен шафқатсизман. Мен ўшанда ноўрин гапиргандим. Бироқ Ҳасан билан ўйнашишнинг ҳам завқли тарафлари бор. Ҳашаротларни қийнаган чофимда ҳам худди шундай ҳиссиёт мени чулғаб олади. Ҳозир у худди чумоли, мен эса қўлимда заррабин тутиб, қуёш тифида уни куйдирмоқчи бўлардим.

Хизматкорим менга синовчан тикилиб турарди. Бирдан Ҳасаннинг юзида нимадир ўзгариш сездим. Йўқ, менинг кўз олдимда унинг иккита

қиёфаси намоён бўла бошлади. Бу қиёфалардан бирини мен эсимни таниганимдан бери биламан. Иккинчи қиёфасини эса энди, умримда биринчи марта кўриб турибман.

Ҳасаннинг киприклари пирпиради:

– Агар сен буюрсанг... ейман!

Унинг нигоҳдарига ортиқ дош беролмай, юзимни бурдим. Ҳозиргача Ҳасанг ўхшаган тили-ю дили бир хил одамлар билан тил топишга қийналаман.

– Лекин... – Ҳасан бир оз жим қолди-да, қўшиб қўйди: – Сен буни менгараво кўрасанми?

Аҳа, демак, у ҳам мени синовдан ўтказмоқчи. Мен унинг садоқатини, у эса менинг ростгўйлигимни синамоқчи.

Зўрма-зўраки илжайдим.

– Жиннимисан, Ҳасан, мен сенга бунираво кўрармидим?

– Биламан, – дея самимий кулимсиради Ҳасан.

Ҳа, очиқ, содда, тўғри одамлар билан гаплашиш жуда қийин. Улар ҳаммани ўзларидек гумон қилишади.

– Мана, – дея осмонга нигоҳ ташлади Ҳасан ва икки қадам чап тарафга юрди.

Мен ҳам осмонга қарадим. Варрак тўғри биз томонга учиб келарди.

Шу пайт болаларнинг шовқин-сурони эши-тилди. Ана, варракнинг ортиданчуввос солганда югуришяпти. «Кечикдиларинг, тирранчалар!» Ҳасан қулочини кенг очган чоғда варракнинг ўзи унинг бағрига келиб урилди. Ишонмаяпсиз, а? Аммо бу ҳақиқат!

1975 йилнинг қиши ойлари. Ўшандада Ҳасан сўнгги бор варрак қувлаганди. Ўшандада мусобақа Вазир Акбархон, Карте-Чор, Карте - Парван, Микрорайон ва Коте Санги туманлари ўртасида ўтказилганди.

Мусобақадан бир қун аввал кечқурун, Али билан Ҳасан ўз кулбасига кириб кетганди. Отам билан ўтириб, чой ичдик, овқатландик.

- Менимча, эртага сен ғалаба қозонасан, нима дейсан?

Жим қолдим. Отамнинг овозида аллақандай ишонч ва умид бор эди. Бунаقا оҳангда олдин ҳечам гапирмаган эди. Шунинг учунми, юрагимнинг туб-тубида қандай бўлмасин ғолиб бўлиш, эртанинг ўзида сўнгги варракни уйга опкелиш истаги туғилди. Отам ҳамиша ҳар ишда ғолиб бўлиб келган, ўғли ҳам шундай бўлишини истарди. Демак, мен ютиб чиқаман.

Бобо менинг ҳам қўлимдан иш келишини кўриб қўйсин. Қачонгача ўз уйимда бегонадек яшайман?

Стол атрофида қувноқ суҳбат, ҳазил-ҳузул, қошиқ-санчқиларнинг жарангига эши билади ва мени орзулар осмонига чорлади.

Мана, биз отам билан машинада Пағмонга кетиб борардик. Қовурилган балиқ ва картошка билан тамадди қилиш учун Қарға кўли соҳилида тўхтадик. Мана, биз отам билан Маржон лақабли шерни кўриш учун ҳайвонот боғига кетяпмиз. У Раҳимхонга ўхшаб мени «Амиржон» деб эркалайди. Унинг қалби юмшайди ва мени кечиради. Ахир мен ўз онамни, унинг севимли аёлини ўлдирганман-ку!

Отам қунларнинг бирида нақ ўн битта варракни ҳавода кесиб туширганини айтиб, мақта-

ниб қўйди. Мен қулиб, бош иргарканман, бари бир ўз хаёлларим қанотида парвоз қиласдим. Энди менинг ўз мақсадим бор. Бу гал Бобони уялтириб қўймайман.

Кечқурун, мусобақа олдидан уйда, адёлларга ўралиб олганча панжпар (қартанинг бир тури) ўйнардик. Ташқарида шамол гувиллаб, дараҳтларнинг шохини аёвсиз тебратади. Али пол устида биз учун қўлбола танча ясаб берган. Стол тагида электр иситкич қўйиб, устига адёл ташланган. Совқотсак оёғимизни танчага тиқиб, қарта ташлашамиз.

Бобонинг хонасида эса, Раҳимхон билан бир қанча эркаклар (Асефнинг отаси ҳам бор) сухбатлашиб ўтиришибди. Девор оша радионинг шанғиллаши эшитилади. «Кобул радиоси»дан Довудхон маъруза ўқимокда.

Ҳасан битта олтиликни ташлаб, иккита валетни ютиб олди:

– Президентнинг айтишича, яқинда Кобулда телевидение очиларкан, – дея билағонлик қиласдим мен.

– Ким айтди?

– Довудхон, тентак! Давлат раҳбари!

– Ҳа, лекин Эронда телевизорлар бор экан, – минғирлади Ҳасан.

– Яна шу эронликлар, – дея уф тортдим.

Жуда кўп ҳазорийлар учун Эрон – муқаддас замин. Чунки, Эронда аксарият шиалар яшайди. Бир гал мактабда Эрон ҳақида гап кетганда ўқитувчимиз «бу маҳмадоналар бир қўли билан елкангни, иккинчиси билан киссангни қоқади. Бу гапни отамга айтганимда «Муаллиминг ҳам жуда кўп афғонларга ўхшаб, эронликларни

кўролмаса керак, – деганди. – Эрон Осиёдаги энг кучли давлатлардан бири сифатида ривожланяпти, бизнинг Афғонистонни эса, кўпчилик харитадан топиб ҳам беролмайди».

– Сенга албатта битта телевизор олиб бераман, – дедим битта ўнталик чилликни ташларканман.

Ҳасан ўзида йўқ хурсанд.

– Телевизор? Ростданми?

– Албатта, фақат оқ-қорасиданмас, рангли-сидан. Унгача биз ҳам анча катта бўлиб қоламиз. Бира тўла иккита оламиз. Биттаси сенга, иккинчиси менга!

– Мен уни расм чизадиган столимнинг устига қўяман, – деди Ҳасан орзумандлик билан.

Илкис ҳазин тортдим. Ҳасан жуда бечора, камбағал бола. Катта бўлганида ҳам, бари бир шу фақирлигича қолади ва отасига ўхшаб мана шу кулбасида яшайверади.

– Эртага оға соҳиб сен билан фахрлансалар керак, – деди Ҳасан дамани уриб оларкан.

– Шунаقا деб ўйлайсанми?

– Иншооллоҳ!

– Иншооллоҳ, – дея унинг гапини қайтардим, гарчи бу жумла менга унча ярашмаса ҳам.

Ўйин сўнгида Ҳасаннинг қиролини туз билан урдим. Гарчи мен ютган бўлсам-да, Ҳасан мендан ҳам кўпроқ хурсанд эди. Мен яна қартани чийларканман, Ҳасан атайин менга ютқизиб бермадимикин, деган ўй кечди хаёлимдан.

* * *

Эртаси қуни чой қайнатаётіб, Ҳасан менга ўз тушини айтиб берди:

– Ҳаммамиз Қарға күли қирғоғыда турибмиз – сен, мен, оға-соҳиб, Раҳимхон ва янги күп одамлар... Офтоб нур сочиб турибди, кул худди ойнадек ярақтайди. Лекин ҳеч ким чўмилмасмиш. Одамлар кўл тубидаги аллақандай жонивор ҳақида гапиришаётганмиш.

У менга чой қуиб, шакар аралаштириб олдимга қўйди.

– Ҳамма сувга киришга қўрқармиш. Шунда сен оёқ кийимингни ечибсан. Кейин кўйлагингни ҳам. «Бу ерда ҳеч қандай маҳлуқ йўқ, мана кўрасизлар» дебсан. Ҳеч ким сени тўхтатолмати. Сен ўзингни сувга ташлаб, қирғоқдан узоқлаша бошлабсан. Мен ҳам ортингдан сувга калла ташлабман.

– Сен сузишни билмасдинг-ку, – сўрадим кулиб.

– Ахир бу туш-ку, Амир оға, тушда ҳамма ишни қилишинг мумкин. Ҳамма ортимиздан қичқира бошлабди: «орқага қайтинглар!» Биз эса, кўлнинг ўртасигача сузид борибмиз. Кейин ортимизга қараб одамларга имо қилибмиз. Ортимиздан улар жуда кичкина бўлиб кўринишар, бизни кўриб қарсак чалишармиш. Ҳамма кўл тубида маҳлуқ йўқлигига ишонч ҳосил қилибди. Кейин бу кўлни «Амир ва Ҳасан кўли» деб номлашибди. Ким энди унда чўмилмоқчи бўлса, бизга пулини тўлаши керак экан.

– Хўш, шунга нима бўпти? – сўрадим тақсимчамга мураббо сурилган нон бўлакларини солаётган Ҳасандан.

– Билмасам, балки сен туш таъбирини биларсан?

– Аҳмоқона туш. Унинг ҳеч қандай таъбири йўқ.

– Отам тушга ҳеч нарса бежиз кирмайди, дегандилар.

– Бўпти, унда отангдан сўрай қол, ахир у ҳамма нарсани билади-ку! – уни эрмаклаган бўлдим.

Яхши бўлмади. Ҳаммасига уйқусизликдан юзага келган асабийлик сабаб бўлди. Бўйним, елкам увишиб кетяпти. Кўзим худди қум киргандек ачишяпти. Ҳасанга бунаقا муомала қиласлигим керак эди. Балки кечирим сўрарман. Гарчи Ҳасан мендан буни кутмаса ҳам. У менинг ҳолатимни тушуниб турибди-ку!

Тепада, отамнинг ваннахонасидан сувнинг шариллаши эшитиларди.

Қор қопланган кўчалар мусаффо осмон остида жилваланади. Бутун борлиқ қор остида. Биз кўчага чиқишимиз билан Али дарвоза-ю дарчаларни бекитиб олди. Одатдагидек, бизни дуога қўл очиб кузатиб қолди.

Кўчамизда бунча кўп одамни сира кўрмаганман. Болалар қорбўрон ўйнашяпти. Ўзларича нима ҳақдадир баҳс бойлашяпти. Қатнашчилар ўз қуролбардорлари билан нималарнидир пи-чирилашиб, варракларини жангга шайлашмоқда. Қўшни кўчалардан ҳар хил шовқин, кулги овозлари қулоққа чалинади. Айрим томошабинлар томларга чиқволиб, кўрпачаларга ёнбошлаб, олдиларига бир чойнакдан чой ҳам қўйиб олишган. Қаердандир Аҳмад Зоҳирнинг хушоҳанг, ширали қўшиқлари қулоққа чалинади. Бир пайтлар бу хонанда бутун Шарқда довруғ

таратганди. У электрогитара билан қўшиқ айтган, эски чолфу асбоблари билан куйладиган хонандалардан анча илгарила бетди. Ҳатто қиз-жувонларнинг ҳам тилидан унинг номи тушмай қолганди. У ана шу шуҳрати ортидан жуда кўп дўстлар, айни пайтда душманлар ҳам орттирганди.

Отам ва Раҳимхон ҳам уйимизнинг томида ўтириб, мамнун чой ҳўплашарди. Мана, отам менга қараб қўл силкимоқда.

– Бошлаймиз, – қалин свитер ва велвет иштони устидан зангори чопон кийиб олган Ҳасан жангга шай турарди. Унинг юзларини қуёш яққол ёритиб турар, лабларидаги пуштиранг тиртиқ ҳам деярли билинмай кетганди.

Дафъатан мендаги кучли иштиёқ сўнгандек бўлди. Керакмас. Ҳозир ҳамма нарсами ни йифиштириб уйга қайтаман. Ахир ҳаммаси нима билан тугашини билиб турибман. Бари бир омад менга кулиб боқмайди. Отамнинг ҳам ҳафсаласи пир бўлади. Ундан кўра...

– Мусобақада қатнашмайман, – дедим отам тарафга қарамасликка тиришиб.

– Нега? Щундай ажойиб кунда-я?

– Билмадим, юр, яххиси уйга қайтамиз.

Ҳасан менга яқинлашиб, секин шивирлади:

– Амир оға, эсингда тут, ҳеч қандай махлуқ йўқ. Жуда ажойиб кун бўляпти.

Унинг сўзлари мени ҳайратга солди. Мен унинг учун очиқ китоб эдим. Мен-чи? Тўғри, баъзан мен унинг миясидаги фикрларни ўқий олардим. Ҳарқалай мен мактабга бораман, ўқишиш-ёзишни биламан, ундан кўра ўзимни ақллироқ санайман. Лекин умрида «Алифбо»ни

очиб қарамаган Ҳасан менинг қалбимни равон ўқий оляпти.

– Ҳеч қандай махлук йўқ, – унинг сўзларини такрорладим ва негадир ўзимни анча енгил ҳис этдим.

– Йўқ! – жилмайди Ҳасан. – Қандай ажойиб кун!

Ҳасан иккимиз варрагимиз билан ўзимизга ажратилган майдонни эгалладик. Бу ердан уйимзининг томи ва унда бизга умидвор кўз тикиб турган Бобо ҳам яққол кўриниб турарди.

– Ҳасан, бугун энг сўнгги рақиб варрагини отамнинг олдига олиб боришим керак!

– Иншооллоҳ, Амир оға, сен бугун албатта фолиб бўласан.

Мана, мусобақа бошланди. Осмон кўк, қизил, сариқ варракларга тўлиб кетганди. Куч билан варрагимни ҳаволатаман. Варрак мусобақасида икки нарсани эсдан чиқармаслик керак. Биринчидан, ўз варрагингни ҳимоя қил. Иккинчидан, рақиблар варрагини уриб тушириш пайида бўл.

Варракларнинг тифдай ишлов берилган иплари ўзаро кесишган чоғда улардан бири албатта узилади. Бу қайси варракнинг ипига қандай ишлов берилгани ва, албатта, иштирокчиларнинг моҳирона қўл ҳаракатларига боғлиқ.

Мана, варраклар сафи ҳам қисқара бошлади. Мен имкон борича рақиб варракларининг ҳужумига чап бериб, уларнинг ипини қирқиш пайдаман. Ҳасан бу борада менга янги яқин маслаҳатчи, кўмакчи. Қайси варракни уриб тушириш ва қандай чап беришни ҳам у менга айтиб турди.

Осмонда иккитагина варрак қолди. Меники ва яна битта күк варрак. Демак, ғолибликка атиги бир қадам қолди.

Мактабда, диний тарбия муаллимидан ўрганған дуоларимни пичирлайман. Ишқилиб, ғала-ба мен томон кулиб боқсин-да! Шунда отам мен билан фахрланган, ўз меҳрини мендан дариф тутмаган бўлармиди?

– Амир оға, кес, кес варракни! – Ҳасаннинг қўлларидан қон оқар, кескир ип унинг кафтини тилиб ташлаганди.

Мен ғалтакни тортиб, кўк варрагимни рақиб томон йўналтираман. О! Ипи қирқилган рақиб варраги қафасдан чиққан қушдек шамол қанотида озод парвоз қила кетди.

Чор-атрофни қичқириқ тутди. Ана, отам, менга мамнун қўл силкимоқда. Туғилганимдан бери отамни қойил қолдирадиган иш қилмагандим.

– Амир оға, сен ютдинг! – Бу мени бағрига бошиб турган Ҳасаннинг дўстона табриги эди.

«Йўқ, мен эмас, биз ютдик!» – бу менинг айтишим лозим бўлган, аммо айтмаган гапим. Ҳа, агар Ҳасан бўлмаганида мен ғолиб бўломасдим.

Ҳали мутлақ ғалабага бир оз бор эди. Бунинг учун ўлжа – рақиб варрагини қўлга киритишим лозим эди. Қоида бўйича «ўлжа»ни илиб қайтиш қуролбардорнинг иши.

– Амир оға, мен варракни топиб келаман.

– Албатта, – дедим мен ғолибона табассум билан. – Варраксиз қайтма!

– Сен учун... минг марталаб!

Унинг бу сўzlари қулогим остида жаранг бериб қолди: «сен учун... минг марталаб!»

У олдинга елиб кетди. Ипи йифиб олинган варрагимга мамнун боқдим. Ҳамма мени табриклиарди. Ўзимда йўқ шод эдим. Уйга учиб бордим. Эшик олдида мени Али қарши олди. Унинг фақат кўзлари кулиб турарди.

– Сенинг ғалабангни Яратгандан сўраб турдим, ўғлим!

– Раҳмат Али амаки, – дедим миннатдорлик ила. Варрагимни унинг қўлига тутқазиб, яна кўчага отилдим. То ўлжамни кўрмагунимча, кўнглим жойига тушмасди.

Ҳасаннинг изидан Вазир Акбархоннинг тор кўчаларини узоқ изладим. Негадир унинг қораси кўринмасди. Том устида менинг ғалабамга гувоҳ бўлгандар мени қизғин табриклардилар.

– Табриклайман Амир, сен голиб бўпсан, – деди орқа кўчада турадиган, акаси билан тўп тепаётган Умар.

– Раҳмат, мабодо, Ҳасанни кўрмадингми?

– Ҳазорий малайингними? Боя бир кўргандек бўлувдим. Бозор томонга қараб чопиб кетди, жинниларга ўхшаб.

Бозор тарафга югурдим. Шом азони эшитилди. Кеч тушиб борарди. Бозор тарқалиб борарди. Ҳасандан эса, дарак йўқ.

Кекса пистафурушнинг яқинига бориб, ундан Ҳасанни сўрадим.

Чол пешонасини тириштириб, ўйланиб қолди:

– Ҳа, анави ҳазорий қулваччани айтяпсанми? Боя кўк варракни қўлтиқлаб анави ёқقا ўтиб кетди.

– Ростданми? – севинчим ичимга сифмасди.

– Ҳа, орқасидан иккита-учта бола қувиб кетди. Менимча, етиб олиб роса уришса керак! –

деди чол бепарволик билан писталарини қопга жойларкан.

Ракета тезлигидан жойимдан құзғалдим.

Демак, чол адашмаган. Құлида қүк варракни ҳам күрибди-ку! Менга энг муҳими қүк варрак эди. Қоронги тушиб боряпти. Ҳасанни топа қолсам эди. Бу ақвозда уйга қандай қайтаман?

Шу пайт қулогимга аллақандай овозлар кела бошлади. Бозордан чиқаверишда торгина йүлак бор эди. Йүлакдан ўтарканман, овозлар аниқ-тиник әшитила бошлади. Йүлакнинг икки четида қатор сарвлар саф тортган, айни пайт улар қор юки остида майишиб туришарди.

Ҳасан йүлакнинг бошида, муштларини қисганча, таҳжидли қиёфада қаққайыб турар, қүк варрак унинг орқасидаги деворга суюб қўйилганди. Мана, Бобонинг қалб эшигининг калити.

Ҳасаннинг олдини уч нафар бола тўсиб турарди. Менга ўгирилиб турган бўлса-да, уларни овозидан танидим. Булар тунов куни Ҳасан рогатка билан қўрқитган Асеф ва унинг шотирлари Вали ва Камол эдилар.

Юрагимни ваҳм босиб, ўзимни дараҳтлар панасига олдим.

Асефнинг қўлида ўша ялтироқ кастет айланарди.

– Рогатканг ҳани ҳазора? – сўради Асеф қувлик билан. – Ўшанда нима девдинг? «Сени бир қўз Асефга айлантираман» дебмидинг?

Мен нафас олишга ҳам қўрқардим, оёғим ерга михланиб қолганди.

– Омадинг бор экан, ҳазора! – давом этди Асеф. – Бугун кайфиятим зўр. Сени кечирсамми деб турибман, нима дейсизлар, жўралар?

Жўралар ялтоқланиб, илжайиши:

– Қанчалар олижаноблик!

– Бахшида, – деди Асеф тиржайиб. – Ке-чираман. Аммо, илтифотга яраша жавоб бў-лиши лозим. Сендан кўп нарса сўрамайман. Варракни бер-да, кетавер, йўлинг очик! Мен ҳа-лол нарх қўйдим, тўғрими йигитлар?

– Она сутидек ҳалол, – яна «пахта» қўйиши:

йигитлар.

Ҳасаннинг кўзларига тикилдим. У бош чай-қади.

– О, содиқликни қаранг! Итдай содиқсан-а ҳазора!

– Ит – ҳазора! Қанчалик гўзал ўхшатиш. – Камол яна ялтоқланди.

– Аммо, ўйлаб кўр! Сен хожанг учун жонингдан ҳам кечишга тайёрсан! У-чи? Сени назарига илармикан? Билиб қўй, унинг учун сен уйда боқи-ладиган бир қучукваччасан! Зериккан пайтида-гина сен билан ўйнашади. Сен аҳмоқ бўлса, ўз қадрингни бил ва варракни бер бу ёққа!

– Амир оға менинг дўстим! – деди дадиллик билан Ҳасан.

– Сенга сўнгги имконият, ҳазора, берасанми йўқми? – Асеф титраб кетди.

– Йўқ! – Ҳасаннинг овози унивидан ҳам жа-рангли эди. Шунда Асеф ниманидир имо қилди. Болаларни унга яқинроқ боришиди.

– Унда ўзингдан кўр, ҳароми, – у шундай дея курткасини тош юми устига ташлади. – Майли, ҳозир шундай бир иш қиласманки, варрак бир умр ана шу ишдан сенга эсдалик бўлиб қолади.

Асефнинг ишораси билан шериклари Ҳасанни чалиб йиқитиши:

Мен кўзларимни чирт юмиб

олдим. Мушт бўлиб тугилган қўлларимни тишладим...

Эсимда:

Ахир сиз Ҳасан билан битта аёлни эмгансизлар. Сен буни қандай унудишиң мумкин, Амир оға? Сизнинг эмизган онангизнинг исми Сакина эди. У асли бомиёнлик, ўта гўзал, мовийкўз аёл эди. Сизларга жуда кўп қўшиқларни айтиб берарди. Эмикдош ака-укалар туғишгандан яқин бўлишармиш. Шуни биласанми, Амир?

Эсимда:

– Ҳар бирингиз бир рупиядан тўлайсиз, болалар. Бир рупияга сизни ажойиб сирдан хабардор қиласман.

Кум девор тагида башоратчи чол ўтирибди. У бир қўли билан ҳассасига таяниб, иккинчиси билан серажин юзларини силайди.

– Тўғри ва аниқ башорат. Атиги бир рупия.

У қўлларини биз томонга чўзади. Аввал Ҳасан унинг қуруқшоқ кафтига танга ташлайди. Кейин мен.

– Бисмиллаҳир раҳмонир раҳим.

Башоратчи Ҳасаннинг қўлидан тутиб, унинг кафти бўйлаб қоқсуяк бармоқларини юргизади. Кейин чол Ҳасаннинг иягидан тутиб ўзига қаратади, унинг юзлари, қулоқларини пайпаслайди. Кўр башоратчи қотиб қолади ва индамай тангани Ҳасаннинг қўлига қайтаради. Кейин менга юзланади:

– Сен бери кел-чи?

Девор ортидан хўroz қичқиради. Мен қўлимни тортиб оламан.

Туш:

Бўрон. Адашиб қолганман. Шамол қор парчаларини юзимга аёвсиз сочади. Оёғим қор

устида сирпаниб кетади. Ёрдамга чақираман, аммо овозимни изгирин ютиб юборади. «Мен арвоҳман, – дея ўйлайман. – Фақат арвоҳларгина из қолдиришмайди». Яна бақираман. Бу гал кимдир мени эшитади. Шу чоқ қахратон орасидан кимнинг шарпасини илғайман. Унинг кафтларидан таниш, қонли излар қўзга ташланади. Мен ана шу қонли қўлдан тутаман ва атрофдаги қорлар қўздан йўқолади. Биз ям-яшил ўтлоқдамиз. Устимиздан булатлар сузди. Осмонни кўк, сариқ, қизил варраклар тўлдирган...

Тор кўчанинг тўрида бир уюм чиқинди – тош ва темир парчалари, эски газета-журналлар қалашиб ётарди. Менинг қўзим эса, фақат деворга суяб қўйилган кўк варракка қадалган. Унинг ёнида, фишт парчалари устида Ҳасаннинг духоба шалвори ётарди.

– Отам, бунаقا иш гуноҳ деб айтганди, – Валининг журъатсиз овозини аранг эшитдим.

– Ишинг бўлмасин, сенлар типирчиламаслиги учун қўл-оёғидан маҳкам ушлаб турсанглар бўлди.

Шериклари итоаткорона бош эгишди.

Кўз олдимда рўй бераётган қабоҳат қаршисида тамоман ўзимни йўқотиб қўйгандим. Ҳали-ҳануз кўз олдимдан Ҳасаннинг оғриқ ва норозиликдан тиришган юзи, қулоғим остидан Асефнинг ҳансираган товуши кетмайди.

Ҳа унинг қарашлари менга қурбонлик қилинаётган қўйнинг маъюс қўзларини эслатади...

...Эртага қурбон ҳайити! Ҳаммамиз ҳовлига тўплантанмиз. Бобо бозордаги семиз, қўзлари қоп-қора, чиройли қўчқор сотиб олганди.

«Қани, бошланг, – деди отам. Бобо динга чуқур эътиқод қилмаса-да, анъаналарни ҳурмат қиласади. Ҳар йили Қурбон ҳайити арафасида сўйилган қўй гўштини учга бўлиб, оиласи, дўстлари ва фақирларга бўлиб берарди. Мулла тиловатни тугатиши билан, қассоб узун пичоқни олади. Али қўчқорнинг оғзига бир бўлак қанд солади. Бу ҳам азалий удумлардан. Жонивор бу ёруғ дунёдаги сўнгги насибани ожизгина кавшайди. Қассоб шу заҳоти унинг тумшуғидан тутади ва бўғзига пичноқ тортади. Қўчқорнинг ўлимни олдидағи маъюс қарашлари бир неча кун тушларимда мени таъқиб қиласди...

Қўлимда қандайdir илиқликини ҳис этдим. Муштимни тишлаб қонатиб юборибман. Қўзимдан ёш қуиилиб борарди. Нимадир қилишим керак. Ҳасанни бу ҳайвонларнинг чангалидан қутқаришим керак.

Балки қочарман?

Мана, қочиб боряпман. Бошқа иложим йўқ. Асеф мени ҳам тутиб олганида, нима бўларди? Ўшанда дўстимни жирканч кимсалар қўлидан қутқаришни эмас, фақат ўз жонимни халос этишни ўйлардим. Тамом.

Отамнинг меҳрини қозониш мен учун қимматга тушди.

Тор кўчадан аранг чиқиб олдим. Бозорда ҳеч зор кўринмас, атроф тун зулматига бурканганди. Катта кўчага чиқиб олгач, дуч келган дарвоза олдидағи майдончада ҳолсиз чўккараб қолдим.

Кўп ўтмай, шовқин ва қадам товушларидан ҳушимни йиғдим. Дарвозага ёпишдим, хай-

рият, ичкаридан қулфланмаган экан. Ўзимни панага олдим. Мана, Асеф икки шериги билан югуриб ўтиб кетди.

Яна ўн дақиқалар ўтиб, қўчага чиқдим. Ҳозир мен қочиб келган тарафга қарадим. Рўпарамдан... оқсоқланганча Ҳасан келарди. Кийимлари лойга ботган, ёқавайрон... Қўлида эса, ўша лаънати кўк варрак..

– Қаерларда юрувдинг? – овозимга атайин дағал тус бердим. – Сени боядан бери қидириб юрибман!

У енги билан кўз ёшлари ва мишигини артди. Бечора, нима ҳам дея оларди?

Қоронфида юзларимизни аранг қўриб турардик. Шунисиям яхши эди. Ахир мен унинг юзиға қандай қарай олардим? У боя мени кўрдимикин? Ҳасан нимадир демоқчи бўлар, аммо гапиролмасди. Мен ҳам бошқа савол бермадим.

– Менимча... оға соҳиб роса хурсанд бўладилар, – деди ниҳоят аранг чайналиб. (У Бобони шундай чақираварди.)

Мана, уйга етиб келдик. Бобо ҳужрасида Раҳимхон билан чой ичиб, радио тинглаб ўтиарди.

Отам мени кўриши билан ўрнидан турди ва бағрига босди. Мен эса, унинг кенг кўкрагига бошимни яширганча йифлаб юбордим.

* * *

Ҳасанни бир ҳафта қўролмадим. Ҳар куни эрталаб турсам, нонуштам дастурхонда тайёр, кийимлар дазмолланган туради. Одатда, Ҳасан кийимларимни менинг оддимда ўз тилидаги эски қўшиқларни куйлаганча, хиргойи қилганча тайёрларди. Энди эса...

Кунларнинг бирида Али бир қучоқ ўтин кўтариб кирди. Ундан Ҳасанни сўрадим.

– Ишларини битириб, яна ётишга кириб кетди, – деди у печкага ўтин қаларкан.

– У бугун мен билан ўйнамасмикин?

Али қаддини ростлаб, менга қаради:

– Билмадим, ўша, варраклар мусобақасидан ҳамма ёғи қонга беланиб қайтди. Кийимлари ҳам бир аҳволда. Сўрасам, шунчаки, болалар билан варрак талашиб уришдим, деди.

Мен бошимни эгганча тухум арчиш билан машғул эдим.

– Билмадим, мен бирор билан урушганиниям кўрганим йўқ, – дея тўнғилладим.

Отам бизни жума куни Жалолободга олиб бормоқчи эди. Кечки пайт отамнинг ёнига кириб, шу ҳақда сўрадим. Отам кўзойнагини бурнига қўндирганча газета ўқиб ўтиради. Менга қараб жилмайди.

– Албатта, борамиз ўғлим. Ҳасан ҳам биз билан боради.

Бирдан қовоғим солинди.

– Унинг мазаси йўқ, боролмаса керак, – дея минғирлаб бурнимни тортдим. – Али айтди, мазаси йўқ экан, бир-икки кун ётиши керак экан.

– Нега кўринмай қолди, десам, гап бу ёқда экан-да, – бош чайқади Бобо.

Хуллас, икки микроавтобусни тўлғизиб, Жалолободга борадиган бўлдик. Бобонинг узоқ қариндоши Ҳумоён амакининг Жалолободда ҳовлиси бор эди.

У ҳам икки хотини, болалари, ҳиротлик қариндошларини эргаштириб борадиган бўлди. Учта микроавтобус тўлди. Бобо, Раҳимхон ва

мен битта машинада кетдик. Йўл-йўлакай гап менинг варрак мусобақасида эришган ғалабам устида борди.

Айниқса, отам юзлаб рақиблар орасидан ютиб чиққанимни fuур билан гапириб борарди. Ҳамроҳлар мени самимий табриклишди. Faқат Раҳимхон жим.

Машина ойнасидан ташқаридаги қир-адирларга маъносиз боқиб борарканман, бошим айланиб, кўзим тинаётганини, кўнглим ағдарилиб бораётганини ҳис этдим.

Ҳумоюн амакининг ҳашаматли, икки қаватли ҳовлиси бор экан. Ҳовлининг ўртасида мармар ҳовуз. Ҳумоюн амаки меҳмонлар шарафиға яхшигина зиёфат берди. Дастурхон тури ноз-неъматларга тўлиб-тошди. Дастурхон бошида ҳам мен ҳақимда илиқ фикрлар билдирилди. Менинг эса, томоғимдан ҳеч нарса ўтмасди. Худди игнанинг устида ўтиргандек эдим.

Ниҳоят, ҳамма ухлагани кетди. Мен, Бобо, Ҳумоюн амаки ва Раҳимхон бир хонада туандик. Мендан бошқа ҳамма тарракдек қотганди.

– Мен Ҳасанни қандай зўрлашганини кўрдим!
– оғзимдан бу гап қандай чиқиб кетганини билмайман. Отам ҳамон қотиб ётар, хона хуррак овозидан зир титрарди. Дераза оша ой маҳзун мўралайди.

Мени ҳеч ким эшитмаганига амин эдим. Ахир бу даҳшатли сирни мен қандай ўзимга, ичимга сифдира оламан?

Минг лаънат, бу дардни кимга айтаман?

Кўзимни юмишним билан ўша машъум кун, fiшт тўдаси устида турган Ҳасаннинг духоба иштони кўз олдимга келаверади. Шу кундан

бошлаб, уйқусизлик менинг доимий ҳамроҳимга айланди.

Кейинги ҳафтанинг ўрталарига қадар Ҳасан билан бир оғиз ҳам гаплашмадик. Бир куни у идиш-товоқларни юваркан, мен дастурхон бошида кавшаниб ўтирадим. Дафъатан, «тепаликка чиқмаймизми», деб сўраб қолди. Мен бир оз ўйланиб рози бўлдим.

Мана, тепаликдамиз. Ҳеч нарса ўзгармаган. Анор бағридаги битик ҳам ўша – «Ҳасан ва Амир – Кобулнинг ҳукмдорлари!» Ҳасан «Шоҳнома»дан бирор нима ўқиб беришимни сўради. Мен эса, бунга хоҳиш билдирамдим. Тезроқ уйга қайтгим келаётганини айтдим.

1975 йилнинг қишидаги бу воқеа ҳаётимдаги энг изтиробли саҳифа бўлиб қолди.

Отам билан муносабатларимиз анча яхшиланган эди. У билан энди соатлаб, турли мавзуларда баҳслашиб ўтирадик, ҳатто унга янги ҳикояларимни ҳам ўқиб берар, отам жимгина эшитарди. Қаранг, биргина қоғоз варрак бизни шунча яқинлаштиредими?

Кунлар бир маромда ўтиб борарди. Ҳасан эса, худди ўзини орамизда ҳеч нарса бўлмагандек тутарди.

Хонада китоб ўқиб ўтирганимда, Ҳасан кириб келди.

– Нима дейсан? – дедим китобдан бош кўтармай.

– Юр, ташқарида ўйнайлик!

– Бор, ўйнайвер, – дедим тўнглик билан.

– Амир оға, мен сенга нима қилдимки, мендан бунчалик безгансан? – сўради Ҳасан ўқинчли овозда. – Айт бирор айбим бўлса, тўғирлайман.

Бошимни тиззаларим орасига қисдим.

– Мени тинч қўй, – дедим қўзларимни чирт юмганча. – Мендан узоқроқ юр, қорангни кўрмай!

О, қанийди менинг бу қўрслигимга жавобан бирор оғиз гап қайтарса... Балки сал бўлса-да, юрагимни икки ҳафтадан бери ғижимлаётган оғриқ сал бўлса-да, босилармиди? Ҳасан индамай чиқди-кетди.

Каравотга юзимни босиб, ҳўнграб юбордим. Чин, мен энди Ҳасандан узоқроқ бўлишни, йўлларимиз ҳеч қачон бирлашмаслигини истардим. Агар у менинг ёнимда бўлса, негадир ҳаво сийраклашиб бўғилиб кетаётгандек бўлардим. Ҳасан умуман ёнимда бўлмаганида ҳам, атрофдаги ҳар бир жиҳоз, ҳар қандай манзара уни эсга солаверарди. Қаёққа юз бурмай, унинг маъсум қиёфаси, чексиз ва манфур садоқатига дуч келардим.

Баҳор келиб, мактабда машғулотлар бошланган бўлса-да, мен аввалги ҳаловатни топа олмадим. Бу пайтда отам ҳовлимизга лола экарди.

– Бобо, балки хизматкоримизни янгилармиз, – сўрадим ерга лола пиёзчаларини суқиб чиқаётган отамдан.

Отам менга бақрайганча қараб қолди.

– Мен... шунчаки айтдим-қўйдим, – дея отамнинг ўқдек қадалган қўзларидан ўзимни олиб қочдим.

– Сен ҳали, кекса, садоқатли хизматкоримизни ҳайдаб юборишмни истаяпсанми? – Бобо қўлидаги эски қўлқопини бир четга зарда билан ирғитди. – Агар Ҳасан билан орангизда нимадир гап қочган бўлса, бунга катталарни аралаштирма. Мен Али билан бирга катта бўлганман. Отам

уни ўз фарзандидек кўрарди. Али бу хонадонда салкам қирқ йилдан бери яшайди. Сен эса, уни ҳайдашимни истаяпсан? – отамнинг юзи ҳам лоладек қизариб кетганди. – Амир, шу пайтгача мен сени чертмадим. Аммо, бу гапни яна бир марта оғзингга оладиган бўлсанг, мендан хафа бўлма бола, тушундингми гапимни?

Бошимни қутилмаганча:

- Ота, кечиринг, – дея олдим холос.
- Ҳасан ҳам биз билан қолади, – деди Бобо.
- У шу ерда туғилган. Унинг уйи шу ер. Бунақа аҳмоқона гапларни каллангдан чиқариб ташла.

Мана, ёз ҳам келди. Ҳасанга янги ҳикоямни ўқиб беришга ваъда бериб, уни ўша эски тепаликка олиб чиқдим. Менинг қутилмаган бу таклифимдан у шошиб қолди.

Эски қабристон девори олдидағи анор сояси остида ўтирибмиз. Фарқ пишган меваларини қўтаролмай қолган дараҳт шохидан беш-ўнта анор узиб олдим. Иккита анорни кафтимда фидиратиб ўйнарканман, Ҳасанга ўйчан тикилиб қолдим.

– Ҳасан, мана шу анорни сенга ирғитсам, нима қиласардинг?

Ҳасаннинг юзи тундлашди. Назаримда, унинг юзи жуда қаримсиқ кўриниб кетди. Ўзимни бошқара оладиган ҳолда эмасдим. Қандай унга қараб анорни ирғитганимни билмай қолдим. Чакалоқнинг калласидек анор гурсиллаб унинг кўкрагига урилди. Ҳасан оғриқданми, ҳайратданми, бақириб юборди.

– Энди... мени ур, – дея бақирдим. – Анорни от менга!

Ҳасан менга анграйганча қараб қолди. Навбатдаги анор унинг елкасига бориб тегди. Қип-қизил шарбат унинг юзига сачради.

– От, менга от, нега гапимга кирмаяпсан, – бўғилиб қичқирдим мен. – Сенга айтяпман, аяма, ур мени, ур! Мени бу азоблардан қутқар! Қачонгача сени деб ухломай чиқаман, Ҳасан!

Мевалар кетма-кет у томонга уча бошлади. У эса қимирламасди.

– Қўрқоқ, – бақирдим бор овозимда. – Сен лашпашанг ва қўрқоқсан!

Бечорани неча марта анор билан савалаганимни ўзим ҳам билмайман. У бошдан-ёёқ қизилга бўялганди. Мен эса ҳолсизланиб тиззалаб ўтириб қолдим.

Шу пайт Ҳасан ўрнидан туриб, ердан яна бир анорни олди-да, қоқ пешонасига уриб пачоқлади:

– Мана, – шарбат унинг юзларини қон мисоли ювиб тушарди. – Энди кўнглинг жойига тушдими? Сал бўлсаям енгил тортдингми?

У шарт бурилиб, тепалиқдан тушиб кетди.

Тиззалаб ўтираркан, кўзимдан шашқатор ёш оқа бошлади:

– Нима қиласай, сени Ҳасан? Айт, сени нима қилсам бўлади?

* * *

Кўз ёшларим қуриб, уйга йўл олганимда, уни нима қилиш ҳақида яқдил қарорга келиб бўлгандим.

Ўша йили ёзда 13 га тўлдим. Бу пайтда ҳали юртимизда тинчлик-хотиржамлик ҳукм сурарди.

Отам хизматкорни алмаштириш ҳақидаги таклифимдан кейин мендан сал ранжигандек эди.

Ҳар йили туғилған куним катта тантанага айланиб кетарди. Уйимизга юзлаб, ҳатто мен умуман танимаган одамлар ташриф буюришарди. Совға-саломларни-ку айтмаса ҳам бўлади.

Менинг 13-таваллуд куним ҳам ҳақиқий байрам тусини олди. Уйимизда Бобонинг яқин дўстлари, ҳамкорлари, қариндош-урувлар жамланишди. Ичкилик ҳам ариқдаги сувдек оқди. Дастанрхонда минг хил нозу неъмат муҳайё этилди. Бофимиз тўрида санъаткорлар учун махсус саҳна қурилган эди. Афон булбули Аҳмад Зоҳирнинг ўзи келиб, аккардеон чалиб, қўшиқ айтди.

Мен эшик олдида таниш ва бегоналар билан қучоқлашиб кўришар, уларнинг табрик ва совғаларини қабул қиласдим.

– Амиржон дўстим, туғилған кунинг билан!
– Таниш овоздан сергак тортдим. Не кўз билан кўрайки, рўпарамда Асеф турибди. Ўша мараз Асеф. Ёнида отаси Маҳмуд ва онаси немис аёли
– Таня! Кўзим тиниб кетгандек бўлди.

– Хуш келибсизлар, азизлар, – дея уларни қарши олди отам хушмуомалалик билан. Отам азаддан Асеф билан дўстлашишимни хоҳларди. Мана, Бобо ҳозир ҳам Асефнинг қўлинини сиқиб табриклаяпти. Асефнинг ҳам, ота-онасининг ҳам юзида табассум. Фақат мен ясама бўлса-да, жилмайишни эплайлмаяпман.

– Камол билан Вали ҳам келишди, – елкамга қўлинини қўйди Асеф. Беихтиёр тисарилдим. – Эртага бизнинг ҳовлимизда волейбол ўйнамоқчимиз. Сен ҳам Ҳасан билан бор, албатта!

– Мен волейболни ёмон кўраман, – дея ғурандим.

– Энди кечирасан, Асеф, ўғлим, – отам унга гуноҳкорона термилди. – Бизнинг ўғилга китоб бўлса бас!

Нима? Отам мен учун Асефдан кечирим сўраптими? Шу ярамасдан-а? Қанчалар аламли. Аммо, нима учун менинг дамим чиқмаяпти?

– Ҳечқиси йўқ, – қулди Асеф. – Амиржонни биламан-ку! Шунинг учун ҳам унга китоб олиб келдим. Мана, дўстим, мендан совфа!

Караҳт алпозда унинг қўлидаги китобни олдиму боғчанинг тўрига, Асефдан узоқроққа югурдим. Тоқатим шу ергача етди, холос. Боғчамиз деворига суюнганча, Асеф тутқазган китоб муқовасига кўз ташладим. Бу Гитлернинг таржимаи ҳоли баён этилган асар эди. Худди најасни тутиб тургандек ирганиб, китобни боғча девори оша улоқтирдим.

Ҳолсизланиб, ўтлоқ устига ўтириб қолдим.

– Ўғлим, нега меҳмонларнинг ёнига чиқмаяпсан? – Раҳимхоннинг меҳрли овозини дарҳол танидим. Ундан шароб ҳиди анқиб турарди.

У оҳиста келиб ёнимдан жой олди.

– Сизам ичасизми? – сўрадим ҳайратимни яширолмай.

Раҳимхон елкамни қоқиб қўйди.

– Ҳа, энди, гоҳ-гоҳида ичиб туришнинг айби йўқ.

Раҳимхон билан анча гаплашиб ўтирдик. У шу аснода менга ўзининг ҳазин ишқ қиссасини гапириб берди:

– Нима учун шу пайтгача уйланмаганимнинг сабабини биласанми? Билмайсан! Мен ҳам бир пайтлар қад-қомати келишган 18 ёшли йигитча эдим. Ҳумайра исмли ҳазорий қизни севардим.

У қўшнимиз хизматкорининг қизи эди. Шунаقا чиройли эдики, ҳуснига кўқдаги ой ҳасад қиласарди. У билан боғимиздаги олма дараҳти тагида отамдан яширинча учрашиб турардик. У билан ширин-ширин хаёллар сурардик. Келгусидаги ҳаётимизни, уйимизни, болаларимизни ўзимизча тасаввур қиласардик.

Отам бу сирдан воқиф бўлгач, ҳамма орзулаrimiz саробга айланди. Онам ҳазорий хизматкорнинг қизини севиб қолганимни эшитиб, ҳушидан кетди... Жалол акам уйдан миљтиқ кўтариб чиқди, отам тўхтатиб қолмаганида, билмадим нима бўларди.

– Кейин нима бўлди? – у жим қолгач, аранг юрак ютиб сўрадим.

– Нима бўларди. Отам эртаси куниёқ, Ҳумайрани оиласи билан Ҳазоражотга кўчиритириб юборди. Кейин мен уни умуман кўрмадим. Шунда, умуман уйланмасликка қасам ичдим. Мана, кўриб турибсан, шу қасамимга содик қолиб келяпман.

Орада совуқ сукунат чўқди.

– Ичингдаги дардни кимгадир айтсанг, енгил тортасан, – деди Раҳимхон енгил хўрсиниб.

– Мана, сен билан бир оз гаплашиб, менинг ҳам кўнглим ёзилди. Нимадир сенинг ҳам дилингни хира қилиб турган бўлса, айт, Амиржон, енгил тортасан!

Нега у бундай деди? Балки у варрак билан боғлиқ гаплардан хабар топган, факат ўзим иқрор бўлишимни кутгандир. Ҳарқалай, бу мен учун сир бўлиб қолди.

– Айтганча, бу сенга, – у менга жигарранг чарм муқовали дафтарчани тутқазди. – Туғилган кунинг муборак бўлсин.

...Олдинма-кейин ҳовлига ўтдик. Зиёфат да-
вом этарди. Тасодифан кўзим Ҳасанга тушди. У
кумуш идишларда Асеф ва унинг ҳамтовоқла-
рига таом тарқатаётган эди...

* * *

Эртаси куни мен ўз ётоқхонамда бир уюм
совғалар ичида ўтирардим. Ялтироқ қофозга
ўралган қутиларни бирма-бир очар ва лоқайд-
лик билан бурчакка улоқтирардим. Улар ора-
сида турли ўйинчоқлардан «полароид» фотоап-
паратигача, спорт анжомларидан конвертга
солинган пулларгача бор эди. Биламан, отам бу
зиёфатни менинг ғалабам шарафига уюшти-
ди. Мен эса, бунга лойиқ эмасдим.

Отамнинг ўзи менга иккита нарса совға
қилди. Биринчиси, кўрган кўзни қувнатади-
ган, кобуллик ҳар бир боланинг орзуси бўлган
«Швинн Стингрей» велосипеди. Иккинчиси эса,
кўк циферблатли, миллари олтиндан ясалган
кўл соати.

Мен учун бу икки совғанинг ҳам қиймати
йўқдек эди. Соатни ҳам совғалар уюми устига
ирғитдим.

Фақат Раҳимхон берган блокнот бошқа сов-
ғалардан фарқланиб туради. Блокнотни қў-
лимда айлантирапканман, Раҳимхон ва унинг
бахтсиз муҳаббати ҳақида ўйлардим. Кейин
эса, кўз ўнгимда Ҳасаннинг Асеф ва Валига
овқат ташиб юргани жонланди. Бечора Ҳасан.
Бунга қачонгача чидаш мумкин? Энди мен
учун ҳаммаси кундек равшан: бу уйда ё мен
яшайман, ё Ҳасан. Иккимиз учун бирга яшаш
қанчалар оғир...

Ҳасан ва Али кечаги зиёфатдан сўнг ивирсисб кетган ҳовлини тартибига келтириш, идишларни ювиш билан банд эдилар.

Али мен билан илиқ сўрашди. Кейин қўли билан кутиб туришимни ишора қилиб, кулбасига йўргалади. Бир оз ўтиб, тугунча билан қайтди.

– Амир, ўғлим. Кеча ур-тўполонда Ҳасан билан мен совфамизни сенга топшира олмагандик. Гарчи арзимаса ҳам шу совфани ол, сенга ёқади, деб умид қиласмиш.

Яrim овозда раҳмат айтдим. Тугунчада Фирдавсийнинг «Шоҳнома»си ўроғлиқ экан. Кўзларим яшнаб кетди.

– Ҳасан айтувди. Сенинг китобинг анча эскириб, варақлари титилиб кетган экан. Бу қўлёзма нусха, суратлари ҳам қўл билан чизилган.

Ўпкам тўлиб йифлаворишимга оз қолди. Мен бу совфага номуносисб эканимни билсан-да, айттолмадим.

Хонам совфага лиқ тўлган эди. Негадир бу китобга қўзим тушишини истамай, уни совфалар ичига қўмиб қўйдим.

Уйқуга ётиш олдидан отамнинг ёнига бориб, ўзи совфа қилган соатни қўрган-кўрмаганини сўрадим. Эрталаб эса, Али ва Ҳасаннинг бозорлик қилгани кетишларини кутдим. Мана, ота-бала аравачаларини судраб, чиқиб кетишиди. Мен совфалар уюмидан пул солинган иккита конверт ва отам совфа қилган тилла соатни олиб, оёқ учida хонамдан чиқдим. Отамнинг ҳужраси олдидан ўтаётуб, ичкарига қулоқ тутдим. Бобо телефонда ким биландир гилам савдоси хусусида гаплашарди.

Зиналардан оҳиста пастлаб, ота-боланинг кулбасига кирдим. Ҳасаннинг тўшаги остига соат ва пулларни жойлаштириб, ортимга қайтдим. Кейин орадан бир оз ўтиб, отамнинг хонасига кирдим ва кечаси билан ёд олиб чиққан ёлғонларимни айтдим. Ич-ичимдан ўзимга бошқа ёлғон гапирмасликка сўз бердим.

Ҳасан ва Али бозордан гўшт, нон, мева-чева билан қайтишди. Мен уларни хонамнинг дера-засидан кузатиб турадим. Отам ҳовлида экан. Алига нимадир деб ҳужрасига кўтарили. Али ҳам бош иргаб, кулбасига йўл олди.

Кўп ўтмай, Бобо хонамнинг эшигини тақиллатди:

– Менинг ёнимга кир, гап бор!

Унинг ҳужрасида ота-бала шолғомдек қизарганча қўл қовуштириб туришарди. Йиғлашган бўлса керак, икковининг ҳам кўзлари қизарган. Бу муштипар ота-болани ҳам йиғлатибман-да! Наҳот, яна бир қабоҳатга қўл урдим?

– Демак, пулни ҳам, Амирнинг соатини ҳам сен олгансан? – сўради бир оз ўтгач, отам бошини кўтариб.

– Ҳа! – бўғиқ овозда жавоб қайтарди Ҳасан.

Унинг бу жавоби юзимга тарсакидек урилди. Қалқиб кетдим. Юрагим сиқилди. Шууримга шу нарса ёриб кирдики, Ҳасан яна бир карра ўзини мен учун қурбон қилаётир. Агар Ҳасан отамнинг саволига «йўқ» деб жавоб қилганида, отам унга чиппа-чин ишонар, чунки, Ҳасан шу пайтгача ҳеч кимни алдамаганди. Шунда, ҳаммасини тан олишга тўғри келар, асл айборнинг кимлиги очи-либ қоларди. Бобо эса, менинг бу ишими мутлақо кечирмаган бўларди. Яна бир нарсани аниқ сез-

дим. Ўша машъум кунда, ивиришиб ётган тор кўчада бир четда биқиниб ўтирганча, кўз ўнгимда рўй берган ноҳақдикка аралашмаганимни Ҳасан ҳам билган, балки мени кўрган ҳамдир? Мен унга хиёнат қилаётганимни била туриб ҳам, мени қутқаришга уринаётир. О, Ҳасан, сени қанчалик яхши кўришимни ўшанда англадим. Ҳеч кимни сенчалик яхши кўрмаганман, Ҳасан! Мен сенинг қўйинингдаги илон эдим. Сенинг марҳаматингга муносиб эмасдим. Мен ёлғончи, хоин, аblaҳ ва ўғриман. Аммо, ўша онда қалбимдаги бу изтироб ўрнини аллақандай қувонч эгаллади. Мана, ҳозир ҳаммаси тугайди. Бобо хизматкорларни қувиб боради ва ҳаммаси янгидан бошланади.

– Мен... сени кечираман!

Ҳайратдан донг қотдим. Кечиради? Қанасига? Ахир отам учун энг ярамас иллат ўғирлик эмасмиди? Ўғирлик ҳамма гуноҳларнинг ўзаги деган ҳам отам эмасмиди?

– Биз кетамиз, оға соҳиб, – деди Али. – Биз энди бу уйда яшай олмаймиз.

– Мен ўғлингни кечирдим, деяпман, Али, эшитмадингми?

– Йўқ, оға-соҳиб! Энди бу ерда бир кун ҳам туролмаймиз, – дея Али Ҳасанни худди кимдан-дир яшираётгандек бағрига босди. У ўғлини кимдан яшираётгани менга равшан эди. Демак, Али ҳамма гапдан хабардор. Ҳасан унга айтган.

– Тупурдим ўша пулгаям, соатгаям, – отам ўрнидан туриб кетди. – Гап тамом. Ўтган ишга салавот. Мен ҳеч нарсани кўрганим ҳам, эшитганим ҳам йўқ.

– Кечиринг, оға-соҳиб! Биз ҳамма нарсамизни тайёрлаб қўйганмиз.

— Али, эсингни йиф, — отам тутақиб кетди. — Мен шу пайтгача сенга ёки ўғлингга бирор ёмон гап гапирдимми? Мен сени ўз инимдек кўраман, буни биласан.

Улар орасидаги мунозара анча давом этди. Аммо, Алининг қарори қатъий эди.

— Қаерга борасан? — сўради отам сўник оҳангда.

— Ҳазоражотда амакиваччам яшайди. Ўша ерда бир кунимизни кўрармиз. Фақат бизни юкимиз билан автовокзалгача олиб борсангиз бас!

Ёзда Кобулда ёмғир кам ёғади. Бироқ, отам Али билан Ҳасанни машинасида олиб кетган куни ёмғир худди чеълаклаб қўйгандек ёғди. Ўша кунги момақалдироқнинг гулдуроси ҳануз қулоғим остидан кетмайди. Ҳасан қулбасидан ўраб боғланган кўрпа-тўшакни орқалаб чиқди. Бобо машина ичида Али билан анчагача тортишди. Чамаси, у сўнгги бор ота-болани қолишга кўндиromoқчи бўлди. Аммо фойдаси бўлмади.

Машина қўзғалди. Шундагина мен ўз хато-йимни бутун борлиғим билан идрок этолдим. Мен билган, мен таниган аввалги ҳаётим, болалигим худди шу нуқтада тугаган эди.

* * *

Март, 1981 йил.

Қаршимизда оч яшил либосдаги жувон ўти-рарди. У юзини ҳарир рўмол билан тўсиб олган. Юк машинаси ҳар силкингандан, у беихтиёр «бисмилло»ни тилга оларди. Унинг эри эса кичкина гўдакни қўйнига олганча, нималарни диршивирлаб кетиб бораарди. Юк машинасининг кузовидан ўрин олган 10–12 нафар йўловчи орасида мен билан отам ҳам бор эдик. Биз Кобулдан

тунги соат учда чиққандик. Негадир менинг бoshим айланар, кўнглим айнирди. Шунда бояги киши менинг аҳволимни тушуниб, кабинани чертди ва ҳайдовчи Каримдан машинани тўхатиши илтимос қилди.

– Биз ҳали Кобулдан унча узоқлашмадик. Озроқ чидасин.

Қайт қилиб юбормаслик учун ўзимни аранг тутиб борардим. Ҳарқалай, 18 га тўлган ўсмир учун йўл азобига бардош беролмаслик уят, ахир.

Бу юк машинаси Каримнинг ягона тириклик манбаи. У шўравийлар (советлар) томонидан ишғол қилинган Кобулдан одамларни яширинча олиб чиқиб, нисбатан хавфсизроқ бўлган Покистонга элтиб қўярди. Келишувга кўра, Карим бизни Жалолободга олиб бориши, у ердан эса, биз йўловчиларни унинг акаси Тўранинг машинасига алмашибимиз, Тўра анчайин катта ва тезюарар машинаси билан бизни Пешоварга етказиши лозим эди.

Ниҳоят, Карим машинасини Моҳипар шаршараси яқинида тўхтатди. Биз отам билан бу йўлдан тинчлик вақтида неча мартараб ўтганимиз. Бу ердаги манзараларни жаннатда ҳам учратиши мушкулдир.

Машинадан сакраб тушдиму йўл четидаги тубсиз жарлик лабига бориб ўқчий бошладим.

Наҳотки, биз қадрдон уйимизни ташлаб кетяпмиз? Ҳамма-ҳамма нарса, отамнинг оҳорли кийимлари, онамнинг беҳисоб китоблари, менинг болаликдаги ўйинчоқларим, ошхонамиздаги идиш-товоқлару, ётоқдаги қўрпа-тўшаклар ҳаммаси қолиб кетди. Фақатгина уйимиз деворини безаб турадиган портретларнигина

ўзимиз билан олганмиз. Айтганча, Раҳимхон совфа қилган блокнот ҳам ёнимда.

Чиқиб кетаётганимизни янги хизматкоримиз Жалолиддинга ҳам айтмаганмиз. У бизни бирор ёққа меҳмонга кетган деб ўйлар.

Кобулда ҳеч ким бир-бирига ишонмай қолганди. Пул ёки жонни қутқариш учун ҳамсоя ҳамсояни, дўст дўстни, ўғил отани, aka укани, хизматкор хожасини сотишга тайёр эди. Масалан, туғилган кунимда қўшиқ айтган Аҳмад Зоҳир машинасида дўстлари билан қаёққадир жўнаган, эртаси куни йўл четида боши мажақланган ҳолда топилган...

Хуллас, ҳаёт буткул издан чиққанди.

Мен эса, жарлик лабида ўтирганча, ҳамон ўқчирдим. Мен ярим кечаси, куннинг совуғида ўз уйимдан юзлаб чақирим йироқдаман. Балки бу ҳаммаси тушдир? Эрталаб ўзимизнинг тинч-хотиржам уйда қўзимни очаман. Кўчаларда қоровуллик қилаётган шўравий аскарлари ҳам, ваҳимали танк ва БТРлар ҳам, қўрқинчли отишмалару портлашлар ҳам бўлмайди.

Қизиқ, ҳозир Ҳасан нима қилаётган экан-а? Яна кўнглим афдарилиб кеди.

Орадан 20 дақиқалар ўтиб, биз Моҳипар блок-постида турардик. Чамаси бизни шўравийлар тўхтатишган эди. Баданимни ваҳима босди.

Ташқарида ёндиригичнинг чиқиллагани, кимнингдир русчалаб «спасибо» дегани, рус талаффузида эски афғон қўшиғини бузиб куйлагани эшитилди.

Аэста боро, Маэман, аэста боро.

(Оҳиста юр, ой юзли гўзал, оҳиста юр).

Шу чоқ машинанинг брезент ёпқичи кўтарилиб, ташқаридан Карим ва икки аскарнинг боши кўринди. Аскарнинг бири аффон, иккинчиси рус эди. Рус лабига сигарета қистирганча, аффонча ашулани замзама қиларкан, йўловчиларга бирма-бир қараб чиқди. Ташқаридан тушаётган ой нури машинанинг ичини ёритиб турарди. Совуқ бўлса-да, баданимни совуқ тер босаётган эди.

Руснинг кўзлари машинадаги ёш жувоннинг юзларига қадалганча тўхтади ва Каримга нимадир деди. Карим эътиroz оҳангига нимадир деганди, рус унга бақира кетди. Орага афfon аскар аралашди. Руснинг дағдаси эса тобора ошиб борарди

Ниҳоят, Карим йўловчиларга юzlаниб, рус аскари жувон билан яrim соат бирга бўлиш истагига эканини айтди. Аёл илкис юзига чодрасини туширганча, йиглаб юборди. Боласини бағрига босиб кетаётган эрининг ранги докадек оқарганди. Каримга қараб:

– Мистер соҳибга тушунтилинг, бизга раҳм қилсинлар! Жанобларининг ҳам волидалари, сингиллари, балки рафиқалари бордир?

Карим таржима қилди. Рус баттар тутақди.

– Бу иш йўл ҳақи ҳисобига ўтади, деяпти, – ерга тикилганча руснинг раъйини билдириди Карим.

– Биз йўл ҳақини тўладик-ку! – қайсарлик қилди эркак. – Бу ёғига сиз жавобгарликни бўйнингизга олгансиз.

Карим рус аскари билан яна анча тортишди. Шу чоқ отам ўрнидан турди. Мен унинг оёқларидан ушлаб қолишга уриндим. Аммо у силтаниб, пастга отилди.

– Ундан бир нарсани сўрамоқчиман, – дея Каримга юзланди Бобо. – Бунда ор-номус борми ўзи?

Карим аскарга таржима қилди, аскар ҳам жавоб қайтарди:

– Урушда ор-номус бўлмайди, деяпти, – таржима қилди Карим.

– Бу итга айтиб қўй, урушда ор-номус тинчлик пайтидагидан ҳам кўра қўпроқ аҳамиятга эга.

Юрагим қинидан чиққудек потирларди. Отам ҳам қаҳрамонликнинг зап вақтини топди ўзиям. Шунча одам жим турганда, орага суқи-либ нима қиласади?

Руснинг гапларини эшитиб бўлгач, отамга юзланиб муроса оҳангига сўз қотди:

– Офа соҳиб, булар руслар, улар бизга ўхшамайди, ор-номус, уят нималигини билишмайди.

– Нима деяпти?

– Айтяптики, сизни... пешонангиздан дарча очиб, ҳамманинг кўз ўнгида мана буни... – Карим боши билан жувон томонга имо қиласади.

У гапини тугатмай туриб, рус сигаретасини улоқтириди ва филофидан тўппончасини чиқариб, отамнинг пешонасига тиради.

Кўзларимни чирт юмиб олдим. Наҳот, отамнинг пешонасида шундай қисмат битилган бўлса? Мактабда ўрганган дуоларимни пи chirлай бошладим.

– Унга айт, – отамнинг ўқтам овози жаранглади. – Мени илма-тешик қилиб ташласа ҳам, бир муслиманинг шармисор қилинишига йўл қўймайман.

Дафъатан Ҳасаннинг оғриқдан тиришган башараси кўз олдимга келди, қулоғим остида Асефнинг ҳайвоний пишқириши...

Мен ўшанда ғинг деёлдимми? Балки, мен мана бу мард одамнинг фарзанди эмасдирман?

– Айт унга, – деди Бобо. – Агар у мени битта ўқ билан ўлдира олмаса, мен уни тилкалаб ташлайман, ҳе падарига лаънат!

Мен юзимни қўлларим билан бекитиб олгандим. Тепки босилди. Ўқ овози жаранглади. Тамом. Мен энди етимман! 18 ёшли етим. Энди отамни қандай кўмаман? Ўзим қаерга бораман?

Бирдан қўзимни очдим. Бобо ҳануз жойида қилт этмай турар, машина олдида яна бир рус пайдо бўлган, унинг қўлидаги тўппончанинг оғзи ҳавога қаратилган, ундан буруқсаб тутун чиқиб турарди.

Отамни отмоқчи бўлган аскар эса тўппончасини филофига жойларди.

Ҳозиргина пайдо бўлган оқсоқ рус офицер русча талаффуздаги форсийда биздан узр сўради.

– Афв этасизлар, урушга манавинаقا она сути оғзидан кетмаган гўдакларни жўнатиша-ди. Бу ерда нима кўп – гиёҳванд моддалар кўп. Чекиб олишади-да, дуч келганга қурол ўқталиб, қўнглига келган номаъқулчилигини қилишади.

...Орадан чорак соат ўтган, машинамиз елиб бораарди, ҳеч ким чурқ этмасди. Тонгга бирор соат қолганда, Жалолободга кириб бордик. Карим зудлик билан бизни қалин акациялар орасидаги кулбага жойлаштирди. Этни жунжикти-рувчи совуқ шамол эсарди.

Карим олақоронги хонанинг эшигини зичлаб ёпди-да, пардаларни туширди. Унинг айтишича, унинг акаси Тўра бизни Пешоварга олиб боролмас эмиш. Бир ҳафта илгари машинасининг мотори ёниб кетибди, эҳтиёт қисмлари йўқ экан.

– Бир ҳафта олдин бўлса, нега бизни бу ёқقا опкелдинг? – дея кимдир уф тортди. Шу чоқ кимдир одамлар орасидан ажралиб чиқди-ю, ҳайдовчининг ёқасидан тутиб, ердан яrim газ юқори кўтарди. Бу Бобо эди.

– Мен айтаман нима учунлигини, у фақат ўз чўнтағини ўйлаган. Бизни бу ёққача опкелиб пулимизни олди. Қолгани билан нима иши бор? Тўғрими? Сени ҳозир ўлдираман!

Карим типирчилаб, хирилларди, оғзидан кўпик сиза бошлаганди. Мен аниқ билардим, отам айтган ишини қиласиган одам.

Одамлар ҳайдовчини унинг чангалидан ха-
лос этишга уринишди. Ниҳоят, орага бояги,
отам рус аскарнинг қўлидан қутқазган аёл ўр-
тага тушгач, Бобо чангалини ёзиб юборди.
Каримнинг танаси полга гурсиллаб тушди.

Қисматнинг ўйинини қаранг, отам боягина
ўзи танимаган бир аёлни ажнабийнинг чангалидан озод этганди, энди ўша аёл бошқа бир инсоннинг ҳаётини асраб қолди.

Шу пайт пол остидан аллақандай шовқин эшитилди.

– Нима гап, тинчликми? – сўради кимдир.

– Улар қочқинлар, – пишиллаб жавоб қайтарди Карим. – Улар ертўлада. Сизларга ўхшаб...
кетишилари керак эди. Кутишяпти.

– Қачондан бери кутишяпти? – сўради отам.

– Икки ҳафтадан бери.

– Сен боя машина бузилганига бир ҳафта бўлди, демовмидинг?

– Билмадим, оға, балки икки ҳафта олдин бу-
зилганмиди? Эсимда йўқ!

– Машинани қачон тузатасанлар, – отамнинг қичқириғидан Карим яна деворга биқинди. «Бу гал аниқ ўлдиради» деган фикр ўтди хаёлимдан.

Карим Бобонинг амри билан ертўланинг қопқоғини очди. Ичкаридан зах, мөгор ва яна аллақандай қўланса ҳид буруқсаб чиқди. Бирмабир пастга тушдик. Ертўлада жуда кўп одамлар менга нигоҳини қадаб тургандек туюлди. Ертўла шифтига осилган мойчироқнинг заиф нури ичкаридаги шарпаларни фира-шира ёритар, одамларнинг шивир-шивири, томчининг чакиллаши ва аллақандай чийилдоқ товушлар эштиларди. Бобо хўрсинганича жомадонини ерга қўйди. Карим уч-тўрт кун ичидаги акасининг машинаси тузалиши ва бизни Пешоваргача олиб боришини айтди. Бир ҳафтача ертўлада қолиб кетдик. Ертўла каламуш билан лиқ тўла экан.

Кўзлар қоронғида ўрганганида, ертўладаги одамларни санаб чиқдим. Чамаси ўттизтacha бор эди. Елкама-елка ўтириб, қотирма, нон, ёнғоқ, олма сингари ўзимиз билан олиб келган егуликларни қисматдошларимиз билан баҳам кўрардик.

Эркаклар беш маҳал ертўланинг бир бурчагида йигилиб намоз ўқир, фақат отам уларга қўшилмасди.

Ертўлага биздан аввал келиб жойлашганлар орасида Камол ва отаси ҳам борлигини пайқадим. Ҳа, худди ўша, Ҳасаннинг қўлларини орқага қайириб, оёқларини босиб турган болалардан бири.

Унинг отаси Бобони таниб, қуюқ сўрашди.

Мен эса, Камолнинг юzlарига зимдан тикилдим. Камолнинг қиёфаси ҳиссиз ва рангиз,

ёноқлари чаккасига ёпишиб кетган, қўзлари маъносиз боқарди.

Унинг отаси Кобул кинотеатрининг хўжайини эди. Отам билан сұҳбати асносида шуни билдимки, унинг аёли кўчада дайди ўқдан ҳалок бўпти. Отамниг қулоғига шивирлаб айтаётганида эшишиб қолдим:

– Ўглимнинг бир ўзини ташлаб кетмасам бўларкан, тўртта бўлиб келишибди. Бечорани зўрлашибди ҳайвонлар. Келиб қарасам, қонга беланиб ётибди. Мана, ўшандан бери... тилдан қолган.

«Худодан қайтибди!» – хаёлимдан кечгани шубўлди.

Бир ҳафта ўтиб, Карим акасининг машинасини тузатиш имкони йўқдигини билдириди.

– Фақат битта йўли бор, – деди Карим. – Амакиваччамнинг бензин ташийдиган машинаси бор. Ҳозир у Жалолободда. Менимча ҳаммангиз сифасиз.

Кекса чол-кампирдан бошқа ҳамма бу таклифга рози бўлди. Ўша оқшом ҳаммамиз Каримнинг қариндоши Азизнинг бензовоз машинаси бортидан жой олдик. Эсимда, отам машинага чиқаётib, тамакидонига бир ҳовуч тупроқ солиб, кўзига сурган, кейин уни чап кўкрак чўнтагига жойлаштирганди.

Бензовознинг ичи нақ дўзахни эслатарди. Нафас олишнинг имкони йўқ. Ўпкалар худди бу ифлос ҳавони ютишдан бош тортгандек сиқилиб тораяди. Қўлларим қалтирайди, баданимни совук тер босади. Бақирай дейману, ҳаво етмайди, ҳаво. Даҳшат!

Ертўладаги ҳаёт бензовознинг тор ва сассиқ ҳавоси олдида ҳолва экан. Назаримда, ҳаво ҳам аллақандай қуюқлашиб қолган.

Қулоғимга гўдак йифиси, она алласи чалинади. Кимдир йўталади, кимдир бақириб, советларни сўқади.

– Бирор яхшироқ нарса ҳақида ўйла, болам, енгил тортасан, – қулоғим остида шивирлайди Бобо.

Менинг энг бахтли, қувончли дамларим Ҳасан билан бирга кечганди. Ўтлоқларда чопқиллаб ўйнаганларимиз, уйимиз ортидаги тепалик, исмларимиз битилган анор дарахти, осмонни тўлдириб учган варраклар... Ҳа, мен ўша пайлардагидек лаззатни, қувончни бошқа ҳеч қаерда учратмадим.

Кўксимга оқиб кирган мусаффо ҳаводан энтикиб кетдим. Биз цистерна ичидан ёруғ оламга чиққандик. Яратганга шукур!

– Биз Покистондамиз, Амир, – деди отам елкамни қоқаркан. – Ҳозир автобус келиб, бизни Пешоваргача олиб кетади.

Кўз ўнгимда отамнинг бақувват оёқлари, жомадонларимиз, цистерна ичидан ёруғ дунёга чиқаётган қочқинлар, йўл четида турган бензовоз...

Олдинда эса, бинафшаранг далалар, саноқсиз тепаликлар оралаб, уфқقا туташиб кетган узун йўл, очиқ ҳаводан тўйиб нафас олгим келади.

Шу чоқ ёнгинамиздан даҳшатли чинқириқ янгради. Кимдир «бензиндан заҳарланибди», деди. Издиҳом ўртасида чўккалаб ўтириб олган бечора ота Камолнинг жонсиз танасини қучганча, унинг қулранг юzlаридан пайдар-пай ўпарди.

– Кўзингни оч жон болам, мени қўрқитма, – дея телбаларча қичқиради ота. – Эй парвардигор, жон керак бўлса меникини ол, ўғлимни қайтариб бер.

Бобо унга яқинлашиб, тасалли бериш учун елкасига қўлини қўйди. Камолнинг отаси эса, худди қутургандек отамнинг қўлини силтаб ташлади ва Каримнинг камарига қистирилган тўппончани суғуриб олди. Карим эса, ранг қути ўчиб, тиз чўкди ва ёлвора бошлади:

– Илтимос, мени ўлдирманг, тўртта боламнинг уволига қолманг!

Ҳеч ким қимиirlашга-да, журъат этолмасди. Камолнинг отаси тўппончанинг дўлини оғзига тиқди-да, тепкини босди. Ўқ овози ва атрофга сочилаган қон фаввораси бир умр ёдимда қолди. Икки букилганча ўтириб қолдим.

* * *

Фримонт, Калифорния, 1980 йиллар.

Бобога Америкадаги ҳаёт тарзи ёқарди. Биз тез-тез ота-бала бўлиб, Элизабет кўли яқинидаги хиёбонга сайд қилгани борардик.

Бу ерда аффонлар, араблар кўп эди. Отам уларнинг даврасида кўп бўлар, сиёsat ҳақида баҳслашишни ёқтиради. Бундай баҳсларда Бобо кўпинча арабларни Фаластинни жуҳудлардан ҳимоя қилолмаганликда айблар, Совет-Америка муносабатларини эринмай таҳлил қиласлар, президент Картерни ношудликда айбларди.

Фақат отамга сершовқин шаҳарнинг дим ҳавоси, машиналарнинг овози, кўчанинг олағовури ёқмас, Калифорния ўсимликлари таратаётган

чангдан отам тинимсиз йўталар ва аксирарди. Кейин бу ернинг ҳавоси биздагидек мусаффо, мевалари афғон замини неъматлари сингари лаззатли, суви Кобул сувидек тоза эмасди.

Бобо ёнилғи қўйиш шоҳобчасида ишларди.

Мен отамни инглиз тили курсига ёзилишга чандон уринсам-да, унамас, бепарво кулиб қўя қоларди.

– Энди ўқиб гўр бўлармидим?

1983 йилнинг баҳор ойлари эди. Отам билан сайр қилиб юрганимизда, мен китоб дўконига кирмоқчи эканимни айтдим. Мен дўконга кираётиб, отамнинг қарама-қарши томондаги озиқ-овқат дўконига кираётганини қўрдим. У ерда ўта сермулозамат эр-хотин, въетнамлик Нгуенлар савдо қилишарди. Отам мистер Нгуен билан анчадан бери таниш эди.

Мен китоб рафидан янги детектив асарни варақлаб кўраётганимда, Нгуенлар дўконидан кучли шовқин эшитилди. Варақлаб турган китобимни ташлаб, кўчага отилдим.

Эр-хотин бурчакка биқиниб олган, Мистер Нгуен аёлинни маҳкам қучоқлаб туради. Полда апелсинлар сочилган, журнал столи ағдарилган, отамнинг оёғи остида ерга тушиб синган банкадаги димланган мол гўштининг сели ҳар ёққа сачраб кетганди. Маълум бўлишича, отамнинг апельсин сотиб олишга нақд пули йўқлиги учун чек ёзиб берган, Нгуен эса, ундан ҳужжат талаб қилган экан.

– Ҳужжатни кўрсат эмиш, – тўнфиллади отам форсчалаб. – Мен бу итваччадан бир йилдан бери мева-чева сотиб оламан, буям мендек мусофири, бир нима фойда қилсин деб, фақат шу-

нинг дўконидан савдо қиласман. Бу эса, мендан ҳужжат сўраб ўтираса.

– Ота, улар ҳақ, – дея уни тинчлантиришга тиришдим. – Бу ерда тартиб шунаقا. Бу ер – Америка!

– Ҳе, ўша... – отам ғудраниб сўкинди.

– Йўқолинг иккалангиз ҳам, – Мистер Нгуен хотинини гавдаси билан тўсиб, ҳассаси билан эшикни кўрсатди. – Иккинчи бу ерга қадам босманглар. Ҳозир полиция чақираман.

– Илтимос, полицияни безовта қилмасангиз, – ўтиндим улардан. – Биз ҳозир кетамиз.

Мен дарҳол чўнтағимдаги бор пулни чиқариб, уларга етказилган заарни тўладим.

Эр-хотинларнинг қўли ҳамон қалтираб турарди.

Рост, Кобулда ҳамма бир-бирини танир, бир-бирига ишонарди.

У ерда кредит картаси ўрнида ясси таёқчалар олиб юриларди. Баъзан Ҳасан билан нон олгани борар, новвой таёқчанинг бир четини кертиб қўяр, ойнинг охирида отам таёқчадаги белгиларга қараб, новвой билан ҳисоб-китоб қилас, ҳеч қандай ҳужжат талаб қилинмасди.

* * *

...Пешовардан келганимиздан бери орадан бир ярим йил ўтганига қарамай, отам Америкага ҳечам кўнига олмасди. У иккинчи бор уйланниб, биринчи аёлини унута олмаётган эркакка ўхшарди. У ҳамон Жалободнинг шакарқамиш ўсадиган далаларини, Пағмон боғларини қўмсар, Шўрбозор расталарини кезишини, таниш-билишлар билан қўл олиб кўришишни орзу қиласди. Америка мен учун эски хотиралар

қабристони, отам учун эса, ўтмиш изтироблари масканига айланди.

Биз Пешоварда муҳожират хизмати томонидан виза берилгунга қадар ярим йил яшагандик. Гарчи ўта ғарифона кулбада яшаган бўлсак-да, у ер Бобо учун қадрдан эди. Бу кулбага отам кўпинча ўзимизга ўхшаб виза кутаётган ҳамюртларимизни меҳмонга чақиради. Кўпинча меҳмонлардан бири албатта бирор чолғу кўтариб келар, тонгга қадар кулбамиздан куй-қўшиқ садолари аrimасди.

– Ота, балки Покистонга қайтармиз, – дедим бир куни унга кечки овқат устида. – Ҳарқалай, у ерда ўзингизни худди Ватандагидек ҳис этардингиз!

– Албатта, мен учун Пешовар яхши, – отам чой хўплаб хўрсинди. – Сенга эса, Америка. Ахир бу ерга сени деб келганман, болам!

Зимдан отамнинг қадоқ боғлаган қўлларига қарадим. Бу қўллар менинг оқ пахтадек момиқ, қизларнидек нозик қўлларимдан фарқ қиласди. Бу қўллар менга нималарни ҳадя этмади. Америка ҳам Амирга Бобонинг қимматли совфаси бўлди.

Америкага келганимиздан сўнг бир ой ўтиб, отам ёқилғи шоҳобчасига ишга жойлашди. Отам ҳафтада олти кун, кунда ўн икки соатлаб ишлар, бензин қуяр, чек уриб берар, ёғ алмаштирас, ойна артарди.

Бобо ишга жойлашган қуни биз Сан-Хосега, бизнинг ишимиз билан шуғулланувчи ижтимоий таъминот хизматчиси, ҳабаш аёл, миссис Доббинснинг қабулига кирдик. Отам озиқ-овқат

учун берилган бир даста талонларни хонимнинг столи устига қўйди.

– Мен ҳамиша нонимни ҳалоллаб еганман, – деди Бобо. – Сизга катта раҳмат! Энди мен иш топдим. Ўз нонимни ўзим топиб ея оламан.

Миссис Доббинс бизга ҳайратланиб термилиб қолди.

– Ўн беш йилдан бери ишлаб, бундай ҳолатга илк бора гувоҳ бўлиб турибман.

Идорадан отам худди хавфли ўсмадан халос бўлган bemордек енгил тортиб чиқди.

1983 йилнинг ёзида ўрта мактабни битирдим. Битирув оқшомида отам ҳамманинг олдида мени қучиб табриклади. Унинг кўзлари қувончдан порлаб турарди.

Ўша куни кечқурун у мени Хэйворддаги афғон кабобхонасига олиб борди. Шу куни биринчи марта отам мен билан пиво ичди. Мен-қу, бокалнинг чорагини бўшатгунимча, отам уч боқални бўшатди. Кейин отам бир оз ширакайфлик билан атрофдагиларни ҳам пиво билан роса сийлади.

Кабобхонадан чиққанимизда атрофга қоронфилик ўз чойшабини ташлаганди. Отам ҳайдаб юрган эски «бъюик-сенчури» рулига ўтириб, машинани уйга ҳайдадим. Салон тамаки ва пиво ҳидидан димиқиб борарди.

– Кварталнинг охирига қараб ҳайда! – буюрди Бобо сархуш овозда.

Кўчанинг охиридаги автомашиналар майдон-часига етганимизда тўхташни буюрди. Кейин эса, чўнтағидан калит чиқариб, қаршимизда турган тўқ рангли, эски русумдаги «форд» машинасига имо қилди.

– Бу сенга совға. Фақат янги амортизатор кўйсанг бас. Бинойидек машина! Насиб этса, колледжга кирсанг, миниб борасан.

Кўзларимга ишонгим келмасди. Мана буни чинакам совға деса бўлади. Беихтиёр кўзларим ёшланди. Овозим бўғилиб, «ташаккур, отажон» дея олдим, холос.

Иккимиз «форд» салонига ўтдик. Отам машинанинг орқа ўриндиғида ястаниб ўтиради. Иккимиз ҳам жим қолдик.

– Ҳасан ёнимизда бўлса қандай яхши бўларди-я, – деди отам ўзи билан гаплашаётгандай бир оҳангда.

Ҳасан! Бу номни эшитишим билан кимдир томоғимдан хиппа бўғиб олгандек бўлди.

– Кузда колледжнинг биринчи босқичига ўқишига кираман, – дедим эрталаб отамга. У соvuқ чой ичиб, кардамон дорисини чайнаб ўтиради. – Инглиз тилини пухта ўзлаштиришим керак, – дея қўшиб қўйдим. – Адабий маҳоратимни оширмоқчиман.

– Ёзувчи бўласанми? – отам менга тикилганча чой ҳўплади. – Яхши пул тўлашадими?

– Агар зўр ёёсам, машҳур ёзувчи бўлолсам... – дедим тунд овозда.

– Сен ёзувчиликка ўқигуningча, машҳур бўлгунингча пулни қаердан топасан? Агар уйлансанг-чи, хотинингни қандай боқасан?

– Ишласам керак.

– Қизиқ, – елка қисди отам. – Ўқиш учун бир неча умрингни сарфлаб, кейин яна пул топиш учун менга ўхшаб қора иш топасанми? Унақада ўқишининг нима кераги бор?

Отам жим қолди. Мен унинг ошқозон яраси туфайли қорайган бармоқларига тикилдим. Бечора отам!..

Баъзан отам совға қилган «форд»да Сан-Франциско кўчаларини соатлаб айланардим. Шаҳарнинг бой ва фақир қатламлари яшайдиган кварталлар бўйлаб узоқ изғирдим. Гоҳида уммон соҳилига бориб, Тинч океанининг соҳир манзараларини хаёлчанлик ила кузатардим. Болалигимда океанини фақат экранларда кўрган, у ҳақда китобларда ўқигандим. Мен Ҳасанга «ҳали пайти келади, икковимиз тўлқинлар тинимсиз ювиб турадиган қумли соҳилларни оёқяланг кезамиз» деб айтардим. Мана, қаршимда, шундоқ оёқдарим остида уммон шовуллайди. Худди экранда кўрганимдек.Faқат, Ҳасан бу соҳир манзарадан бенасиб.

Мен Американинг тенгсиз гўзаллигига мафтун бўлаётган айни дамда менинг Ватанимда қирғинбарот давом этар, ҳар куни қанчадан-қанча бегуноҳ одамлар, кексалар, аёллар ва болалар ҳаёт билан видолашар, аҳоли жон ҳовучлаб кун кечирарди. Американинг гўзал манзаралари эса, ҳаётдан баҳра олишга, ноҳуш ҳислар ва хотиралардан кўз юмишга ундарди. Бу ерда қўрқув ҳам, таҳлика ҳам, сирли шарпалар ҳам, афсус ва надоматлар ҳам, дилни ўртовчи азобли хотиралар ҳам йўқ. Faқат шунинг учун ҳам, сенга таъзим қилишга тайёрман, Америка дегим келарди-ю, аммо қалбимнинг бир чети Ватанимга бўлган соғинч ҳиссидан ўртанардим, худди отам каби...

* * *

1984 йилнинг ёзида 21 га тўлдим. Отам ўша иили «бьюик»ни сотиб, етмиш биринчи йилда ишлаб чиқарилган «фольксваген» микроавтобусини сотиб олди.

Бобо тирикчиликнинг янги йўлини топганди. У шанба кунлари мени эрталаб уйғотар, кейин биргаликда Фримонт, Юнион-Сити, Ньюарк, Хэйворд, Сан-Хосе сингари йўналишларда йўлга чиқар, одамлардан эски-туски нарсаларни арzon нархларда сотиб олардик. Улар орасидан биркўз Барби қўғирчоғидан тортиб эски тикув машиналаригача, ёғоч теннис ракеткасидан тортиб, тори узилган гитараларгача топиларди. Куннинг ярмига бориб, машинамиз салони ана шундай ашқол-дашқолларга тўлиб-тошар ва биз ортга қайтардик. Эртаси куни саҳарда биз Сан-Хоседаги эски буюмлар бозорида бўлардик. Бу ерда 25 центга олинган «Чикаго» гурӯжининг эски пластинкасини бир долларга, ўн долларга харид қилинган «Зингер» машинасини ҳам тўрт бараварига пуллаш имкони бор эди.

Айтиш жоизки, Америкада эски буюмлар савдоси муҳожир аффонлар учун энг сердаромад иш саналарди. Шу боис, ушбу бозорнинг асосий сотувчилари ҳам аффонлар эди. Савдо сусайган пайтда сотувчилар бир пиёла чой устида бир-бiri билан ўтмиш ҳақида, кўрган-кечиргандар ҳақида, бу ердаги таниш-билишларнинг шахсий ҳаётни ҳақида (аффонлар фийбатни ёқтиришади) гурунглашиб ўтиришарди. Бу «эскифуруушлар» орасида чилангар ва тикувчиларни ҳам, собиқ элчилар, жарроҳлар ва профессорларни ҳам учратиши мумкин эди.

Ана шундай қунларнинг бири. Отамнинг ёй-маси ёнига икки финжон қаҳва билан қайтсам, Бобо кексароқ, оқсоч бир эркак билан гаплашиб ўтирибди.

– Амир, – деди у мени ҳалиги одамга таништириб, – ўғлим, бу киши генерал-соҳиб, Иқбол Тоҳирий жаноблари бўладилар. Кобулда мудофаа вазирлигига катта лавозимда ишлаганлар.

Тоҳирий! Қаерда эшитганман бу фамилияни? Унинг қорасидан оқи кўп соchlари орқага силлиқ қилиб тараалган, қалин қошлари ҳам оқара бошлиганди.

Ийманибгина унга салом бердим.

– Салом, бачам, – деди генерал менга қўл узатаркан. Унинг қўллари илиқ, нам ва юмшоқ эди.

– Амир келажакда ёзувчи бўлмоқчи, у коллежнинг биринчи курсини тугатди.

– Мошооллоҳ, – елкамни қоқди Тоҳирий. – Бизнинг шўрлик халқимиз, бечора Ватанимизнинг, унинг бошига тушган кулфатларни ҳам ёзгин, ўғлим!

Раҳимхон совға қилган чарм муқовали блокнотда ўнтacha ҳикоям жой олганди. Негадир бу одам билан менинг ижодий изланишларим ҳақида гапириш ноқулайдек туюлди.

Тоҳирий отам билан ёшлик хотиралари ҳақида анча суҳбатлашди.

– Зиндаги мегузарад – ҳаёт ўтавераркан, биродар, – енгилгина хўрсинди генерал ва менга ўгирилди. – Бачам, сенинг отанг беназир одам. Бу билан фахрланишинг керак.

– Муболага қиляпсиз, – камтаринлик билан томоқ қирди Бобо.

– Падари бузруквор, чой дамлаб келувдим!

Беихтиёр қиз боланинг ипакдек мулоим товушидан энтикиб кетдим. Ортимда баланд бўйли, соchlари кифтлари оша шаршарадек ёйилган париваш қўлида елим пиёла ва термос тутиб турарди. Қалдирғоч қанотидек қалин ва қора қошлари тароқ тишларидек киприклари билан бўйлашиб, жоду қўзлар малоҳатини яширмоқча чофланиб турарди.

– Барака топ, қизалогим, – Генерал жилмайиб, унинг қўлидаги термос ва пиёлани олди. Қиз шуни кутиб тургандек ҳуркаклик билан биздан икки қатор наридаги жигарранг фургон тарафга юрди. Шу лаҳзада қулоғи орқасида яrim ойни эслатувчи кичкина, қизил нори борлигини пайқадим.

Фургон олдидаги ёймада эски китоб ва пластинкалар териб қўйилганди. Орамиз анча узоқ бўлса-да, бозор санжоб бўлгани боис, уни яққол кўра олардим.

– Менинг қизим – Сурайё, – деди Тоҳирий унинг ортидан термилиб қоларкан ва оғир хўрсиниб, бизга юзланди. – Энди менга ружсат.

Генерал биз билан қуюқ хайрлашиб, қизининг ортидан кетди. Мен кун бўйи унинг кулранг фургонидан кўз узмай ўтирдим.

Фақат кеч кириб, уйга қайтаётганимизда, Тоҳирий фамилиясини қаерда эшитганимни эсладим.

– Ота, генералнинг қизи ҳақида қандайдир мишиш-мишлар юрармиди? – дея сўрадим Бободан имкон қадар бефарқ оҳангда.

– Мени биласан-ку, – деди отам машина рулинни бошқариб бораркан. – Фийбат, мишиш бор жойдан ўзимни олиб қочаман. Хўш, нимага

унга қизиқиб қолдинг? – отам пешойна оша ай-
ёrona жилмайди.

– Шунчаки сўрадим-да, – гудрандим мен.

– Шунаقا де? Балки қизи юрагингдан ургандир? – сўради отам мендан нигоҳини узмай.

– Ота, қўйсангиз-чи!

У жилмайиб қўйди. Биз 680-шоссе бўйлаб
елиб борардик.

– Шуни биламанки, шўрлик қизнинг ҳаёти
бир номардни деб издан чиққан, – деди отам
ҳазин товушда. – Уни жуда ақлли, меҳнаткаш
қиз деб эшитгандим. Ўша воқеадан кейин гене-
ралнинг эшигини бирорта совчи тақиллатмади.

...Кечаси, билан Сурайё ҳақида, унинг ярим
оига ўхшаган қизил нори, маъсум кўзлари, аянчли
қисмати ҳақида ўйлаб, ухломай чиқдим. Сурайё!
Эски бозордан топган маликам менинг!

* * *

Шарқ шоирлари ҳижрон кечасини Ялдо туни-
га менгзашган. Бу туннинг машаққати ва изти-
робини эса, Сурайёнинг ишқига мубтало бўлгач,
англадим. Унинг гўзал чеҳраси, шаҳло кўзлари
мени тинимсиз таъқиб этарди.

Якшанба кунларини орзиқиб кутардим. Мана
у, сарғайган китобларни пештахтага тартиб би-
лан тераётир. Мен соатлаб уларнинг дўконидан
кўз узмай ўтиришга ҳозир эдим.

Сурайёжон, қора тун зулматини йиртган пор-
лоқ қуёшим!

Кунлар ўтиб борарди. Мен эса, Сурайё билан
гаплашиб учун баҳона қидирар, гўё шунчаки
ўткинчи сифатида унинг дўкони ёнидан ўтиб
қайтар, аммо оғиз очишга на журъат, на баҳона
топа олардим.

Қүёшнинг заррин нурларини тўкиб ёз, атрофни хазонрезгига тўлдириб куз, қордан оппоқ пойандоз тўшаб қиши ўтди, дараҳтлар куртак ёзиб, кўклам нафаси елса ҳам, менга тил битмади.

1985 йил май ойининг охирлари. Коллеж имтиҳонларини ҳам бешга топширгандим. Якшанбаларнинг бирида отам билан савдога чиққандик. Кун иссиқ бўлишига қарамай, савдо ҳам қизирди. Қўлимиз қўлимизга тегмасди. Шу чоқ миямга зўр фикр келди.

– Ота, кун исиб кетди, кола ичиб келай! Сизга ҳам олиб келаман!

– Майли, фақат эҳтиёт бўл!

– Нимага? – ажабландим.

– Нима, сенингча мен аҳмоққа ўхшайманми?

– Тушунмадим!

– Унутма, Тоҳирий тиш-тирноғига қадар пуштун миллатига мансуб. Унинг учун ор-номус ҳамма нарсадан устун. Айниқса, сўз унинг оиласи, аёли ёки қизи ҳақида борганда. Ўғлим, ҳаммасини сезиб, билиб юрибман. Менинг бoshимни эгиб қўймасанг, бас.

– Ота, хавотир олманг, – дея олдим холос.

...Тоҳирийнинг кулранг микроавтобуси олдида қиз бир ўзи савдо қилаётганди. Оёқяланг, этаги узун оқ қўйлақда. Аввалига унинг дўкони ёнидан физиллаб ўтиб кетмоқчи эдим. Лекин... ўлай агар, қандай қилиб унинг ёнида пайдо бўлиб қолганимни билмайман.

– Салом, – дедим қулоғимгача қизариб. – Кечирасиз, генерал-соҳиб йўқмидилар?

– Салом, – деди қиз қўлидаги китобдан бош кўтараркан, қўнфироқ овози билан. – Отам ана-

ви ёққа кетди, – қиз билагузукларини жаранглатиб, қўли билан ўнг тарафни кўрсатди.

– Отангизни зиёрат этгани келувдим, – дедим бошқа баҳона тополмай. – Менинг исмим Амир, шунчаки ким келганини билишингиз учун... Энди мен борай... безовта қилдим...

– Йўқ, йўқ, бемалол, – деди қиз. – Танишганимдан хурсандман.

– Унда... мен бора қолай, – яна шу гапни так-рорладим. – Худо ҳофиз! – бир қадам юриб, яна тўхтадим. – Узр, қандай китоб ўқияпсиз?

Нима қиляпман ўзи? Назаримда ҳамма ёқда жимлик. Бозордаги бутун афлонларнинг бутун эътибори бизга қаратилганда. Гарчи бу ер Америка бўлса-да, атрофни афлонлар ўраб олган. Бизда йигит ва қиз ўртасидаги муносабат мутлақо бошқача баҳоланади.

Сурайё бепарволик билан китобнинг муқовасини кўрсатди.

– Ўқиганмисиз?

«Яшин водийси». Мен бу асарни ўқигандим. Қимтиниб бош ирғадим.

– Ҳа, жуда ғамгин воқеа.

– Одатда ғамгин воқеалар чиройли асарларга асос бўлади, – деди Сурайё қувлик билан ва қўшиб қўйди. – Эшитишмча, сиз ҳам ёзиб тураркансиз?

Ана холос! У қаердан эшитдийкин? Наҳот отаси айтган бўлса? Отаси сўраган бўлиши ҳам ақдга сифмайди. Бирор одобли афлон қизи отасидан ўзи тенги йигит ҳақида сўрай олмайди.

– Ҳа, истасангиз, ҳикояларимни сизга ўқишига беришим мумкин! – ўз овозимни аранг танидим.

– Жон дердим.

«Жон дердим!»

Шу чоқ унинг ёнида бир сумка мева кўтарган аёл пайдо бўлди. Мен уни қаердадир кўргандим. Унинг юзларида табассум ёйилди:

– Амиржон, тузукмисиз, мен Жамиламан, Сурайёнинг ойиси. Отангиз яхшимилар?

– Салом, холажон, – дедим ўнфайсизланиб. – Раҳмат, тузуклар!

– Бобонгиз Фози соҳиб судья эдилар. Биз улар билан узоқ қариндош эдик. – Аёл жилмайиб қўйганида, тилла тишлари ярақлаб кетди. – Келинг, ўғлим, ўтиринг! Сурайё, қизим, акангга стул опкел! Манави шафтолилардан ювиб кел! Шунаقا ширинки, асалнинг ўзгинаси!

Бу табассум ва илтифот мендаги тараддуидни хиёл тарқатиб юборди.

– Йўқ, раҳмат, отам кутяптилар. Боришим керак!

– Унда шошмай туринг, – аёл бир нечта киви ва икки дона шафтолини қофоз пакетга солиб, қўлимга тутқазди. – Отангизга биздан салом айтинг.

...– Сен кола опкеламан деб кетмаганмидинг?
– отам қўлимдан меваларни оларкан, зимдан термилди. Жин урсин, кола опкеламан деб кетганим ёдимга тушди. Мен ўзимча нимадир деб гудрандим. – Ўғлим, фақат бояги гапларим эсингдан чиқмасин!

Кейинги олти кун, олти оқшом яна мен учун ялдо тунларидек узун туюлди. Ахир мен уни фақатгина якшанба кунлари кўра олардим.

Шу тахлит кунлар кетидан ҳафталаб ўтаверди. Мен қизнинг ёнига бориш учун генералнинг қаёққадир кетишини кутардим. Жамила хо-

нимдан ҳайиқмай қолгандим. У ҳар гал мени очиқ чеҳра қарши олар, чой ва қулча билан сийларди. Улар билан Кобул хотиралари ҳақида баҳслашардик. Ана шундай суҳбатларнинг бирида мен Сурайё билан ёлғиз қолгандим. Гап касб танлаш масаласига бориб тақалди. Сурайё ўқитувчи бўлиш истагида эканини айтди.

– Болалигимдан ўқитувчи бўлишни орзу қиласман. Онам ҳам Кобулда қизлар мактабида форс тилидан сабоқ берарди. Мен Кобулда тўртинчи синфга бораётганимда, отам уйимизга янги оқсоқ қиз топиб келди. Унинг исми Зебо экан. У саводсиз эди. Баъзан Эронда яшовчи опасига хат ёзиб беришимни илтимос қилар, опасидан келган хатларни ҳам менга ўқитарди. Бир куни мен унга «кел, сенга ўқиш-ёзишни ўргатаман, кейин ўзинг истаганча хат ёзишинг, китоб ва газеталарни ўқишинг мумкин», дедим. Зебонинг қувончдан кўзлари чарақлаб кетди. Ҳар куни бир-икки соат у билан ошхонада ўтириб, дарс қиласидиган бўлдик. Бир йил деганда унинг саводи тўлиқ чиқди. У болаларга мўлжалланган китобларни bemalol ўқийдиган бўлди. У мени ҳар гал муаллим деб атаганида таним яйраб кетарди. Бу хитоб менга шундай ёқардики, катта бўлсан албатта муаллим бўламан, деб аҳд қилдим. Сиз мени тушуняпсизми?

– Ҳа!

Аслида... уни тушунишга менга йўл бўлсин. Ахир мен ҳам Ҳасанга ўқиш-ёзишни ўргатсам бўларди-ку! Нега шундай қилмадим? У бунга лоийқ эмасмиди? Аксинча, мен ўз саводимдан уни мазах қилишда фойдаландим. Уни «телба» деб кулганим-чи? Йўқ, мен бориб турган абраҳман!

Шу чоқ нимадир эсимга тushiб, сергакландим.

– Эсимдан чиқай дебди, манавини сизга опкелувдим. – Чўнтағимдан қистирғич билан бир риктирилган бир даста варақни чиқардим. – Ваъда қилганимдек...

– Демак, эсингиздан чиқмабди-да, – Сурайё-нинг кўзларида севинч учқунлари порлади. Аммо зум ўтмай юзларидаги қувонч қаёққадир фойиб бўлди. Орқамда кимнингдир шарпасини пайқаб ўгирилдим. Генерал Тоҳирий!

– Амиржон, сени кўриб турганимдан бафоят хурсандман. Ижодлар қалай кетяпти?

– Салом, генерал соҳиб, – дедим шоша-пиша.

– Раҳмат... мен...

– Бугун ҳаво жуда ажойиб бўлди-да, Амиржон!

– Генерел савдо пештахтаси томон ўтаркан, қизи томонга қўл узатди. Сурайё ҳозирги мендан олган варақдарни отасига берди. – Лекин, ҳафтанинг охирига бориб ёмғир ёғармиш.

Генерал варақларни ғижимлаб, бурчакда турган ахлат қутисига ирфитди ва елкамга оҳиста қўл ташлади.

– Ўғлим, мен сени жуда яхши кўраман. Вижонли, ор-номусли йигитсан. Лекин, баъзан сен-дек ёшларни ҳам тартибга чақириб туриш кепрак. Сенга шуни айтиб қўйишим керакки, биз бозордамиз ва ҳамма бизга қаттиқ тикилиб турибди. Бу ерда ҳамма ўзича ижодкор, шунача тўқиб бичишадики... – Тоҳирий беозор қулимсиради. – Отангга саломимни етказгин!

Кечқурун отамга ҳаммасини айтиб бердим. Отам бари бир бундан хабар топарди. Отам бош чайқаб хўрсиниб қўя қолди.

Кейинги ҳафтада отам шамоллаб қолди. Ҳаммаси шамоллаш ва қуруқ йўтадан бошланди. Борган сари соғлиғи ёмонлашаверди.

Бобонинг доктор ва шифохонага аввалдан тобу тоқати йўқ эди. Бирор марта соғлиғидан шикоят қилиб, дўхтирга борганини эслолмайман.

Орадан бир икки кун ўтиб, унинг ортидан ювиниш хонасига киргандим. Чаноққа қон туپураётганини қўриб, юрагим орқага тортиб кетди.

– Ота, анчадан бери шунақами?

– Тушликка нима қилдинг? – сўради жавобан.

– Дўхтирга бормасангиз бўлмайди!

Сан-Хоседаги округ госпиталига бордик. У ердаги захил юзли врач рентгенга жўнатди. Бир оз ўтиб, ҳамшира бизни унинг кабинетига чақирди. Врач нималарнидир ёзиб ўтиради. Биз киргач, бир тўлдирилган варақни узатаркан:

– Рўйхатхонага олиб боринг, – дея буюрди.

– Нима бу? – сўрадим мен.

– Пульмонологик клиникага йўлланма. Отангизнинг чап ўпкасида қорайиш бор. Мутахассис кўригидан ўтиши керак.

– Саратонми? – негадир босиқдик билан сўради отам. Этим жимиirlаб кетди.

– Бўлиши мумкин, – шифокор яна нималарнидир ёзишга тутиндиги. – Аввал компьютер томографиясидан ўтказиш керак. Текширувдан ўтасиз, улар икки ҳафтада телефон қилиб, аниқ ташхисни айтишади.

Икки ҳафта-я, айтишга осон! Бу икки ҳафта биз учун қанчалик оғир кечишини билармиккин? На илож, йўлланмани тегишли жойга топширдик.

Ўша куни кечаси билан отамга шифо беришини Яратгандан сўраб чиқдим. Икки ҳафта ўтди ҳамки, ҳеч ким телефон қилмади. Ўзим бордим. Йўлланмани йўқотишган экан. Яна сарсонгарчилик...

Бизни текшириши керак бўлган доктор асли россиялик эканини эшитган Бобо «кирмайман» дея тўполон кўтарди. Уни кўндиришга ҳар қанча уринмай фойдаси бўлмади. Фақат, эронлик Амоний деган пульмонологни топгачгина отам текширишга рухсат берди.

Доктор Амоний қалин мўйловли, соchlарига оқ оралаган киши экан.

Янги текширув натижалари чиққунича, яна бир ҳафта кутдик. Натижалар кутилганидан ҳам ёмон чиқди. Доктор умидсиз бош чайқади:

– Отангизнинг умрини кимёвий даволаш орқали бир оз чўзиш мумкин, холос. Аммо, даволашнинг имкони йўқ.

– Тушунарли, – бош иргади отам. – Сизга катта раҳмат. Менга ҳеч қандай кимёвий даволашнинг зарурати йўқ.

– Ота!

– Амир, – Бобо менга юзланди. – Илтимос, одамлар олдида мени шарманда қилма! Аллоҳнинг иродаси!

Генерал Тоҳирий «башорат» қилган ёмғир икки ҳафта кечикканди. Биз кўчага чиққанимизда машиналар фидираклари атрофга сувни фавворадек сачратиб борарди. Отам индамай сигарет чекиб ўтиради. Уйимиз эшиги олдида юрак ютиб, гап бошладим.

– Ота, балки, кимёвий даволаш...

– Ўғлим, биласан, мен битта гапираман. 22 га тўлдинг. Катта эркак бўп қолдинг. Мен буни

аллақачон билганман. Бари бир сенга айтишим керак эди. Сендан илтимос, ҳеч кимга оғиз очма! Шов-шув күтаришни, одамларнинг менга раҳми келишини истамайман.

Нима ҳам қила олардим?

Кунлар яна ўз оқимида оқа бошлади. Бобом ҳеч нарса бўлмагандек мол йиққани мен билан шаҳарма-шаҳар кезар, бозорга қатнарди. Бу кунлар бизни муқаррар ва мудҳиш ҳақиқатга тобора яқинлаштириб борарди.

Бора-бора шанба кунлари мол йифишга ўзим чиқадиган бўй қолдим. Отам фақат мен билан бозорга чиқар, таниш-билишлар отамни кундан-кунга озиб бораётганини кўриб, «парҳез яхши наф беряптими» деб қўйишишарди. Кун саёчин шўрликнинг чаккалари тортишиб, териси осилиб, ранги сарғайиб, чўпдек озиб борарди.

Совуқ кунларнинг бирида отам оғирлашиб қолди.

* * *

Отамнинг бошига етиб келганимда, оёқ-қўлларини типирчилатиб ётарди. Бир зумда атрофимизни одамлар ўраб олишди. Отам безгак тутгандек тинимсиз қалтиарди, оғзидан қон аралаш қўпик кела бошлаганди. Чинқирганча «Тез ёрдам» машинаси етиб келди.

Ўша оқшом отамнинг бошида ўтириб тонг оттирдим.

Эртаси куни госпиталь қабулхонаси танишнотаниш афонларга тўлиб кетди. Улар бирма-бир палатага кириб, отамнинг аҳволини сўраб кетишишарди. Отам анча ўзига келиб қолганди.

Тушга яқин Тоҳирий хотини ва қизи билан кириб келди. Сурайё билан нигоҳдаримиз бирлаҳзагина тұқнашиб кетди.

– Сизга нима бўлди, биродар? – сўради генерал отамнинг қўлини эҳтиёткорлик билан сиқаркан.

– Сизни овора қилиб қўйганимдан хижолатдаман, – капельницаға кўз қирини ташлаб, синик жилмайди отам. – Келиб кўнглимни шод этдингизлар.

– Қўйсангиз-чи, биродар, – генерал менга ўгирилди. – Амиржон ўғлим, агар нима керак бўлиб қолса, бизга айтарсан. – Унинг овозидаги оталарча ғамхўрлик оҳангидан кўнглим эзилиб кетди. Томофимга нимадир келиб тиқилди. Кўз ёшимни уларга сездирмаслик учун қабулхонага чиқиб кетдим.

Кўп ўтмай, эшик оҳиста очилиб, Сурайё пайдо бўлди. Эгнида кулранг свитер, жинси шим, соchlари елкаси билан битта қилиб ёйилган. О, қанийди ҳозир унинг қучоfiga сингиб кетолсам!

– Амир, жуда таассуфдамиз, – деди у ширин овозда. – Биз отангнинг тоби йўқлигини билгандик. Аммо, бунақа касаллигини...

– Отам ҳеч ким билмасин, деганди.

– Сизга ҳеч нарса керакмасми?

– Йўқ, – дедим жилмайишга уриниб. У менинг қўлларимдан тутди. Бутун баданим бўйлаб самовий ҳарорат ёйилди.

– Сурайё, сиз, бора қолинг... яна тунов кунгидек отангиз келиб қолмасин. Келганингиздан қанчалик хурсанд эканимни тасаввур ҳам этолмайсиз.

Икки қун ўтиб отамга рухсат беришди. Ҳар қанча кўндиришга уринмай, отам кимёвий да-

волаш курсларига рози бўлмади. Уни ўзи совға қилган «форд» машинамда олиб кетдим.

Ўша куни диванда, бир боғ ўтиндек қуруқшаб қолган отамнинг ёнида ўтириб, овқатлантиридим.

– Ота, айтинг, яна нима қиласай?

– Ҳеч нарса керакмас, болам. Балки, сенга бирор нима керақдир?

Отамнинг чўкиб қолган кўзларида таниш айёrona ифода порлади.

– Ота, агар йўқ демасангиз... генералнинг қизини... сўраб кўрасизми?

Бобонинг юзларида анчадан бери кўрилмаган табассум жонланди.

– Ўғлим, қароринг қатъийми?

– Қатъий, ота!

– Телефонни олиб бер!

Отам зарур рақамни териб, гўшакни қулоғига тутди.

– Ассалому алайкум, Жамила хоним тузукмисиз? Раҳмат, шуқур! Генерал соҳиб уйдамилар? Раҳмат! – орадаги сўзсизлик ичида отам менга қиё боқиб, кўз қисди. – Ассалому алайкум, генерал соҳиб, раҳмат, тузукман. Эртага бир юмуш билан хонадонингизга борсам, қабул қиласизларми, дегандим? Лаббай? Соат ўн бирларда! Ташаккүр, Худо ҳофиз!

Отам дастакни иларкан, дафъатан менга қараб, баралла кулиб юборди.

Эртаси куни отамнинг оҳорли, жойрави кийимларини кийишга ёрдамлашдим. Бир пайтлар унинг миқти гавдасидан тўлиб турадиган костюми энди худди ходага илингандек шалпайиб қопти.

Генерал оиласи билан Фримонтдаги афғон маҳаллаларидан бирида яшарди. Машинада отамни унинг уйи ёнигача олиб бордим.

– Уйда бўп тур, – деди отам машинадан тушаркан. – Бир соатларда сенга ўзим телефон қиласман.

Мана, кузатиб турибман, отам ишончсиз қадам билан генералнинг хонадонига кириб бораётир. Ўзининг сўнгги оталик бурчини бажо этиш учун.

Ўйимиз қанчалик торлигини ўшандада билдим. Вақт ўтиши мунча қийин бўлмаса? Ошхонага чиқаман, уйга кираман. Нега отам қўнғироқ қилмаяпти. Генерал рад этса-чи? Балки, мен унга ёқмасман.

Телефон жиринглаши билан таҳтика ичидагўшакка ёпишдим.

– Генерал – рози! – Отамнинг бу гапидан турган еримда сакраб тушаёздим. – Лекин, Сурайё сен билан гаплашиб олмоқчи. У ҳозир хонасида.

Бир муддат жимлиқдан сўнг гўшакдан Сурайёнинг тиниқ овози янгради.

– Амир! Салом! Отам рози бўлдилар.

– Эшитдим, Сурайё, мени бир оғиз сўзинг билан баҳтли эта оласан (уни илк бора сенсирашим эди).

– Фақат... биласанми? Сенга бир муҳим гапни айтмоқчиман. Ҳозирнинг ўзида.

– Қулоғим сенда!

– Сен ҳали мен ҳақимда кўп нарсани билмайсан. Орамизда бирор мавҳумлик бўлишини истамасдим. – Орага бир оз жимлиқ чўқди. – Биз аввал Виржинияда яшаганмиз. Мен ўшандада 18 ёшда эдим. Бир афғон йигит билан уйдан

қочиб кетганман... У эса, қип-қизил гиёхванд бўлиб чиқди. У билан бир ойча бирга яшадим. Виржиниядаги ҳамма афлонлар тилидан тушмай қолгандик. Отам, охири бизни қидириб келди ва судрагудек қилиб мени уйга опкетди. Мен ўшандада унга бақирдим, чақирдим. Дунёни бошимга кўтариб йифладим. – Телефон жимиб қолди. Алоқа узилдимикин деб ўйлагандим, йўқ, у йифлаётган экан. – Менинг бу шармандали ишимдан онамнинг ўнг юзи фалажланиб қолган экан. Бечора онам? Мен аҳмоқни деб... Кейин биз Калифорнияга кўчиб келдик.

– Ҳозир отанг билан муносабатингиз қандай?
– сўрадим юрак ютиб.

– Отам билан ҳар доим гапимиз бир жойдан чиқмаган, – деди Сурайё бурун тортиб, – бироқ, мен ундан миннатдорман. У бўлмаса, мен ўлиб кетардим.

Ўшанда қай аҳволга тушдим? Ахир мен ҳали аёл кишининг қучоғини қўрмаган мужаррад эдим. У эса... Аммо, нима бўлганда ҳам, мен қароримни ўзгартирмадим. Мен уни баҳтсиз ўтмиши учун айблай олмасдим.

– Сиз... яна ўз фикрингизда қоласизми?
– Сурайё, – дедим овозим титраб. – Илтимос қиласман, менга турмушга чиқ!

Сурайёнинг ўксик йифисидан гўшак ҳам титраб кетгандек бўлди.

Унга ҳавасим келди. У ўз сирини очиб, кўнглини бўшатиб олди. Энди уни ҳеч қачон виждон дарди қийнамайди. Мен-чи? Ҳасанга қилган ноҳақликларим, уни мараз Асефнинг қўлида хўрланишига йўл қўйганим, буям етмагандек унинг гарданига тухмат тамғасини босганим,

ота-болани қирқ йиллик қадрдан уйидан қувганим ҳақида кимга арз эта оламан, кимга?

* * *

Тўйимиз барча афғон расм-русумлари асосида ўтди. Отам Фримотнаги бир афғонга тегишли ҳашаматли ресторанни ижарага олди. Отам тўйимизга атроф-жавонибда яшайдиган афғон борки, барчасини таклиф этди. Кўни-қўшнилар ҳам жам бўлишди.

Ниҳоят оқшом чўкди. Бизни гўшангага қузатиб қўйишиди. Ўша оқшом мен илк бор... илк бор аёл тафтини, аёл ҳароратини ҳис этдим. Табиат аёл зотига бахш этган бетимсол нафосат ва назокат лаззатини тата олдим...

Қизиқ, Ҳасан ҳам уйландимикин? Ҳозир унинг ҳам қучоғида бирор нозанин тўлғанаётганмикин? Унинг соchlарини қай париваш эркалаб силаётган бўлса?..

...Сурайё хонадонимизга файз олиб кирганди. У энди отамга ҳам худди ўз падари бузрукворидек ғамхўрлик кўрсата бошлаганди. У ҳар куни эрталаб отамга нонушта тайёрлар, ётиш-туришига кўмаклашар, кийимларини ювар, газеталар ўқиб берар, Бобо ёқтирган афғонча ўрва тайёрлар, ҳар куни уйимиз атрофини сайр қилдиради.

Кунларнинг бирида уйга эртароқ келганимда Сурайё ниманидир отамнинг адёли остига яширганини пайқаб қолдим. Кела солиб, адёл қатига қўл суқдим. Бу ўша, туғилган кунимда Раҳимхон совға қилган блокнот эди. Мен ҳамма ҳикояларимни шу блокнотга ёзиб борардим.

– Бунақа ажойиб ҳикоялар битишингизни билмаган эканман.

Отам ёстиқдан аранг бошини күтарди:

– Блокнотингни мен бердим унга! – Томография
яна нимадир тиқириб, хонадан ўқдай учеб чиқдим.

...Ярим оқшомда отам бизни ёнига чақирди.
Ҳар иккимизнинг пешонамиздан ўпди.

– Дорингизни олиб келайми? – сўради Сурайё
тавозе билан.

– Шарт эмас, – отам синиқ жилмайди. – Бугун
ҳеч қаерим оғримаяпти.

– Яхши дам олинг, – Сурайё унинг усти-
ни оҳиста ёпиб қўйди. Бобо оҳиста кўзларини
юмди ва қайтиб очмади.

...Хэйрводдаги масжиднинг олдида маши-
на тўлиб кетганди. Атроф-жавонибдаги ағфон
борки, бари отамнинг жанозасига тўпланди.
Мен эшик олдида, генерал Тоҳирийнинг ёни-
да бел боғлаб, қўл қовуштириб турар, келган-
лар бирма-бир таъзия билдириб айвон томон-
га ўтишарди. Уларнинг қўпини танимадим.
Лекин улар отамни танишаркан. Уларнинг ҳар
бири отам ҳақидаги илиқ гапларни айтиб, унга
Яратганинг раҳматини тилашарди.

Уларнинг назарида мен ўша инсоннинг ўғли
эдим холос, бошқа ҳеч ким эмас. Бобо энди йўқ.
Энди ким менинг бошимни силайди? Ким менга
тўғри йўл кўрсатади? Энди мен унингсиз қан-
дай яшайман. Мени нега ташлаб кетдингиз,
отажон? Мен бу мудҳиш воқеликни алланечук
караҳт алпозда кузатиб турардим.

Отамни қабристоннинг мусулмонлар қўйила-
диган қисмида дафн этишди. Одамлар оҳиста
тарқала бошлишди. Мен отамни кимсасиз қаб-
ристонда, тупроқ остида ёлғиз ташлаб, ортимга
қайтарканман, ҳўнграб юбордим...

Вақт яна ўз оқимида давом этарди.

* * *

Мен вақт ўтиши билан Тоҳирийлар хонадо-ни билан боғлиқ кўп нарсаларни билиб оддим. Масалан, генералнинг мигренъ касали билан оғришини, баъзан дард хуруж қилганида кун бўйи қоронфи хонасида қамалиб ўтиришини ҳам кейин билдим. Бундай пайтларда ҳеч ким уни безовта қилолмас экан.

Сурайёнинг айтишича, у эсини танигандан бери генерал ва Жамила хоним алоҳида хона-ларда ётишаркан.

Яна шуни билдимки, генерал оиласини асо-сан давлат томонидан ажратиладиган ёрдам пули эвазига боқар, эски бозорга эса, шунча-ки вақт ўtkазиш, афғон танишлари билан чақ-чақлашиш учунгина чиқаркан. Генерал эрта-ми-кечми Афғонистон озод бўлишига, у ўз юр-тига оиласи билан қайтиши, яна аввалгидек юқори лавозимлардан бирини эгаллашига ишо-нарди. Қайнонам Жамила холанинг бекиёс да-ражада гўзал овози борлиги, халқ қўшиқлари, мумтоз ашууларини маромига етказиб куйла-шини ҳам кейинроқ эшитдим. Бироқ, генерал гарчи мусиқани, санъатни ёқтиурса-да, аёли-нинг бошқалар олдида қўшиқ айтишини уму-ман истамаскан.

Қайнонам мени ўз ўғлидек кўрарди ва буни мендан яшириб ҳам ўтирасди. Ҳатто эрига айтишга журъат этолмаган гапларни ҳам мен орқали етказарди. Сурайёнинг айтишича, мия-сига қон қўйилгач, унинг саломатлиги анча ёмонлашиб қолганди.

Жамила хола турли гап-сўзларга сабаб бўлган қизини никоҳимга олиб, бу бадномликдан улар-

нинг оиласини қутқазганим учун ҳам мендан миннатдор эди.

Кунларнинг бирида Сурайё менга Виржиния-да юз берган нохуш воқеани ҳам гапириб берди.

Ўшанда Сурайёнинг яқин қариндошларидан бири, Шариф амакининг қизининг тўйидан чиқиб келаётгандик. Йўл-йўлакай Сурайё йифлаб келди.

– Мен... сизга муносиб эмасдим, – деди у ўзини тўхтата олмай. – Ахир сиз ҳам шундай, ҳали чимилдиқ кўрмаган, иффатли, бокира қизга уйланишингиз мумкин эди. Мен... мен...

Мен унинг ёноқларини ювиб оқаётган кўз ёшларини кафтим билан артдим.

– Сизга ҳаммасини айтмагандим. Ўша куни... отам бизни топиб келди. Қўлида милтиқ. Ўша... йигитга «милтифимда иккита патрон бор, биттаси сенинг, иккинчиси менинг умримга нуқта қўяди» деб айтди. Ўшанда... оғзимга келган гапларни айтдим, додладим, бақириб-чақирдим. Унга... ўз отамга ўлим тиладим. – Сурайё ҳамон тинимсиз йифларди. – Ўз отамга! Отам индамай қўлимдан тутиб, олиб чиқиб кетди. Уйда онам мени кўз ёш билан қарши олди. Мени қучоқдаб туриб юм-юм йифлади. Нимадир демоқчи бўлар, лекин мен унинг гапларига тушунмасдим. Ҳа, менинг йўқолишим онамга қаттиқ зарба бўлганди. Унинг нутқи ҳам алланечук тушунарсиз бўлиб қолганди.

Шунда отам мени ётоғимга олиб кирди-да, қўлимга қайчи тутқазиб, сочимни тагидан қирқишини буюрди. Унинг амрини бажаришдан бошқа чорам йўқ эди. Бир неча ҳафта уйдан ташқарига чиқолмадим. Кўчага чиққанимда эса, ҳамма менга қўлини бигиз қилиб кўрсатаётгандек бўлаверарди.

– Бу гаплар бундан уч йил аввал, уч минг чақирим олисда юз берганди. – Сурайёning ўшли кўзларида негадир табассум жилваланди.

– Отангиз совчи бўлиб борган куни, сиз билан телефонда гаплашганимда, бунаقا бадном қизга уйланмайсиз, деб ўйлагандим.

– Ахир, мен бундай ўйлашим мумкин эмасди.

– Мен қанчалар баҳтлиман. Сиз мен таниган афронларга умуман ўхшамайсиз.

У қучогимга сирғалиб кирди. Унинг нам ёноқларига оҳиста лаб босдим.

Бобонинг ўлемидан сўнг, биз Сурайё билан бир хонали квартирага қўчиб ўтдик. Отамнинг микроавтобусини сотиб юбордим ва эски бозордан тамоман қадамимни уздим. Бироқ, ҳар жума куни отамнинг қабрини зиёрат қилишни канда қилмасдим. Кўпинча отамнинг қабри устида Сурайё олиб келган янги гулдасталар турарди.

Ёзда Сан-Хосе университетига ўқишига кирдим. Ўқишидан сўнг, мебел дўконига қоровул бўлиб ёлландим. Ҳамма ишдан кетиши билан мен қоровулхонадаги диван устида ястанганча, китоб мутолаа қилас, дарс тайёрлар, ижод қиласардим. Дастребки романимни ҳам шу ерда ёза бошладим. Кейинги йили Сурайё ҳам шу университетга, отасининг истагига қарама-қарши ўлароқ, педагогика йўналиши бўйича ўқишига кирди.

1988 йили, шўравийлар Афғонистонни тарк этишидан бир йил аввал мен илк романимни ёзиб битирдим. Унда воқеалар Кобулда, ота ва ўғил ўртасида рўй берганди.

Мен ушбу асаримни чоп этиш бўйича ўнлаб нашриётларга маълумотнома жўнатдим.

Ниҳоят, Нью-Йоркдаги нашриётлардан бири асарнинг тўлиқ матнини юборишимни сўради.

Олти ҳафта ўтиб, Нью-Йоркдан Мартин Гревнолт исмли киши телефон қилиб, асар чоп этилишини, унинг ўзи менинг муаллифлик ҳуқуқимни ҳимоялашга масъул эканини айтди. Бу бизнинг оиласиз учун жуда ҳам қувончли воқеа бўлди.

Сурайё қўзига ёш олиб, мени қучоқлади:

– Қанчалик хурсандлигимни билсангиз эди. Афсуски, амаким бу кунларни кўра олмадилар.

Рост, отам бу кунни кўрганида борми? Ахир у менинг келажагим, истиқболим учун ўз ватанидан, ўтмишидан воз кечмаганмиди?

Шу онда Раҳимхоннинг қачонлардир айтган гаплари ёдимга тушди «Ўғлим, ҳали сен буюк ёзувчи бўласан, сенинг асарларингни бутун жаҳон ўқииди».

Ҳа, тақдир менга чинакам тухфа ато этганди. Аммо, мен бунга лойиқ эдимми?

Кейинги йилнинг ёзида китобим нашрдан чиқди. Нашриёт мени бешта шаҳар бўйлаб, китобнинг тарғибот сафарига жўнатди. Мен америкалик афғонлар орасида ҳақиқий юлдузга айланәёздим.

Мен баҳтли эдим. Фақат бу баҳтнинг тўқислиги учун бир нарса етишмасди. Фарзанд! Ҳар гал ота бўлиш ҳақида ўйласам юрагимни аллақандай ҳаяжон ва ҳатто қўрқув чулғаб оларди. Мен худди Бобо сингари ота бўла олармикинман? Қанийди?

Вақт ўтиб борарди. Сурайё билан ҳар ой бирор янгиликдан умид кутардик. Вақт ўтгани сайин Сурайёнинг умидлари сўниб, тушкун,

жиззаки аёлга айлана борди. Жамила хола ҳам авваллари эҳтиёткорлик билан бу хусусда гап қистирган бўлса, эндиликда очиқ-ошкор буви бўлиш орзуси ушалмаётганини баралла айта бошлади. Гарчи генерал бу хусусда оғиз очмаса-да, унинг қарашларидан ниғоронлик аломатини сезиш қийин эмасди.

Ана шундай рутубатли кунларнинг бирида Сурайёга таскин бердим:

– Яна бир оз кутайлик. Ҳаммаси яхши бўлади.

– Яна қанча кутамиз? Нега бундай бўляпти?

Мен бошқа кутолмайман, Амир!

– Бўпти, дўхтирга борармиз, – дея уни тинчлантирган бўлдим.

Розен фамилияли шифокор ҳар иккимизни пухта текширувдан ўтказди. Мен-ку, дастлабки текширувдан яхши ўтдим. Менда ҳеч бир муаммо чиқмади. Аммо, Сурайё... Уни бир неча бор текширувдан ўтказишиди. Пешоб таҳлили, қон таҳлили, яна алламбалолар! Ҳамма хулосалар билан танишиб чиққан Розен умидсиз бош чайқади. Тиббиётда камдан-кам учрайдиган бундай ҳолат «сабаби ноаён бепуштлик» деб номланаркан. Ўргилдим сендақа шифокордан. Сабабини билмасанг, нима қилиб ўтирибсан бу ерда?

Шунда ҳам бизга бир қулоч дори ёзиб берди. Хуллас, Сурайё ҳам, унга қўшилиб мен ҳам даволанишнинг турли йўлларини бошимиздан ке-чирдик. Ҳеч қандай наф бўлмагач, Розен сунъий уруғлантиришни таклиф этди. Аммо бунинг учун жуда катта харажат талаб қилинаркан.

Биринчи романимдан олинган аванс пулинни айнан шу ишга сарфладик. Ҳарқалай, мусулмон эркак киши учун аёли билан қанчадан-қанча

номаҳрам ҳакимлар қўригидан ўтиш, жинсий ҳаёт билан боғлиқ гапларни уларнинг муҳокамасига ташлаш... жуда оғир бўларкан. Ва ниҳоят қанчадан-қанча нохуш амалиётлар сўнгида яна доктор Розен қабулига қайтдик. Бу гал доктор столни черта туриб, илк бора «фарзандликка олиш» хусусида сўз очди.

Бу 1991 йилнинг март ойида содир бўлганди.

Ўша куни Сурайё йўл-йўлакай йифлаб келди. Шу ҳафтанинг охирида биз қайнотамниги бордик ва сўнгти янгиликларни гапириб бердик. Дастурхон устидаги бу галги учрашувимиз унча қўр емади. Қайнонам пишириб келган балиқнинг хушбўй ҳиди ҳам иштаҳамизни қитқдай олмади.

– Болаларим, бола асраб олиш... биз афлонларга тўғри келмайди, – ниҳоят генерал ўз сўзи ни айтди. – Бир қунмас бир қун бола ота-онам деб билгани бегона бўлиб чиққанини англаса, қаттиқ руҳий зарбага дучор бўлади. Бари бир қон тортади, деган гап бор. Бегона бола ўз ота-онасини қидириб кетади. Бизнинг халқимиз қиз беришда, келин туширишда етти авлодни бекорга суриштирмайди. Сизлар асраб оладиган бола кимнинг зурриёди, отаси ким, онаси ким, валади зиноми, бошқами, қаердан биласизлар?

– Бўлди, бу ҳақда бошқа гапиришни ҳам, эшлишишни ҳам истамайман, – қуруққина қилиб луқма ташлади Сурайё...

Сурайё ҳам, генерал ҳам бола асраб олишга рўйхушлик беришмади. Мен ҳам насли-насаби номаълум болага оталик меҳримни беришим лозимлигини ўйласам, музлаб кетардим. Аммо, начора, тақдир ҳукмига бўйсунмай иложим йўқ

эди. Балки бу қылган гуноҳларим эвазига берилган жазодир?

Бир неча ой ўтиб, иккинчи романим учун аванс пулини олдим ва уй учун биринчи бадални тўладим. Сан-Францискодан олинганд бу уй бир оз эскироқ бўлса-да, икки кишилик оила учун барча шароитлари муҳайё эди.

Кечалари алламаҳалгача Сурайёнинг ёнгинасида очиқ деразаларнинг фичирлаши, чирилдоқларнинг ноласини эшитиб ётар ва шу аснода фарзандсизлик аталмиш мусибатни бутун моҳияти билан англағандек бўлардим. Мана, ўша мусибат, у ҳар доим биз билан бирга, қувонч ва андуҳимиизга шерик... Кечалари ҳам худди қўндоқдаги боладек иккимизнинг ўтрамизда ётади...

Июль, 2001 йил.

Мен телефон дастагини қўйгач, бир муддат жим қолдим. Фақат Афлотуннинг овозидан ҳушшимни бир жойга тўпладим.

– Нега рангингиз оқариб кетди? – сўради Сурайё Афлотуннинг устини адёл билан ўраб қўяркан.

Сурайё олти йилдирки мактабда дарс берар, кечқурунлари ўқувчиларининг дафтарини уйга олиб келиб, текширади. Бир неча йил сотиб олинганд кокер-спаниел зотли итимизга генерал қадимги юонон файласуфининг номини берганди.

Ўтган ўн йил ичida Сурайё анча тўлишиб, бақбақалари ҳам осила бошлаган, соchlари орасида оқ толалар пайдо бўлганди. Бироқ у мен учун ўша-ўша – ҳуснда тенгсиз малика эди.

– Покистонга кетишим керак, – дедим енгил тин олиб. – Раҳимхон оғир бетоб экан.

– Ҳалиги... амакимнинг дўстларими? – хавотир аралаш сўради Сурайё. Мен унга болалик хотирааларим, Ҳасан ва Али, Раҳимхон ҳақида кўп гапириб бергандим.

– Бормасам бўлмайди. У болалигимда катталар орасида биринчи ва энг содик дўстим бўлган.

– Анчага кетасизми?

– Билмадим, – елка қисдим. – У мени зудлик билан кўриши керак экан. Муҳим гапи бормиш.

– Тинчликмикан ишқилиб?

– Хавотир олма, ҳаммаси яхши бўлади, – шундай дедим-у, бироқ, қалбим хавотирга тўла эди.
– Бирпас айланиб келмоқчиман.

«Олтин дарвоза» хиёбонини анча пайт сарсари кездим. Хиёбоннинг шимолий чегараси – Спрекельс кўли соҳилида ўриндиқлардан бирига ҳоргин чўқдим. Ана, сал нарида баҳтиёр ота ўғилчаси билан копток ўйнаяпти. Осмонда эса, қирмизи варраклар эркин парвоз этмоқда.

Мен кўзларимни юмганча, ҳозиргина мен билан телефонда гаплашган Раҳимхоннинг қиёфасини кўз олдимга келтиришга уриниб кўрдим. Мана, унинг маҳзун, меҳрибон чеҳраси... Менимча, у ҳаммасидан хабардор, машъум варрак воқеаси, Асефнинг маразлиги, Ҳасангага қилинган туҳмат... ҳаммасини билади.

«Ўғлим, сен ўзингнинг қанчалик мард ва орятли эканингни кўрсатадиган вақт келди».

Ҳа, Раҳимхон худди шундай деди.

Уйга қайтсам, Сурайё онаси билан телефонда гаплашаётган экан.

Икки йил илгари генерал йиқилиб, белини синдирган, ўшандан бери тўшакка михланиб қолди. Унинг иссиқ-совуғидан Жамила хола эрта-ю кеч боҳабар эди. Эндинина генерал хотинининг кўмагидаги ташқарига чиқа бошлаганди. Баъзан Сурайё отасини кўргани бориб, уни сайр қилгани олиб чиқарди.

...Ўша куни алламаҳалгача ухломай ётдим. Тонгга яқин кўзим илинди. Тушимда Ҳасанни кўрибман. Кобул яқинидаги яйловларда варрак қувиб юрганимиш. Ортидан югуриб етолмасмишман.

...Орадан бир ҳафта ўтиб, мен Покистон авиакомпаниясининг ҳаво лайнерида булатлар бағрини ёриб, учиб борардим.

* * *

Самолёт ерга қўнганидан уч соат ўтганида, мен таксининг орқа ўриндиғида ўтирас, маҳаллий ҳайдовчи Фулом лабига қистирган арzon сигарета тутунини пуркаганча, Пешоварнинг серқатнов кўчаларидан елиб борарди.

Пешоварда охирги марта 1981 йилда бўлган-дик. Шаҳар деярли ўзгармаган. Кўчалар, машиналар, одамлар, пастқам уйлар нимаси биландир менга Кобулни эслатарди.

Пешовар университетининг қизил томли биносидан ўтгач, афғон даҳаси бошланади.

– Бу ерда сенинг ҳамюртларинг кўп, – деди Фулом. – Кимдир ўз йўлини топиб олган, аммо кўпчилиги қашшоқликда кун кечиради.

Раҳимхонни охирги марта 1981 йилда, биз Кобулдан кўчиб кетаётган пайтимиизда кўрган-

ман. Ўшанда у бизни кузатишга келганди. Биз АҚШга кетганимиздан кейин ҳам Бобо Раҳимхон билан тез-тез қўнфироқлашиб турар, кўпинча гўшакни менга ҳам тутқазарди. Охирги марта Раҳимхон билан отамнинг ўлимидан кейин гаплашдик. Нохуш хабар Кобулга етиб борган чофи, Раҳимхон мендан кўнгил сўраб сим қоққанди.

Ниҳоят, қўлнимдаги бир парча қофозда битилган манзилни топиб бордим ва эшик қўнфиригини босдим. Эшик очган қоқсуяк қарияни даставвал таниёлмадим. Менинг хотирамда қолган барваста Раҳимхондан ном-нишон қолмаганди.

Биз анча гурунглашиб ўтиридик. Очиқ деразадан кўча шовқини ва қуёш нури кириб турар, полга афғон гиламлари тўшалганди. Бурчакда иккита эски курси ва самовар қўйилганди. Ўзим ундан чой қуйиб олдим.

Гап орасида ўн беш йил аввал уйланганимни қистириб ўтдим.

– Кимга уйландинг? – сўради Раҳимхон қош чимириб.

Айтдим. Раҳимхон қайнотамни ҳам, қайномамни ҳам яхши таниркан.

– Фарзандлар нечта бўлди?

– Фарзандимиз йўқ, – дедим бош эгиб. Раҳимхон ҳам менга узрли қараб, хўрсиниб қўйди. Орага ноқулай жимлик чўкди. Кейин эса, мавзуни бошқа тарафга бурдик. Мен унга Америкада отам билан кечган кунларимиз, эски бозордаги савдоларимиз, оиласам ҳақида гапириб бердим. Тўртта романим чоп этилганини айтганимда, Раҳимхоннинг кўзларида қувонч порлади.

– Туғилган кунимда менга блокнот совға қиласынгиз эсингиздами? Бириңчи ҳикояларимни ўша дафтарга ёзгандим.

– Билмадим, – кулимсиради Раҳимхон. – Эслолмаяпман.

Гап бориб, Афғонистондаги вазиятга тақалди. Бу пайтда Толиблар мамлакатни тамомила ўзига бўйсундириб олганди.

– Аҳвол ростдан ҳам чатоқми? – сўрадим ундан.

– Нимасини айтасан, – деди Раҳимхон. – Толиблар Худонинг юборган балоси экан. Улар одамни одам ўрнида кўришмайди. Манавини кўряпсанми? – у чап қоши устидаги чандиқни кўрсатди. Ўшанда Фози стадионида футбол бўлаётганди. Адашмасам, Кобул билан Мозори шариф жамоалари ўйнаётганди. Футболчилар узун иштонлар кийиб олишган, трусида ўйнаш тақиқланган. Хуллас, Кобул рақиб дарвозасига гол урди. Ёнимдаги йигит қувонганидан бақириб юборди. Шу чоқ рўпарамда 17–18 ёшли, қуролланган толиб пайдо бўлди-ю, сўрамай-нетмай автомат қўндоғи билан башарамга туширди. «Яна бир марта бақирсанг, тилингни суғуриб оламан, қари эшак» дея сўкинганча нари кетди. Мен эса, қонли юзимни чанглаб қолавердим. Ҳолбуки, мен унинг бобоси тенги эдим... Ана шунаقا, болам, – Раҳимхон яна бир марта чандиғини силаб қўйди.

У менга Кобулда бошидан кечирганларини бирма-бир айтиб берди.

Биз Пешоварга боришимиздан сал аввал Бобо уйимизни Раҳимхоннинг номига расмийлаштириб кетганди. Отам эртами-кечми Кобулга қайтишишимизга ишонарди.

– Нега сиз ўшанды биз билан кетмадингиз, – сўрадим ундан.

– Ватанни ташлаб кетиб бўлмайди, – деди Раҳимхон. – Отанг сенинг келажагингни ўйлаб, ўз юртини ташлаб кетишга мажбур бўлганди. Мен эса, ўзинг биласан, ёлғизман... Айтганча, Истиқдол мактаби ёнидаги кўча эсингдами?

– Ҳа, эсимда. Худди шу кўчадан ўтаётганимизда, казармадаги аскарлардан бири Ҳасаннинг онасини ҳақорат қилганди.

– Толиблар Кобулни эгаллаганда ҳамма шу кўчага чиқиб байрам қилган, қўшиқ айтиб, рақс тушганди. Чунки, уруш одамларнинг меъдасига урганди. Толибларни ҳамма худди қаҳрамондек қарши олди.

– Нихоят тинчлик қарор топибди-да!

– Э, бу тинчлик ниманинг ҳисобига келганини билсанг эди? – Раҳимхонни йўтал тутди. Бечора йўталавериб, букчайиб қолди. Лабларига босган рўмолчасидан қон сизаётганини кўриб, юрагим орқага тортди. Бу манзара мен учун таниш эди.

– Сиз қаттиқ бетобсиз.Faқат яширмай айтиверинг!

– Ҳа, менинг куним битган, – Раҳимхон яна йўталишга тушди. Аввал қонталаш лабини, кейин тер босган пешонасини артди. – Ёзгача етаманми, йўқми, билмадим.

– Мен сизни Америкага олиб кетаман, – дедим унга. – У ерда яхши врачлар бор. Ҳозир тиббиёт анча ривожланган. Ҳар қандай касалнинг давосини топишяпти. – Мен йифлаб юбормаслик учун тез-тез гапирмоқда эдим.

– Сен ҳақиқий америкаликка айланибсан, – деди Раҳимхон бир оз ўзини қўлга оларкан. – Ҳа,

Американи Америка қилган ҳам айнан оптимизм. Биз афғонлар эса, жуда тажанг халқмиз. Фақат зорланишни ва тақдирга тан беришни биламиз. Зиндаги мегузарад деб қўяверамиз... Кўй, болам, энди яшаб ниманиям кўрардим. Яратганинг иродасига қарши бориб бўлмайди. Мен сени бу ерга фақат видолашиб учун эмас, жиддий бир гапни айтиш учун чақирганман.

– Қанақа гап?

– Мен отангнинг уйида шу пайтгача яшаб келганимни биласан-а?

– Ҳа!

– Мен бу ҳовлида ёлғиз яшамадим. Ҳасан мен билан бирга эди.

Ҳасан! Мен бу исмни анчадан бери тилга олмагандим. Яна бирданига виждонимда оғриқ турди. Атрофимдаги ҳаво қуюқлаша бошлади. Нафасим қисилди.

– Мен аввалига бу ҳақда сенга ёзиб юбормоқчи эдим. Аммо, сен буни билишни истайсанми, йўқми, менга қоронфи эди. Сендан бир нарсани қатъий илтимос қилмоқчи эдим. Фақат ундан аввал Ҳасан ҳақида баъзи гапларни айтиб берсам. Эшитасанми?

– Ҳа, – дедим юрагим оғриб.

У ҳикоясини бошлади.

* * *

1986 йиллар. Бу пайтларда менинг таниш-билишларимдан айримлари ўлдирилган, айримлари мамлакатни ташлаб кетган, қолганлари ҳам ўз ташвиши билан овора эди. Ким билан гаплашишни, қаерга боришни билмасдим. Бутун шаҳар руслар ихтиёрида эди. Қаерга борма, рус

аскарлари патрулига дуч келасан. Шунинг учун кўпинча уйдан ташқари чиқмасдим.

Бунинг устига артрит азоб берарди. Баъзан оғриқнинг зўридан белимни кўтаролмай қолардим. Ҳатто уй ишларига ҳам ярамай қолгандим. Мен отанг қайтгунича уйини саранжом-сарышта сақлашга, сизларга омонатни бус-бутун топширишга аҳд қилгандим.

Отангнинг ўлгани ҳақидаги хабарни эшитишм билан дунё кўзимга қоронғи кўринди. Мен бўм-бўш юрак билан бўм-бўш ҳовлида ёлғиз ўзим яшолмаслигимни ҳис этдим.

Кунларнинг бирида машинамга ўтириб, тўғри Ҳазоражотга, Али ва Ҳасанни қидириб йўлга тушдим. Улар бу ҳовлидан ҳайдалганидан кейин, Алининг қайсиdir бир амакиваччасининг уйига кўчиб кетишганини отангдан эшитгандим. Бу пайтда Ҳасан 22-23 ёшларга тўлган навқирон йигит бўлиши керак эди.

Яратганинг инояти билан Ҳасаннинг уйини осонликча топиб олдим. У Бомиён яқинидаги қишлоқлардан бирида, пахсадан қилинган девор ортида, томсувоқ уйда яшаркан. Қарасам, ҳовли ўртасида қорамағиз бир эркак бошига оқ рўмол танғиб, ер чопяпти. Мени қўриши билан белкуракни итқитиб, менга томон пешвоз чиқди. Бўйи мендан икки қарич баланд эди. Ўсиб, азамат йигит бўп кетибди. Ранги ҳам Бомиённинг қуёшида анча қорайибди, олд тишлари тушиб кетибди. Аммо, лабининг устидаги билинар-билинмас тиртиқ, мовий, қисиқ кўзлар ўша-ўша эди.

Қучоқлашиб кўришдик. У мени уйига таклиф қилди. Уйнинг бурчагида оқ юзли ҳазорий аёл кашта тикиб ўтиради.

– Бу менинг аёлим – Фарзона, – таништириди Ҳасан. Аёл Ҳасанни қанчалар яхши кўриши шундоққина юз-кўзидан билиниб турарди. Аёл оғироёқ экан.

– Қачон неварали бўламиз? – сўрадим Ҳасандан ҳазил аралаш.

– Насиб этса, шу йили қишида, – кулимсираб ерга қаради Ҳасан. – Агар Худо ўғил берса, унга отамнинг исмини қўяман.

– Айтганча, Али кўринмайдими?

Ҳасаннинг юзи бирдан аянчли тус олди. Али ва унинг амакиваччаси – мана шу уйнинг эгаси икки йил аввал Бомиён яқинида минага тушиб портлаб кетишибди... Амиржон, ҳозир ҳар куни ўнлаб афлонлар шу тахлит аянчли ўлим топмоқда. Беихтиёр полиомиелит асорати туфайли бир оёғини аранг судраб босадиган беозор инсоннинг ғамгин чехраси кўз олдимдан ўтди. Биз ва отанг у билан бирга улгайгандик. Эсимни таниганимдан бери Али менинг ёнимда эди. Али оғир касал бўлганида отанг билан тепасида йифлаб тургандик.

Фарзона шу куни афгонча шўрва пиширди. Тандирда пишган нон билан шўрва танангга жуда яхши сингади-да. Аммо, Алининг ўлими мени тамоман гангитиб қўйганди. Томофимдан икки тўғрам нон ўтди, холос. Дастурхон устида Ҳасанга мен билан Кобулга кетишни таклиф қилдим. Уй катта эканини, у ҳам оиласи билан бемалол ёзилиб-яйраб яшаши мумкинлигини айтдим. Эр хотин бир-бирларига маъноли тикилиб қолишиди.

– Уйимиз шундоққина шаҳарнинг биқинида. Бу ерда қариндош-уруғларимиз кўп. Кечиринг бизни, Раҳимхон оға! Боролмаймиз!

Мен ҳам уни тушуниб турардим. Шу боис ортиқ қистамадим. Кейин анча гурунглашиб ўтирик. Сен ҳақингда күп сўради. Уйландимикин? Ўқишига кирибдими? Болалари борми? Бахтлимикин? Ҳозир ҳам варрак учирармикин?

Дарвоҷе, у Бомиёнда бир форс тили ўқитувчиши билан танишиб, ўқиши-ёзишни ўрганиб олибди. Сенга хат ёзиб беришини айтиб, унга етказишни мендан илтимос қилди. Унга отангнинг ўлимини айтганимда юзларини бекитганча ҳўнграб юборди. У эрталабгача йиглаб чиқибди.

Оқшом уларникида тунаб қолдим. Эрталаб, Ҳасан хотинини олиб мен билан Кобулга боришини айтди.

– Оға, очиги, бизни бу ерга боғлаб турадиган ҳеч нарса йўқ. Биз сиз билан кетамиз. Сизга ўзим қарайман. Уйни ўзимиз тартибга келтириб, кўз қорачифидек асраймиз.

Уларнинг кўч-кўрони машинамнинг юхонасиға бемалол жойлашди. Машина қўзғалгач, Ҳасан то уий кўздан йўқолгунча машинанинг орқа ойнасидан кўз узмади. Ҳасан Кобулга келишимиз билан ўзининг эски кулбасига кўчиб кирди. Хўжайнинг уйига киришни истамади.

– Бу уй Амир оғага тегишли. У урушдан кейин Кобулга қайтса, мен унинг уйига кириб олганимни кўрса, нима деб ўйлади?

Ҳасан отангта аза тутиб, қирқ кун қора кийди.

Улар келган кундан бошлаб, ҳовлига файз кирди. Фарзона ҳовлини ҳар куни эрталаб чиннидай қилиб супуриб чиқарди. Ҳасан уйнинг шикаст еган жойларини, ракета тегиб қулаган деворларини қайта тиклаб чиқди.

Кеч кузда Фарзона ўлик қизча туғди. Фарзонанинг уй бурчагида тиқилганча ҳўнг-ҳўнг йифлагани, Ҳасаннинг ўлик чақалоқнинг тангадек юзчаларидан унсиз ўпаётгани кўз ўнгимдан кетмайди. Девор ортидан уруш, отишмалар давом этар, отангнинг уйи эса тинч ва бехавотир туюларди бизга. Кейинги пайтларда кўзим хиралаша бошлади. Ҳасан онангнинг кутубхонасидаги китобларни менга ўқиб берарди.

Тўқсонинчи йилнинг бошларида яна Фарзонанинг бўйида бўп қолди. Ёз ойларида дарвозамиз олдида чачвон-паранжи ёпинган бир аёл пайдо бўлди. Ҳовлига кириши билан тиз чўкканча қотиб қолди. Ундан нима кераклигини сўрадим. У индамай турарди. Ҳатто тик туришга ҳам мажоли йўқдек эди.

– Кимсиз? – дея сўрадим. Аёл кесилган дарахтдек гурсиллаб қулади. Ҳасанни чақириб, аёлни икковлашиб кўтардик-да, меҳмонхонага олиб кирдик. Паранжисини олдик. Қаршимизда тишлари тўкилган, соchlари оқарган, юз-қўзлари қонга белангандир ожиза ётарди. Юзидаги тиф яраси пешонасидан бошланиб, чап кўзининг устидан ияигига қараб чўзилганди.

– Ҳасан қани? – Аёл кўзини очиши билан берган саволи шу бўлди.

– Шу ердаман, – Ҳасан аёлнинг қоқсуяк қўлларини қўлига олди.

– Сени кўриш учун қаерлардан келаётганимни биласанми? Сени худди шундай тасаввур қилгандим. Қандай катта йигит бўлиб кетибсан! – у Ҳасаннинг қўлларини ўпди. – Битта жилмайгин, илтимос. – Ҳасан зўрма-зўраки кулимсиради. Аёл эса, йифлаб юборди.

– Кулишларинг... худди менинг ўзим! Сенга ҳеч ким буни айтмагандир? Ўғлим, мени кечир! Мен ҳатто бир марта бўлсин сени қўлимга олмагандим. Худонинг ўзи кечирсин!

Ҳа, бу Санобар эди. 1964 йил, ўғлини туғиб ташлаб кетганидан кейин ҳеч ким уни қайтиб кўрмаганди. Амир, сен билмайсан, у ёшлигидан шунақангি сулув аёл эдик, таърифига ҳар қандай тил ожиз қоларди. У кўчадан ўтса, бирор эркак қайрилиб қарамаслиги мумкин эмасди. Ҳозир эса...

Ҳасан унинг қўлларини қўйиб юборди ва уйдан отилиб чиқди. Мен кун бўйи унинг ёнидан жилмадим. Қош қорайганида ҳам Ҳасандан дарак бўлавермади.

– Бекорга қайтиб келибман, – дея афсусланди Санобар. – Кетиб бир хато қилувдим. Келиб яна янглишибман. Ўғлимнинг ярасини янгилабман.

Ҳасан эртаси куни эрталаб кириб келди. У уйнинг орқасида, сизлар ёқтирган тепаликда, анор панасида тонг оттирган экан. Кела солиб, онасининг қўлларини ўпиб, кўзига суртди.

– Онажон, йифламанг, мени кечириңг, сизга итоатсизлик қилдим. Ўз уйингиз, ўз оиласиз. Шу ерда биз билан қолинг!

Санобар ўғлини бағрига босди. Ҳаммамиз йифладик.

Санобар шу кундан биз билан яшай бошлади. Унга биринчи қаватдан хона ажратилди. Томорқада етиштирилган сабзавотлар, помидор, саримсоқ, қалампирларни она-бала парваришлар, уларни бозорда сотиб, бошқа рўзгор учун зарур нарсаларни харид қилиб келишарди.

Ҳасан шу пайтгача онаси қаерда бўлгани ҳақида сўрамас, онаси ҳам бу ҳақда оғиз очмасди.

1990 йилнинг декабрида Ҳасан ўғилчали бўлди. Ўшанда қор ёғиб турарди. Санобар жун адёлга ўралган чақалоқни кулбадан кўтариб чиққани, унинг қулогига азон айтганим кечагидек эсимда. Ҳасан ўғлига Шоҳномадаги севимли қаҳрамони Суҳроб исмини берди.

Чақалоқ шунаقا ширингина эдики, худди отасининг ўзи дердинг. У бувижониси Санобарнинг жони дили эди. Кечалари келини ухлаётганида ҳам чақалоқнинг бошида ўтириб тонг оттирас, ҳар куни хонада исириқ тутатарди.

Суҳроб тўрт ёшга тўлганида Санобар оламдан ўтди. Онасининг ўлими Ҳасан учун катта зарба бўлди. Биз уни ҳовлимиз орқасида, тепалик ёнидаги эски қабристонга қўйдик. Жажжи Суҳроб эса, «Саса» деб бувисини излайди.

Кейин... ҳокимиятни Аҳмадшоҳ ва Раббоний бошчилигидаги мужоҳидлар эгалади. Уруш, отишма, портлашлар авжига чиққанди. Эрталаб уйғонган одам кечгача тирик юришига ишонмай қўйди. Қулоқдаримиз ўқларнинг чийиллашига, кўзларимиз турли уруш даҳшатларига-ю, ўликларга қўнишиб кетганди. Фақат бизнинг туман Вазир-Акбархон нисбатан тинчроқ жой эди. Ҳасан ўғлининг тарбиясига катта эътибор берар, уни ҳайвонот боғига, кинога олиб борарди. Бўш пайтларда рогаткада отишни машқ қилдиарди. Тез орада Суҳроб мерган бўлди-қолди.

Қишда Ҳасан ўғли билан томга чиқиб варрак учирарди. Албатта, эски замонлардаги каби варрак мусобақалари кенг миқёсда ўтмаса-да, гоҳ-гоҳида бўлиб турарди. Эсингдами, у ипи узилган варраклар қаерга қўнишини ҳаммадан яхши биларди. Ўша қобилияти ҳануз йўқолмаганди.

Лекин орадан қўп ўтмай, толиблар варрак учиришни ман қилишди. Орадан икки йил ўтиб, 1998 йилда Мозори шарифда толиблар ҳазорийларни қўйдек бўғизлашди...

* * *

...Раҳимхон ҳикоясини тутатганида анча ҳолдан тойганди. Кўчадан урду тилидаги сўкинишлар, эшакларнинг ҳанграши эшитилиб турарди.

– Ҳасан ҳалиям бизницида турибдими? – сўрадим ундан.

– Бу сенга, – Раҳимхон менга тўрт букланган хат узатди. Хат ичидаги полароид плёнкасида туширилган сурат ҳам бор экан. Суратда баланд бўйли, кенг яғринли, одмигина кийинган эркак жилмайиб турар, унинг олдида эса, соchlари қиртишлаб олинган, айни Ҳасаннинг болалигини эслатувчи оёқяланг болакай отасидек илжайиб турарди.

Хат форсийда, чиройли ҳуснихатда битилган эди:

«Бисмиллаҳир роҳманир роҳийм!

Муҳтарам Амир оғага!

Ушбу хатим Сенга етиб боришини аёлим Фарзона, ўғлим Суҳроб билан бирга эрта-ю кеч Яратгандан сўраб турибмиз. Тез орада хатим сенга етиб боришидан ва сенинг жавобингни олишдан умидворман. Мен Фарзонага, Суҳробга сен ҳақингда, болалигимиз, баҳтиёр дамларимиз, ўйинларимиз ҳақида завқланиб гапириб бераман. У кунларни энтикиб эслайман.

Амир оға! Сен ва бизнинг баҳтиёр болалигимиз ўтган Афғонистон энди йўқ. Бу ер қотиллик, биродаркушлик, даҳшат ва қирғин маконига айланган.

Яқинда хотиним билан бозорга боргандим. Фарзона дәхқондан картошканинг нархини сўради. Дәхқоннинг қулоғи оғирроқ эканми, эшитмади. Фарзона қаттиқроқ овозда сўраганди, оломон ичидан бир толиб ажралиб чиқди ва автомат қўндоғи билан аёлимнинг оёғига туширди. Бечора ерга йиқилиб тушди. Ундан «нега бундай қиласан?» деб сўрасам, «вазирнинг буйруғи чиққан, аёллар овозини кўтариб гапирмаслиги керак», дея ўшқирди. Мен хотинимга қўл кўтарган бу маразни бир бало қилишим мумкин эди. Аммо, у ўша заҳоти мени отиб ташлар, хотиним тул, ўғлим етим қоларди. Ахир уларга чекланмаган хуқуқ берилган.

Наҳот ўғлим Суҳробни ҳам шундай қисмат кутаётган бўлса? Сен ўғлимни кўрганингда эди. Шунақангиди иқтидорли. Бизнинг анор дарахтимиз эсингдами? Ҳозир у қуриб қолган бўлса-да, мен учун қадрли. Ҳар куни ўғлим билан унинг соясида ўтириб, «Шоҳнома»ни ўқиб бераман.

Амир оға! Раҳимхон соҳиб оғир касал. Бир неча кундан кейин Покистонга кетмоқчи. Ўша ерда яхши врачлар бор деб эшитдик. Ишқилиб, яхши хабар билан қайтиб келсин. Кейинги пайтларда ёмон тушлар кўряпман. Стадиондаги қонли қатллар, дорга тортилган бегуноҳ одамлар... Баъзан яхши тушлар ҳам кўраман. Сени жуда соғиндим. Кобулга қачон келасан? Бу ерда сени интизорлик билан кутамиз.

Сени Аллоҳ ўз паноҳида асрасин!
Ҳасан!»

Хатни икки марта ўқиб чиққач, Раҳимхонга юзландим.

– У яхши юрибдими ҳозир?
– Хат ярим йил аввал, мен Покистонга келмасимдан бир неча кун илгари ёзилган. Сурат ҳам ўша пайтларда туширилган. Бир ой ўтиб менга қўшним телефон қилиб, нохуш бир янгиликни айтди.

Мен Пешоварга кетганимдан кейин уйимизга толиблар келиб, Ҳасанни сўроқ қилишибди. Бу уйда нима қилишини сўрашибди. Ҳасан бу уйда оддий хизматкор эканини, уй эгаси сафардалигини айтибди. Толиблар ҳазорийларга бундай уйларда яшамаслиги лозимлигини айтиб, унга чиқиб кетиш учун бир кун вақт беришибди. Ҳасан уйни эгасиз ташлаб кетолмаслигини айтибди. Шунда толиблар Ҳасанни қўчага олиб чиқишибди ва...

– Йўқ, – негадир бақириб юбордим мен.
– ...Аввал тиз чўктиришибди...
– Йўқ, э, худо!
– Кейин пешонасидан отиб ташлашибди.
– Йў-ў-ўқ!
– Кейин Фарзона уйдан дод солиб югуриб чиқибди.
– Йў-ў-ўқ...
– Уни ҳам ўша ернинг ўзида отиб ташлашибди.
– Йўқ, йўқ, йўқ... – телбаларча шу сўзни қайтарар, тилим бошқа гапга айланмасди. Теграмни ўлим талвасаси ўраб олган, мен эсам, ҳануз тирик эдим.
– Уйни толиблар эгаллаб олишди, – хотиржам гапида давом этди Раҳимхон. – Уйдагиларни ўзганинг мулкини эгаллаб олганликда айблашди, қотилликни эса ўз-ўзини мудофаа деб баҳолашди. Ҳеч ким эътиroz билдиrolмади... Ахир ик-

кита фақир ҳазорийни деб ким жонини хавф остига қўя оларди?

– Суҳробга нима бўлди? – сўрадим ўзимни аранг қўлга олиб.

Шу аснода Раҳимхонни йўтал тутиб қолди. Юз-кўзлари зўриққанидан қизариб кетди.

– Уни Карте-Седаги етимлар уйига жўнатишибди деб эшитдим, – деди аранг пишиллаб нафас оларкан. – Амиржон, сени бу ерга чақиришдан мақсад фақат ўлим олдидан видолашиб эмасди. Сенга зарур гапим бор. Сен Кобулга бориб, Суҳробни топишинг ва уни бу ерга олиб келишинг керак.

Аввалига унинг гапини у қадар чукур идрок этолмадим. Чунки, ҳали Ҳасаннинг ўлими ҳақидаги хабар даҳшатидан ўзимга келолмай турадим.

– Пешоварлик танишларим орасида эр-хотин америкаликлар Томас ва Бетти Колдуэллар бор. Жуда яхши одамлар. Улар кичик хайрия жамиятини бошқаришади. Асосан афғон болаларини ҳимоялашга мўлжалланган етимлар уйини ҳам очишган. Ўзим кўрганман, улар болаларга жуда яхши ғамхўрлик қилишади. Мен Суҳроб ҳақида уларга айтганимда, жон деб қабул қилишларини айтишди.

– Раҳимхон оға, сиз ҳазиллашяпсиз чофи?

– Болалар тақдири билан ҳазиллашиб бўлмайди, ўғлим. Кобул кўчаларида қаровсиз болалар тиқилиб кетган. Суҳроб ҳам улардан бири бўлиб қолишини истамайман.

– Оға, бундай пайтда Кобулга бориш камида аҳмоқлик билан баравар.

– Суҳроб жуда иқтидорли бола. Биз бу ерда унга янги ҳаёт, янги умид бахш этамиз. У яхши одамлар қуршовида улғаяди.

– Нега энди мен боришим керак Кобулга? Бирортасини ёлласа бўлади-ку! Қанча пул керак бўлса, мана мен турибман.

– Гап пулда эмас, Амир, – Раҳимхон сал қизишиб олди. – Мени хафа қиляпсан. Мен ўладиган одамман! Мен учун пул ҳеч қачон биринчи ўринда бўлмаган. Нега сени танлаганимнинг боисини ўзинг яхши биласан.

Ҳа, у нимани назарда тутаётганини сезиб турардим.

– Лекин, тушунинг, Америкада менинг оилам, уйим, обрў-эътиборим бор. Кобул мен учун жуда хавфли. Ахир мен ўз жонимни хавф остига қўйиб, аллақайси...

Гапимни йўқотиб қўйдим.

– Бир пайтлар отанг менга сенинг табиатингдан хавотирда эканини айтганди. У сени қўрқоқликда, қатъиятсизликда айبلاغанди. Наҳотки у ҳақ бўлса?

Мен кўзларимни пирпиратдим.

– Ўлимим олдидан сендан шуни ўтиниб сўрамоқчи эдим, – у менинг жон жойимдан тутганди. Хонада сукунат сузарди. Мен эса, гапиришга сўз тополмасдим. Яна ёзувчи эмишман!

– Ҳа, Бобо ҳақ экан, – хўрсиндим нима дейишни билмай.

– Жиддий гапирияпсанми?

– Ахир ўзингиз ҳам шундай фикрдасиз-ку!

– Мен бунақа фикрда бўлганимда сени чақириб ўтирумасдим.

– Сиз ҳамиша мен ҳақимда жуда юқори фикрда бўлиб келгансиз, – хаёлчанлик билан бармоғимдаги узукни айлантирудим.

– Сен эса, ўзинг ҳақингда ҳамиша тубан фикрда бўлиб келгансан, – хўрсинди Раҳимхон.

– Лекин ўртада яна бир гап борки, бу ҳақда сен билмайсан...

– Қанақа гап? – илкис сергакландим.

– Санобар Алининг биринчи аёли эмасди. Унинг биринчи хотини Жоҳурдан эди. Улар уч йил бирга яшашди. У пайтларда сен ҳали туғилмагандинг. Фарзандсизлик туфайли улар ажрашишди. Кейин ўша аёл хостлик бир кишига турмушга чиқиб, уч қиз кўрди... Сенга айтмоқчи бўлган гапим шу эди.

Мен аввалига ҳеч нарсани тушунмадим.

– Бу гапларнинг менга нима алоқаси бор?

– Али бепушт эди, – тушунтириди Раҳимхон.

– Қанақасига? Ҳасан-чи?

– Алидан зурриёт туғилмаган.

– Унда Ҳасаннинг отаси ким?

– Ўзинг ўйлаб кўр, ким бўлиши мумкин?

Назаримда, тубсиз жарликка қулаб кетаётгандек бўлдим. Кўз олдимда ҳамма нарса чархпалак бўлиб айлана бошлади.

– Ҳасан билармиди? – титроқ лабларим менга бўйсунмаётган эди.

Раҳимхон кўзларини юмиб, бош чайқади.

– Аблаҳдар, – ўрнимдан иргиб турдим. – Шунчалик ҳам пасткашлиқ бўладими? Ёлғончи лўттибозлар!

– Илтимос қиласман, ўтири!

– Ахир сизлар буни мендан, ундан яшириб келдинглар?

– Ўзинг ўйлаб кўр, ахир отангнинг бутун обрўси, шаъни бир пул бўларди. Фисқ-фасод кўпаярди. Бизнинг одамларнинг феъли ўзингга маълум-ку!

Раҳимхон менга қараб қўл чўзганида жаҳzl билан қўл силтаб, ўзимни эшикка урдим.

– Ўттиз саккиз ёшга кирган одам бутун ҳаёти ёлғондан, сохталиқдан иборатлигини билса қай аҳволга тушади, Раҳим оға? Энди менга тасалли бермоқчи бўласизми? Сизга айтадиган гапим йўқ.

Эшикни зарб билан ёпдим.

Қуёш ботиб борар, уфқ алвон тусга кираётганди. Раҳимхон яшаётган уй ортда қолиб кетганди. Кўчаларда одам қайнар, машиналар, рикшалар бир-бирини қувиб ўтмоққа ошиқарди. Мен эса, ўзимга номаълум бўлган тарафга сарсари кетиб борардим.

Назаримда, узоқ уйқудан сўнг мутлақо бошқа хонада уйғонгандек эдим. Бошқа уй, бошқа мебеллар, бошқа жиҳозлар... Мен йиллар давомида уйғониб қўрадиган одатий манзаралардан олис чекинган эдим.

Кўзим ҳаерда эди? Ахир далиллар етарли эдику! Бобо Ҳасанни пластик операция қилиш учун доктор Кумарни таклиф этиши, янги хизматкор олиш ҳақида айтганимда отамнинг разаб отига миниши, Али кетмоқчи бўлганида, отамнинг кўзларидан томган ёшлар...

Официант стол устига бир финжон сутли чой келтириб қўйганида маҳаллий емакхоналардан бирида ўтирганимни англашим. Анчадан бери ичмаганим – сутли чойдан ҳўпларканман, Америкадаги ҳаётим, Сурайё, генерал, Жамила хола, энди ёза бошлигар янги романим бирма-бир кўз одимдан ўтди. Одимдан турли-туман одамлар ўтиб қайтар, қўшни столга тақалган транзистордан рубоб садолари янграр, аммо менинг хаёлимни ҳеч нарса тўзгита олмасди. Яна ўтмиш хотиралари бош қўтарди. Бобо би-

тирув кечаси менга нима деганди? «Қанийди ҳозир Ҳасан ҳам ёнингда бўлганида!»

Отам қанақасига шу пайтгача мени ҳам, Ҳасанни ҳам алдаб келди экан? Ахир отам ўзи ҳар доим «фақат биргина гуноҳ бор – ўғирлик! Ҳамма жиноятнинг замирида ўғирлик ётади. Ёлғончи ўз дўстининг ишончини ўғирлайди» демаганмиди? Демак, Бобо ҳам ўғри экан. У менинг укамни, Ҳасаннинг отасини, Алининг ор-номусини ўғирлади!

Отам Алининг кўзларига қандай боқди экан? Али ўз шаъни, қадр-қиммати топталётгани, аёли ўз хожасининг тўшагини гуллатаётганини била туриб, бу хонадонда қандай яшади экан? Мен-чи? Шу пайтга қадар отамнинг сиймосида энг мукаммал, энг комил инсонни кўрардим-ку!

Олма олманинг тагига тушади, деб бежиз айтишмас экан. Мен ҳар гал ўзимни отам билан қиёслар эканман, ундаги фазилатларни ўзимда топа олмасдим. Энди ўйлаб кўрсам, иккимиз ҳам бир хил эканмиз. Биз иккимиз ҳам ўзимизга ўла-ўлгунча содиқ бўлган одамларни сотдик. Уларга хиёнат қилдик. Мана, ҳаммаси учун ҳисоб-китоб қиладиган пайт келди. Мен ўзимнинг ва отамнинг гуноҳдарини ювиш имозим. Рост, мен Алини миналаштирилган далага бошлаб бормадим, мен Ҳасаннинг чаккасига милтиқ тираб, отиб ташламадим. Аммо, мен ота-болани уйимииздан қувмаганимда, эҳтимол отам уларни ҳам биз билан Америкага олиб кетармиди? Ҳасан ҳам ҳозир ҳамма эркин, тўқ, фаровон заминда, унинг ҳазорий қавмига мансублиги айбистилмайдиган, кўпчилик ҳазорийлар ким эканини ҳам билмайдиган мамлакатда, ўз уйида, ўз оиласи бағрида яшаётган бўлармиди?

Раҳимхон мени бу ерга чақирмаганида эди! Мен ҳозир ҳаётимни остин-устин қилиб юборган аччиқ ҳақиқат қаршисида мушкул ахволда қолмаган бўлардим.

«Нима учун сени танлаганимнинг боисини биласан» дедими? Эркак бўлгач гуноҳингни юв, деганими бу? Бунинг учун Кобулга боришim, Суҳробни қидириб топишим ва бу ёқقا олиб келишими керак.

Рикша ёллаб, Раҳимхоннинг уйига қайтарканман, бояги фотосуратни чиқариб, томоша қилишга тушдим. Ҳасан менга ҳар доимгидек меҳр ва садоқат ила боқиб турарди. Ҳеч ким мени Ҳасанчалик яхши кўрмаган. Унинг ўғли ҳозир Кобулда, менинг йўлимга кўз тикяпти.

Раҳимхон жойнамоз устида дуога қўл очиб ўтиради. У намозни тугатгач, салом бердим ва Кобулга боришга тайёрлигимни айтдим.

– Яратган эгам сени ҳамиша паноҳида асрасин, – деди кекса дўстим кўзига ёш олиб.

Йўл азоби – гўр азоби. Хайбар довонига етиб келгунча бўларим бўлди. Мазам қочаётганини сезган ҳайдовчи йигит – Фарид менга совуққина нигоҳ ташлаб қўйди. Унинг нигоҳларида душманга қарагандек рутубат сезиларди. Биз Жамруддан йўлга чиққан бўлсак, у ҳали мен билан тузук гаплашгани ҳам йўқ.

Бу илонизи йўллар, яланг қоялар менга таниш. Бу йўллардан отам билан кўп ўтганмиз.

– Лимон шимасанми? – сўради Фарид. – Кўнглинг айниётган бўлса, ёрдам беради.

– Керакмас, – дедим афтиим буришиб. Ўзи жигифлдоним қайнаб турибди-ю, мен яна аллақандай нордон лимон шимармишман.

– Бу сенга Американинг химиқати эмас, ҳалқ табобати. Онам менга айтганди. Узоқ йўлга чиққанда лимон шимиш керак деб.

– Бер-чи.

У машина ғаладонини очиб яримта лимон чиқарди. Бир бўлагини оғзимга солгандим, ярим дақиқа ўтмай, ўзимни тетик сеза бошладим.

Фарид қорасоч, қоракўз, тор яғринли, бўйни узун тожик йигит эди. У ҳам худди мендек кийиниб олганди: эгнида пахталик нимча, бошида устма-уст қўйилган патир нонни эслатувчи қалпоқ.

Мени Фаридга Раҳимхоннинг ўзи рўпара қилди. Унинг иккита хотини, бешта боласи бор экан. Яна иккита кичкина қизчаси Жалолободда минага тушиб ҳалок бўлишган, ўзининг ҳам бир қўлининг тўртта бармоғи учиб кетган экан. Шундан сўнг оиласи билан Пешоварга қўчиб келибди. Ёши ўттизга бормаган бўлса ҳам қирқдан ошганга ўхшаб қўринаркан.

Пешоварда Раҳимхон менга ҳамма ишларимнинг режасини тузиб, пишишиб берганди. Аввал доллар майдаладик. Кейин аффонларга хос кийим-кечак харид қилдик. Ҳасан ва Суҳробнинг расмларини кўпайтириб олдим. Кейин энг асосийси, Пешовар бозорида ясама соқол ясаш билан шуғулланадиган одамдан ўзимга мос соқол ясатиб олдим. Бу одам бир пайтлар европалик журналистларга ҳам шундай соқоллар тайёрлаб берган экан. Чунки, айни дамда Афғонистонда соқолсиз юриш ўлим билан баравар.

Мен Афғонистон ҳақида Сурайёга бир оғиз ҳам гапирганим йўқ. Акс ҳолда у биринчи рейс билан бу ерга учиб келган бўларди.

Мана, ниҳоят мен ўз Ватанимда, қашшоқдик, баҳтсизлик ила тўлиб-тошган она юртимдаман. Паст-баланд тепалик орасида худди болаларнинг кубикчаларидек бетартиб сочилган қулбалар. Аҳён-аҳёнда увададан ясалган латта копток тепиб футбол ўйнаётган болалар кўзга ташланади. Шўравийлардан қолган эски танклар панасида ўтирган чоллар вайронадаги қарғаларни ёдга солади. Бошдан-оёқ ўраниб олган оёқяланг аёл елкасида кўза билан сув олиб кетяпти.

– Қизиқ, худди ўз юртимга сайёҳга ўхшаб келяпман.

– Ҳали сен бу ерни ўз юрting деб биласанми? – истеҳзоли илжайди Фарид.

– Менинг болалигим шу юртда ўтган.

– Бир гап айтсам хафа бўлмайсанми? – у жавобимни кутмади. – Менимча, сен ҳашаматли ҳовлида турадинг. Обрўли хонадоннинг фарзанди эдинг. Икки ё уч қаватли қасрингиз бор эди. Отанг чет эл машинасида юрарди. Ўйларингда ҳазорий хизматкорлар хизмат қилишарди. Уйингизда казо-казолар меҳмон бўлиб туришарди. Зиёфатлар тез-тез бўлиб туарди. Тўгри гапирдимми?

– Сен... қаердан биласан?

– Ахир ўзинг айтдинг-ку, мен бу юртда сайёҳга ўхшайман, деб. Манави эгнингдаги кийимларни ҳам умрингда биринчи марта кийиб турибсан. Билиб қўй, ҳамиша бу юртда сайёҳ бўлиб яшагансан. Қасам ичаман. – Фарид увадага бурканган чоллар, болалар, ҳароба уйларни кўрсатди. – Мана мен билган Аффонистон. Сен бундай манзаралардан, бундай одамлардан йироқ яшагансан. – Фарид чириган тишлирини кўрсатиб илжайди.

Индамадим. Раҳимхон айтган эди: сени ўз юртингда қучоқ очиб қарши олишмайди, шунга тайёр тур деб. Мана, бошланяпти.

– Нима учун келаётганингни ҳам биламан. Отангдан қолган ҳовлини сотиб, пулини белингга боғлаб, Америкага, онангнинг ёнига қайтмоқчисан.

– Онамни тинч қўй, – овозим титраб кетди. – У мени дунёга келтирган онда омонатини Ҳаққа топширган.

Фарид индамай сигарет бурқситди.

Кечга яқин Жалолободга кириб келдик. Биз кечаси шу ерда, Фариднинг акасиникида тунаб қолишга қарор қилгандик. Майин шабада яқин атрофдаги шакарқамиш далаларидан ширин бир исни олиб келиб димоққа уради. Ялангоч тераклар ва нураган лойсувоқ деворлар оралаб, биз пахса уйлардан бирининг эшиги олдига келиб тўхтадик. Уйни оппоқ либосдаги аёл киши очди, Фаридга таъзим ила салом бераркан, менга ётсираб қараб қўйди. Фарид билан изма-из уйга кирдик. Бизни кенг елкали, қалин соқоли ўзига ярашиб турган ўрта ёшли киши қаршилади. Фарид у билан қучоқлашиб кўришгач, бизни таништирди.

– Бу менинг акам – Воҳид! Бу эса, Амир оға, Америкадан.

– Қалайсиз, меҳмон, – у елкамни дўстона қоқди. – Қийналмасдан етиб келдингларми?

Биз торгина хонадан жой олдик. Шифтда хира чироқ нур сочар, тўрда, учта болакай чордана қуриб ўтиришарди.

– Қани, онаси, сен чойга қара. Овқатга ҳам уннаворинглар. Меҳмонлар узоқ йўлдан келишяпти.

Нариги хонадан аёлларнинг овози эшитилди.

– Хўш, меҳмон Америкада нима иш қиласиз?

– Ёзувчиман, – беихтиёр оғзимдан чиқиб кетди. Ака-ука сирли кўз уриштириб олишиди.

– Афғонистон ҳақида ҳам ёзганмисиз?

Мен қизариб кетдим. Тўғриси, бир пайтлар ёзганман, лекин...

– Қачонлардир ёзганман, – дея мингириладим.

– Балки, яна ёзарсиз? Толиблар халқимизнинг, Ватанимизнинг бошига қандай кунларни солганини оламга шоён қиласиз?

Шу онда бояги аёл чойнак ва пиёла қўтариб кирди. Лаби учган пиёлада қайнок, ифорли чой ичарканман, таним яйрагандек бўлди.

– Биродар, бу ерларга келишга сизни яна нима мажбур қилди?

– Ака, наҳотки, билмасангиз, буларнинг мақсади бир. Келишади. Отасидан қолган ҳовли ё боғни пуллашади-да, яна ўзлари жойлашиб олган Канадагами, Мексикагами равона бўлишади. Шу кетганларича қоралари ҳам кўринмайди.

– Бас, – Воҳиднинг овозидан уйнинг деворлари зирқираб кетди. – Меҳмонга ҳам шунаقا дейдими, аҳмоқ? – кейин менга юзланди. – Айбга буюрмайсиз, кўрслик укамизга қўндоқда теккан касаллик.

– Ўзим айборман, – жилмайишга ҳаракат қилдим мен. – Унга келишимнинг сабабини айтмагандим. Мен бу ерга отамдан қолган ҳовлини сотиш учун эмас, бир болани излаб келганман.

Чўнтағимдан кўпайтирилган суратлардан бирини чиқариб, унга узатдим.

– Ҳазорий болага ўхшайди-ку, – кўзларини қисиб суратга қаради Воҳид.

– Ҳа, суратдаги йигит, боланинг отаси менинг қалин дўстим эди. Уни ўлдиришган.

– Шу... сизнинг дўстингизми? – ажабланди Воҳид.

Бари бир тан олишга мажбур эдим.

– Бу йигит менинг ота бир, она бўлак укам бўлади. Жиянимни қидириб топиб, Пешоварга олиб кетаман. У ерда ишончли одамларим бор.

Воҳид суратни қайтариб бераркан, елкамни яна бир карра қоқиб қўйди.

– Яшанг биродар, асл афғон мана шундай бўлади. Сиздек мард инсон уйимда меҳмон эканидан фахрланаман.

Ичимда нимадир сиқилгандек бўлди.

Кўп ўтмай, бояги аёл биттадан шаппати нон, бир косадан сабзавот шўрва олиб кирди. Димоғимга афғонча шўрванинг ёқимли ҳиди оҳиста кириб ўрнашди.

– Айбга буюрмайсиз, овқатга гўшт сололмадик. Ҳозир гўштимизни фақат толиблар ейишяпти.

Унинг сўз ўйини менга хуш ёқди. Кулишиб олдик.

– Бай-бай-бай, мазасини қаранг, – дедим овқатдан бир қошиқ ичарканман.. – Ўзларинг-чи?

– Сиз келмасингиздан аввал биз овқатланаб бўлувдик, – деди Воҳид. Биз Фарид иккимиз иштаҳа билан овқатни тушира бошладик. Соchlари қиртишлаб олинган болакайлар негадир қўлимдан кўз узишмасди. Кичкинаси каттасининг қулоғига нимадир деб шипшиди. Акаси бош иргаб қўйди. Назаримда улар қўлимдаги кварц соатга қизиқиб қолишганди. Овқатни еб, хонадон бекаси келтирган обдаста ва даст-

шүйда қўл чайганимиздан сўнг, соатимни ечиб, болаларнинг кичкинасига узатдим. Аввалига Воҳид менинг ҳадямни қабул қилишга қарши турди. Кейин индамай қўя қолди.

Болалар таъзим билан ташаккур айтишди, соатга бир оз қизиқсиниб кўздан кечиришгач, полнинг устига ташлаб кетишиди.

– Нега менга аввалроқ айтмадинг, – сўради Фарид хонадон соҳибаси уй тўрида ҳозирлаган жойда шифтга термилиб ётган пайтимиизда.

– Ўзинг сўрамадинг-ку, – дедим бедор кўзларимни шифтдан узмай. Фарид мен тарафга ўғирилди:

– Жиянингни топишга ўзим ёрдам бераман, бўлптими?

– Раҳмат, биродар!

Кейин яна хонада жимлик чўқди. Йўл давомидаги толиқишиш ўз ишини қилди. Мудрай бошлиладим.

...Унинг кўзлари боғланган, қўллари орқага қайрилган, тиз чўктирилган. «Амир, мен сен учун ҳамма нарсага тайёрман», пичирлайди унинг тиртиқ лаблари. Мутелик билан, саждага бош қўймоқчилик гавдасини олдинга эгади. Унинг чаккасига автомат тиралади. Тепки босилади. Атрофни ваҳимали чинқириқ тутади. Бошида қора салла ўраган, соқолли қотилнинг кўзларига тикиламан ва... даҳшатдан тош қотаман. Мен қотилнинг қиёфасида... ўзимни кўраман.

Сагчиб уйғондим. Яхшиям бақирмабман. Акс ҳолда мезбонларни ҳам безовта қилган бўлардим. Ўрнимдан сирғалиб, ташқари чиқдим. Тиник осмонда юлдузлар чақнайди. Қўл узатсанг етгудек. Баргларини тўка бошлаган да-

рахтлар баркашдек тўлин ойнинг кумуш ёфду-
сига чўмилади. Олисдан чирилдоқлар бетиним
чириллайди, аҳён-аҳён итлар ҳуради, дараҳт
шоҳларида тунги саболар эркаланади. О, афғон
тунлари! Мен илк бор ўз Ватанимга қайтганим-
ни ҳис этиб турибман. Бутун вужудимда ажиб
фарофат ҳис этиб, қўзларимни юмганча, пахса
деворга суюндим.

Ичкаридан, девор тирқишидан келаётган
овозлардан сергакландим. Овоз эгаларидан
бири аниқ, уй эгаси Воҳид эди:

– Бўлди қиласанми-йўқми, онаси, эзвор-
динг-ку!

– Ахир болалар оч...

– Биз оч бўлсан ҳам, ор-номусимизни еб қўй-
ганимиз йўқ. Ахир у меҳмон-ку! Нима қилиши-
миз керак эди?

– Эртага уйимиизда урвоқ ҳам қолмади.
Болаларга нима едираман энди?..

Оёқ учida юриб, уйга кирдим ва кўрпага ўра-
либ олдим. Кеча болалар нимага қўлимга бунча-
лик тикилишганини энди тушундим. Оч одам-
нинг соат билан нима иши бор, бандай нодон?

Биз эрталаб йўлга отландик. Машинага ўти-
раётиб, Воҳидга меҳмондорчилик учун қуюқ
ташаккур билдиридим. Уч ака-ука девор тагида
қатор тизилиб туарар, энг кичигининг қўлида
кечаги соат ялтиради. Машина қўзғалди. От-
болалар машина фидираклари тагидан кўта-
рилган чанг ортида қолиб кетди.

Ҳа, айтганча, эрталаб ўрнимдан турәётиб, тў-
шак остига ўн дона юз долларлик банкнотни жой-
лаб қўйдим. Худди, 26 йил илгари Ҳасаннинг кўр-
паси қатига бир даста пулни яширганим каби...

* * *

Машинамиз Жалолобод-Кобул автомагистрали бўйлаб елиб борарди. Бу йўлдан бир неча йил аввал отам билан, усти брезент қопламали машинада ўтганмиз. Ўшанда отам бизга ҳамроҳ бўлган ёш жувонни шўравий аскарининг зуфумидан асраб қолганди. Урушнинг мудҳиш манзаралари йўлнинг ҳар икки томонидан манаман деб кўзга ташланади. Томи учиб кетган, кимсасиз харобалар, эски танк қолдиқлари, портлатилган БТР парчалари...

Фарид кечадан бери анчайин очилиб қолганди. Уни дастлаб кўрганимда умрида қулимсирамаган бўлса керак, деб ўйловдим. Йўқ, бинойи-дек жилмаяркан. Табассум ёйилганида юзи ҳам бир мунча мулоимлашаркан. У билан дилдан гаплашиб борардик. Фарид бу йўллардан кўп марталаб ўтиб-қайтгани учун, деярли ҳар бир қишлоқдан кимнидир танир, аммо эски танишларидан қай бири ўққа учгани, қай бирори қочқин бўлиб ўзга юртларга бош олиб кетганини афсусланиб ҳикоя қиласади.

– Анави тепалик ортидаги қишлоқда бир уста танишим бўларди. Велосипед тузатарди. Толиблар уни оиласи билан қириб ташлашди. Қишлоқнинг ҳам кулини кўкка совуришди...

Машинамиз култепага айланган қишлоқ оралаб борар, атрофда одам тугул ит ҳам кўринмасди. Моҳипар шаршарасига яқинлашганимизда, Фарид мени огоҳлантириди:

– Сен билган Кобулдан асар ҳам қолмаган. Кўриб таниёлмай қоласан!

Билардим. Бари бир аҳвол менинг тасаввуримдан ҳам бошқача экан. Ҳа, чиндан ҳам

мен билган Кобулдан ном-нишон қўринмайди.
Фарид бепарволик билан елкамга қоқди:

– Она шаҳрингга хуш келибсан!

Қаёққа қарамай, тош уюмларию тиланчилар тўдаси. Уларнинг ҳам асосийси болалар. Болаларини бағрига босганча, бошдан-оёқ ўрагиб олган аёллар ҳам кўп. Эски увадалар орасидан чиллакдек қўлларини чиқариб, «бахшиш» сўрашади. Уруш туфайли эркак зотига қирғин келган кўринади.

Қуруқшаб қолган Кобул дарёси ҳам ортда қолди. Карте-Се туманида бир пайтлар энг гавжум саналган Жадди Майванд кўчасидамиз. Кунчиқар тарафда Шердарвоза тоғ тизмаси ястаниб турибди, сал қуйироқда Боло Ҳисор қалъаси харобалари. Кўп асрларни кўрган бу обида ҳам ачинарли ҳолга келиб қолган.

– Бу кўчада бир пайтлар варракчи Сайфонинг дўкони бўларди, – ўзимча фўлдираган бўлдим. – Шундоқ полиция маҳкамасининг ёнида. Мен ундан неча марталаб варрак сотиб олганман.

– Полиция маҳкамаси-ку, жойида турибди,
– синиқ илжайди Фарид. – Аммо, энди наинки
Жаддайи Майвандда, балки бутун Кобулда битта
варрак дўконини тополмайсан.

Қизиқ, бир пайтлар йўлнинг икки тарафи манзарали дарахтлар билан тўла эди. Энди эса... Ҳамма ёқ чанг, чиқиндилар, ақалли бирорта бута кўринса-чи!

Фариднинг айтишича, дарахтларнинг кўпини шўравийлар снайперлар бекиниб олмаслиги учун кесиб ташлашибди. Қолганини қишда, одамлар ўтин сифатида кесиб кетишибди.

– Бир пайтлар отам Эски шаҳарда етимлар учун бошпана тиклаганди.

– Биламан, икки йил аввал вайронага айланган.

– Шу ерда тўхтат, – дедим Фаридга ва машина тўхташи билан ташқариладим.

Ҳавода аллақандай қўланса ис сузуб юрарди.

– Нима сасияпти? – сўрадим, бурнимни беркитиб.

– Солярка. Шаҳарнинг катта қисмида электр йўқ. Бойроқ одамлар уйларига дизель-генератор ўрнатиб олишган. Faқирларнинг уйида эса, қорачироқ милириайди, – хўрсинди Фарид.

– Бир пайтлар бу кўчалардан қўзичоқ гўштидан пиширилган кабоб ҳиди уфуриб турарди, – ўз овозимни аранг эшитдим.

– Ҳа, ҳозир қўй гўшти толибларнинг ўзидан ортмаяпти. – Фарид машинасини секинлатди. – Жин урсин, ортимиздан патрул ходимлари келишяпти.

Шу чоқ биз тарафга қизил пикап елдек учиб кела бошлади. Мен толибларни аввал телевизорда, интернетда, газета-журналларда кўргандим. Аммо, уларнинг ўзи билан юзма-юз келмагандим. Мана, улар, мендан атиги бир неча қадам нарида. Қизил пикап биздан сал ўтиб, тўхтади. Салонда юзини соқол босган, бошига қора салла ўраган, елкаларига автомат осган толиблар ўтиради. Машинадан тушган 20 ёшлилардаги, соқоли ўзига ярашмай турган қорақош ўспирин биз томон келди. Аввал машинамизнинг ичини, кейин бортни кўздан кечирди. Кўзларимиз тўқнашиб кетди. Мунча совуқ қарамаса? Соқолим сохталигини сезиб қолса-я? Жосус деб ўйлаб,

дорга тортишармикин? Худога шукур, оғзидаги носини бир четга тупуриб, нари кетди.

– Эсинг жойидами? – Фарид ранги қув ўчганча менга қараб турарди.

– Нима қилдим?

– Уларнинг юзига тик қарааш мумкин эмас. Қоида шунаقا! Улар билан юзма-юз келдингми, дарров ерга қараб ўтиришади.

– Ошнангиз тўғри гапирияпти, қутурган итнинг фашига тегиб бўлмайди.

Эътибор қилмабман, шундоқ ёнгинамизда ифлос салла ўраб олган тиланчи чол турарди. Унинг бир кўзи йўқ эди.

– Оға соҳиб, Худо йўлига беш-тўрт танга садақа қиломайсизми?

– Бас, етар, чиқ машинага, кетамиз, – енгимдан тортди Фарид. Мен ҳамёнимни кавлаб, юз мингталик афоний чиқардим. Бу тахминан уч долларга тенг келарди. Пулни чолга узатарканман, қариянинг қўзлари косасидан чиққудек бўлиб кетди. У пулни олиш учун менга яқинлашганида, бурнимга анчадан бери сув тегмаган одам танасининг нохуш ҳиди урилиб, кўнглим беҳузур бўлди. Чол пулни олиб, шоша-пиша белбоғига қистираркан, узундан-узоқ дуо қилди.

– Узр, Карте Седаги етимлар уйи қаердалигини билмайсизми?

– Орқага қайтиб, Дориломон хиёбон тарафга ўтасизлар, – деди чол. – Эски болалар уйи ракета ҳужумига учрагач, етимларни ўшаққа опкетишиди.

– Раҳмат, – дея ортимга ўгирилганимда, яна чолнинг хастаҳол товушидан тўхтадим.

– Оға соҳиб, сиз толибларни энди қўриб турибсиз, чоғи?

Мен индамадим. Қария оғзидағи саноқли тишларини қўрсатиб иршайди:

– Булар Кобулга кириб келганида аҳоли қанча хурсандчилик билан кутиб олганди. Ҳамма энди тинчлик бўлади деб ўйлаганди. Э воҳ! Кэ Эшқ осон намуд аввал, vale афтод мушкилҳо!¹

– Ҳофиз Шерозийданми, – сўрадим қулимсираб. – Сиз қаердан биласиз бу мисрани?

– Э, ўғлим, мен бир пайтлар Кобул универсиитетида мумтоз адабиётдан дарс берганман.

– Наҳотки! – ҳайратимни яшира олмадим.

– Филология фанлари докториман, 38 йил талабларга Умар Хайём, Румий, Жомий, Навоий, Саъдий ижодиётидан сабоқ берганман, – чоляна тишларини қўрсатди. – 1971 йилда Техронда Бедил фалсафаси ҳақида маъруза қилганимда, бутун зал жунбишга келиб қарсак чалганди.

– Менинг онам ҳам университетда шу фандан сабоқ берган, – дедим энтикиб.

– Ким эди исми?

– София Акрамий.

Чолнинг кўзларидан ўт чақнагандек бўлди.

– Сиз Софиянинг ўғлимисиз? – Чолнинг кўзлари намланди. – Онангизни яхши танирдим.

Чол билан иккимиз йўл четидаги харсанглардан бирига ўтирдик.

– Онангиз билан бир кафедрада ишлардик. Охирги марта у билан талабалардан имтиҳон олиб бўлгач, факультет ошхонасида бир бўлакдан бодомли пирог еб, бир пиёладан чой ичган-

¹ «Кўринди аввал ишқ осону, сўнгра тушди мушкуллар»

дик. Ўшанда айтган гаплари ҳалиям эсимда турибди.

– Нима деганди? – нафасим бўғзимга қадалиб сўрадим.

– Ўшанда агар адашмасам у сизга оғироёқ эди. «Доктор Расул, мен жудаям қўрқаман», деди. «Нимага», десам, «Мени шу қадар баҳтлиманки, бу баҳтдан ўзим ҳам қўрқиб кетаман, чунки, ҳар бир яхшилик ортидан қандайдир ноҳушлик бўлади», деганди. Мен унга тасалли бергандим. Орадан кўп ўтмай... факултетга ноҳуш хабар етиб келди.

Қизиқ, отам билан қанча пайт бирга яшадик? Ҳар гал ундан онам ҳақида сўрасам, «онанг бебаҳо аёл эди» деган гап билан чекланарди. Ким билсин, балки ўтмиш хотиралари азобидан қўрққани учун шундай дермиди? Ҳарқалай, тиланчи чоддан эшитганим шу икки оғиз гап менга онам ҳақида бир олам таассурот баҳш этганди.

– Юр, кетишимиз керак, – яна қўлимдан тортқиласди Фарид.

Чиндан ҳам вақтимиз оз эди.

– Мен ҳали сизнинг ёнингизга қайтаман, – дедим қария билан хўшлашарканман. – Албатта, ҳали бир гурунг қиласми!

Қақраб ётган Кобул дарёси қирғоғида, Карте-Сенинг шимолий қисмида жойлашган етимлар уйи пастқам, ёғоч деворлар билан ўраб олинган эди. Муассаса жойлашган ҳудуд, Фариднинг айтишича, урушдан энг кўп талафот кўрган экан. Яқин атрофдаги ташландиқ уйлар харобага айланниб улгурган, бутун қолган деворда эса, «яшасин толиблар!» деган шиор кўзга ташланиб турарди.

Эшикни баланд бўйли, қотмадан келган ўрта ёшли киши очди. Эгнида уринган пиджак, бошида кичкина дўппи, узун бурнининг устида ойнаси дарз кетган кўзойнак қўндириб олган, унинг ортидан эса, қоп-қора кўзлари йилтираб кўринарди. Салом-алиқдан сўнг, мен унга суратни тутқаздим:

– Биз мана шу болани қидириб юрибмиз!

Кўзойнакли киши суратни қўлига ҳам олмай, тезгина жавоб қайтарди:

– Йўқ, мен бу болани танимайман.

– Ҳеч бўлмаса, суратга яхшилаб қарагин, – ўдағайлари Фарид. – Акс ҳолда ёмон бўлади.

Кўзойнакли киши қўрқа-писа расмни қўлига олиб, диққат билан тикилгач, бош чайқади:

– Афу этасиз, мен бу ердаги ҳар бир болани яхши танимайман. Лекин бу болани кўрмаганман. Хафа бўлмайсизлар, ишларим кўп эди. – У шундай дея эшикни беркитиб, ичкаридан тамбалади. Мен эса, эшикни дўмбира қилиб чертдим:

– Оға, илтимос, эшикни очинг, биз у болага ёмонлик қилмаймиз.

– Биз толиблардан эмасмиз, – эшикка оғзини яқин тутиб гапирди Фарид. – Биз болани хавфсиз жойга олиб кетмоқчимиз.

– Мен Пешовардан келдим, – ялинишда давом этдим мен. – У ерда етим болаларни парвариш қилувчи бир америкалик танишим бор.

– Бир оз жим туриб қўшиб қўйдим. – Боланинг исми Суҳроб. Мен унинг отаси билан дўст эдим. Отасининг исми Ҳасан, онаси – Фарзона. Бувисини Саса деб чақиравди. У ўқишишни билади. Рогатқадан ота олади. Мен болани бу

кулфатхонадан олиб кетгани келдим. Илтимос, очинг, оға! Мен унинг амакисиман!

Эшик зулфини шиқирлаб, чала очилди ва бояги кишининг қора кўзлари бир менга, бир Фаридга қараб жовдиради.

– Сиз фақат битта нарсада адашдингиз, – деди у менга қараб. – Рогатка отиш бўйича унга тенг келадигани йўқ. У ҳар доим рогаткасини ёнида олиб юради. – Кейин эса, ўзини таништириди. – Исмим Замон, етимлар уйи директориман. Қани юринглар менинг ҳужрамаг!

Торгина йўлак бўйлаб, ялангоёқ болалар сафи оралаб кетиб борардик. Қия очиқ турган эшиклардан ичкаридаги фариб манзарапар кўзга ташланарди. Ерга тўзиган палослар ташланган, парда ўрнида деразага эски газета парчалари ёпиширилган, айрим темир каравотлар устида ҳатто тузукроқ тўшак ҳам йўқ...

– Бу ерда қанча бола бор? – сўради Фарид.

– Икки юз элликтacha. Ундан ортигини қабул қилолмаймиз. Уларнинг ҳаммаси ҳам етим эмас. Баъзиларнинг отаси ўлган, онаси эса ҳеч қаерда ишламайди. Боқолмай шу ерга опкелиб ташлаб кетган. Ҳарқалай, қорни нонга тўяди-ку, дейишади. Бу бино аввал гилам омбори эди. На иссиқ сув бор, на совуқ сув. – Замон овозини пастлатди. – Толиблардан битта қудуқ қазиш учун неча марталаб пул сўрадим. Нуқул «пул йўқ» деб туриб олишади. Қаранг, ҳатто кўрпа-тўшаклар ҳам етарли эмас. Адёлни-ку айтмаса ҳам бўлади. Анави қизчани кўряпсизми? – Замон аргамчида сакраётган 8-9 ёшлардаги қизчани кўрсатди. – Ўтган қишида бир нечта болани бит-

та адёлга ўрашга мажбур бўлдик. Унинг акаси эса, шамоллаб... нобуд бўлди. – Адоқсиз йўлак бўйлаб юришда давом этдик. – Гуручимиз шу ойнинг охиригача етмаса керак. Кейин болалар чою нон билан қолишиади. Униям икки маҳал ейишади холос. Эрталаб ва кечқурун. Бу болаларни бола дейишга ҳам тилинг бормайди. Улар аллақачон болалик билан видолашибган. Ҳали бу болаларнинг омади чопгани. Ҳар қуни олдимга аёллар ўз боласини бошлаб келади. Мен эса, уларни қайтаришдан бошқа чора тополмайман. – Замон яна менга юзланди. – Демак, Суҳробни қутқариш учун келгансиз? Фақат... кеч бўлмадимикин?

– Бу нима деганингиз?

Замоннинг кўзлари яна жовдиради. Биз бу пайтда тўрт яланг девордан иборат кабинетга кириб келгандик. Биз киришимиз билан оёғим орасидан муштдек каламуш чопиб ўтди.

– Ҳозир мен чой қўяман.

– Керакмас, – дедим тоқатим етмай. – Суҳробга нима бўлди?

– Сизга олдин бир савол берсам: сизга жиянингиз жудаям зарурми?

Тўғридаги хона эшиги очиқ тураг, унда болалар давра қуриб, рақс тушишар, бир оёғи тиззасидан кесилган қизалоқ уларга қизиқсиниб қараб ўтиради. Мен айни лаҳзада бу ердан Суҳробсиз кетолмаслигимни англашим.

– У қаерда?

– Фақат... бу ишда мени аралаштирмасангиз, айтаман.

– Сўз бераман.

– Сиз сир сақлаганингиз билан барি бир менга яхши бўлмаслигини биламан. Бироқ, менда ҳам гуноҳ кўп. Агар Суҳробга бир оз бўлса-да, ёрдамим тегса, балки бир оз тасалли топармидим?

Бир муддат сукунат чўкди.

– Бу ерга ойда бир ё икки марта олий рутбали толиблардан бири келиб туради. Бир оз пул бериб, эвазига бирорта қизчани опкетади. Баъзида ўғил болаларни ҳам.

Фарид овози титраб, директор столига яқинлашди:

– Сен эса, бунга йўл қўясан, тўғрими?

– Бошқа иложим ҳам йўқ, уларга бас келиб бўлмайди.

– Демак, сен болаларни сотасан? – Фарид Замоннинг бўйнидан фиппа бўғиб олди. Кейинги воқеалар кўз илғамас тезликда рўй берди. Қарасам, директор полга парчинланиб ётибди. Фарид тиззаси билан унинг кўкрагини босиб турибди. Стол ағдарилган, қофозлар ҳар тарафга сочилиган...

Шартта уларни ажратишга тутиндим.

– Фарид, ўзингни бос! Нима қиляпсан?

– Қўй, тегма, уни ўлдирсам савобга қоламан.

– Болалар қараб туришибди. Фарид, қўйвор уни!

Фарид бошини кўтариб, эшиқдан қўрқув ила мўралаб турган болаларни кўрди-ю, ўрнидан туриб, тиззаларини қоқди. Кейин эса, куч билан Замоннинг юзига тупурди. Замон ҳам аранг ўрнидан тураркан, енги билан юзларини артди. Унинг лаблари ёрилган, дўпписи полда ётар,

кўзойнаги ҳам учиб кетганди. Оқсоқданганича ерда ётган дўпписи ва кўзойнагини қўлига олди. Анчагача ҳеч ким гапирмади.

– У Суҳробни бир ой илгари опкетувди, – хиррилади Замон.

– Яна ўзингни директорман деб юрибсанми, ит?

Замон бу гал Фаридга тик қаради.

– Ярим йилдирки, менга бир чақа ҳам маош беришгани йўқ. Ўзимнинг йиққан-терганимни ҳам шу етимларга сарфладим. Шу болалар оч қолмасин, деб уйимдаги қўлга илингулик ҳамма нарсани чиқариб сотдим. Нима, Покистонда, Эронда менинг қариндошларим йўқми? Борсам, мен ўша ерда нонимни топиб еёлмайманми? Мен ҳам бошқаларга ўхшаб, бу Худо қарғаган мамлакатдан қочиб кетишим мумкин эди. Лекин, мана бу қоракўзлар нима бўлади?

– Замон эшикка имо қилди. Шер ва она эчки ҳақидаги эртак эсингиздами? Она эчки ҳамма болаларини бирданига еб қўймаслиги учун шерга ҳар ой биттадан улоқчасини бериб туради. Мен ҳам худди шундай эдим. Агар мен битта бола бермасам, у ўнтасини тортиб олади. Унга кучим етмайди. У берган ифлос пулларни олиб бозорга бораман-да, мана шу етимлар учун улбул егулик олиб келаман.

Фарид ерга тикилиб қолди.

– У олиб кетган болаларнинг кейинги тақдидири нима бўлади?

Замон кўзларини артди:

– Баъзиларини қайтариб юборади. Баъзилари эса, дом-дараксиз кетади.

– Ким ўзи у? Қаердан топсам бўлади? – сўрадим мен.

– Эртага «Фози» стадионига келинг. Матчнинг ўртасида у билан кўришишингиз мумкин. Фақат угина қора қўзойнак тақиб юради. – Замоннинг қўллари титради. – Энди кетинглар, болалар қўрқишишмасин!

* * *

Вазир Акбархон туманига қараб йўл олдик. Мана қўприқдан ўтиб, Пуштунистон майдонига ҳам етдик. Бир пайлар бу ердаги «Хайбар» ресторанида Бобо билан кўп бора кабобхўрлик қилганимиз. Мана ўша ресторан. Пештоқидаги ҳарфларнинг ярми тушиб кетган, эшигига қулф урилган... Ресторан томи устига қурилган дорда эса... увада кийимдаги ёшгина йигитнинг жасади шамолда сокин тебранади. Ўткинчи бу даҳшатли манзарадан кўзларини олиб қочишга уринадилар. Туман ва чанг қоплаган осмонда қуёш худди парда орқасидаги чироқ сингари хира нур сочади.

Қайсиdir чорраҳага етганимизда Фарид ни-манингdir устида bemurosа tortishaётган ikki эркакни кўрсатди.

– Ногирон эркак ўзининг ясама оёғини сотяпти. Хеч бўлмаса, бирор ой қозони қайнайди-да.

Биз таниш кўчага яқинлашганимизда юрагим ҳаприқа бошлади.

– Анави кўчага бур, – дедим ҳаяжоним бўзимга тиқилиб. – Бу ёқقا, бу ёқقا!

Отам ҳар доим болалигимда уқтиради: «Агар адашиб қолсанг, эсингда тут, кўчамизнинг охирда биттагина пуштиранг бино бор...» Мана

ўша пуштиранг уй. Анча нураб қолган бўлса-да, ҳали бус-бутун. Отамнинг ҳовлиси эса...

Таниш қадрдан дарвоза олдида машинани тўхтатдим. О, мен бу дарвозадан неча бор шодон ҳатлаб ўтдим экан? Деворимиз ёнидаги ям-яшил ўтлоқ ва гулзор бўларди, энди бу ер чиқиндиларга тўлиб кетибди. Деворларимиз нурай бошлабди. Дарвозаҳонада, бир пайтлар Бобонинг фольксваген машинаси ўрнида қирмизи жип турибди. Кимники бўлдийкин?

Машинадан туриб, қанча пайт лол-ҳайрон боқиб турганимни билмайман. Фариднинг сигналидан ҳушимни йифдим.

– Оға, бу ерда туриш хавфли. Кетдик.

– Яна озроқ тўхта, – дедим аранг тўнғиллаб.

Бу ҳашаматли уйнинг аввалги салобатидан асар ҳам қолмабди. Дераза ойналари ўрнига аллақандай полиэтилен қоплама ёпиштирилган. Иккинчи қаватдаги анави, учинчи дераза менинг ётоқхонамга тегишли эди. Мен 25 йил аввал чеълаклаб қуяётган ёмғир остида ота-боланинг қандай кўчиб кетаётганини худди шу дебраздан туриб кузатгандим.

– Амир, оға, – Фарид яна сигнал берди.

– Ҳозир!

Назаримда ҳозир болаларча чаққонлик ила мана шу остона ҳатлаб ичкари кираману, ҳовлида тимирскиланиб юрган Алига дуч келаман, бурнимга печкада қўйдирилган апельсин пўстлогининг ёқимли ҳиди урилади, қулоғимга Ҳасан куйлаётган эски ҳазорий қўшиғининг мунгли оҳанги чалинади. Йўқ, бу Фарид босган сигналнинг овози экан.

Машинада ўтирган Фарид фильтрсиз сигаретасини асабий тутатиб, атрофга олазарак боқарди.

– Биродар, илтимос, яна ўн дақиқа сабр қил, бир жойга ўтиб келай.

– Faқат тезроқ, – сигарет қолдифини ойнадан улоқтириди Фарид. – Жуда хаёлпараст экансан. Ҳадеб юрагингга яқин олаверма. Ўтган кун қайтиб келмайди.

Унинг гапларига эътибор бермасликка тиришиб, қадам босдим.

Үйимиз ортидаги тепаликка ҳар гал бир ҳаттаб чиқа олардик Ҳасан билан. Биз бу ерда қувлашмачоқ ўйнардик. Тепаликдан аэропорт ва ундаги самолётлар яққол кўриниб турарди. Бу гал тепаликка чиққунимча ўпкам оғзимга тиқилди. Мана, эски қабристон. Ҳасаннинг ойиси ҳам шу ерга қўйилган. Бу ер ҳам чиқиндиларга тўлиб кетибди. Ҳасан болалигимиздаги анор дараҳти мева қўйганини ёзганди. Энди дараҳтнинг ўзи ҳам қуриб адo бўпти. Faқат дараҳт танасига битилган сўзлар йўқолмабди холос: «Амир ва Ҳасан – Кобул ҳукмдорлари». Мен титроқ қўлларим билан дараҳт танасини сийпаладим. Бир парча пўстлоқ қўлимга илинди.

Тепаликдан бутун Кобул кафтдек кўриниб турарди. Мана ўша шаҳар. Болалигим кечган замин. Бир пайтлар шаҳар ям-яшил хилқатга ўралгандек туюларди менга. Ҳар бир ҳовлидан бир нечта дараҳт кўкка бўй чўзиб турарди. Энди тап-тақир биёбон.

Фарид яна чўзиб сигнал берди. Вақтим туганди.

Яна Пуштунистон майдонини кесиб ўтаяпмиз. Қаршимиздан ичи соқолли одамларга тұла бир нечта қызил пикап ўтди. Фарид ҳар гал уларни күрганида паст овозда «хе оналарингни...» деб сүкиниб қўярди. Шаҳар марказидаги одмигина меҳмонхонага етиб келдик. Меҳмонхона маъмурни сўраган 75 долларни ортиқча савдолаш-масдан узатдим. Бу ердаги шароитлар ҳаминқадар эди. Иссиқ сув йўқ, ҳожатхона чаноғидаги қумғон тортқичи ҳам ишламас экан. Хона четида битта темир каравот, устида биттагина эски адёл, бурчакда битта ёғоч стул... Бизга берилган қароргоҳнинг бор дов-дастгоҳи шу эди. Кўчага қараган деразанинг ойнаси тўкилиб тушган, де-ворда бир парча қон доғи қорайиб қолганди.

Фаридга пул бериб, бирор егулик опкелишни буюрдим. Кўп ўтмай, Фарид бир товоқ гуруч, иккита шапати нон орасида тўрт сих кабоб билан қайтиб келди. Кабобни ютоқиб чайнарканман, оғзимда таниш, қадрдон лаззатни туйдим.

Мен каравотда, Фарид эса, ерда ётадиган бўлди. Хўжайиндан қўшимча тўлов эвазига яна битта адёл сўраб олдик. Хонани синиқ деразадан тушаётган ойнинг олачалпоқ ёғдуси ёритиб турарди. Билишимизча, икки кундан бери марказий генератор ишдан чиққани туфайли бутун Кобулда электр йўқ экан. Фарид билан анча гаплашиб ётдик. Латифалар айтишдик.

– Битта янгиси эсимга тушди, – менинг қизиқишимни сўрамай туриб, бир қиқирлаб олди-да, ҳикоясини бошлади. – Бир куни Насриддин афандининг қизи отасининг ёнига «эрим урди» деб йиғлаб келибди. – Фарид не-

гадир ҳикоясини тўхтатиб менга юзланди. – Эшитганмисан?

– Айтавер-чи, кейин нима бўпти?

– Кейин афанди қизининг юзига яна бир шапалоқ туширибди. «Нега урасиз» деса, «агар эринг менинг қизимни урадиган бўлса, мен унинг хотинини ураман», деб жавоб қайтарибди.

Мен мириқиб қулдим. Ҳа, яхшиям халқимизда юмор туйфуси ҳалиям йўқолмабди. Негадир кўнглим кўтарилгандек бўлди.

– Яна биттаси бор. Бир куни Афанди эшагига оғир юк ортиб кетаётса, биттаси унга таъна қипти. «Оғайнни, ўзи эшагинг қилтириқ экан, устига шунча юк ортиб, яна сўлақмондек ўзинг ҳам миниб олибсан». Шунда Афанди эшакдан тушмай туриб, юкни бошига кўтариб олибди: «Мана, энди эшакка енгилроқ бўйди!»

Фарид шундай оғиркарвон кўрингани билан кўп «Афанди» биларкан. Улар орасида сал «анақароқ»лари ҳам кўп экан. Ичагим узилаёзди. Ниҳоят, Фариднинг захираси тугадими, жимиб қолди. Бир оз сукунатдан сўнг мутлақо жиддий оҳангда сўради.

– Амир оға, ростини айт, сен нега келдинг бу ерга?

– Айтдим-ку сабабини.

– Битта ҳазорий шиани деб океан ошиб келганингга ҳечам ишонолмаяпман.

Бояги қувноқ кайфият бирдан сўнди. Дарров девор томонга ўгирилиб олдим.

– Уйқум келяпти. Чарчадим...

* * *

«Фози» стадионида одам қайнарди. Ўриндиқлар ораси турли қофоз парчалари, ахлатларга тўлиб кетганди. Жулдур кийимдаги ўспириналар елим тогораларда писта, сигарет, ёнғоқ ва турли шириналарни сотиб юришарди. Қоқсуяк бир йигит тирсагимдан тутиб, қулогимга шивирлади:

– Зўр суратлар бор, олмайсизми? Ёмон уятсиз суратлар.

Йигитнинг югурик кўзларида хавотир ўйнарди. Истар-истамас суратга қарадим. «Уятсиз суратлар»да қайсиdir ҳинд фильмидан олинган лавҳа акс этган, беҳаёликдан асар ҳам йўқ эди.

– Ёмонам уятсиз-а? – ўз фикрини мендан тасдиқлатишга уринди сотувчи.

– Хў, шипана, тутиб олишса, терингни шилишади, – ўдағайлари ёнимда турган Фарид ўспиринга қаратса. Ўспирин шу заҳоти ерга киргандек фойиб бўлди-қолди.

Бир пайтлар бу стадион маркази ям-яшил майсазордан иборат эди. Энди эса, майдонда бир гиёҳ кўринмайди. Футболчиларнинг оёғи остида чанг кўтарилади. Икки томонда дарвоза ўрнида иккита чуқур қазилган. Ўриндиқлар оралаб, маҳсус таёқчалар кўтарган толиблар изғишади. Ким бақирса тамом – башарасига таёқ тушади. Биринчи тайм тугаши билан ҳамма негадир ўрнидан турди. Майдонга менга таниш бўлган иккита қизил пикап кириб келди. Машиналарнинг бирида паранжига бурканган аёл. Иккинчисида эса кўзлари боғланган эркак ўтқазилган эди. Машиналар майдоннинг ўрта-сига келиб тўхтади.

– Кўрасанми? – сўради Фарид негадир афти буришиб.

– Йўқ, дедим, – лекин, бари бир биз охирига-ча қолишимиз керак.

Толиблар икки маҳқумни машинадан туширишди. Аёл ерга ўтириб олганди. Уни тик турғизмоқчи бўлишганда, аёл аллақандай ваҳший овозда ўкириб юбордики, мен бу овозни ўлгунимча унутмасам керак. Мен шундагина майдонга нима мақсадда чуқур қазилганини тушуниб етдим. Толиблар ҳар иккаласини чуқурга тушириб, елкасигача ерга қўмишди. Қатл майдонида пайдо бўлган оқсоқол мулла микрофонга яқин келиб, бир-икки томоқ қирди.

Аввалига Қуръондан узун сура ўқиди. Унинг ширали овозини чала қўмилган аёлнинг аҳёний чинқириғи бузиб турарди. Қироатни тугатиб, мулла форсий тиљдаги ваъзини бошлади:

– Муҳтарам аҳди ислом, биродарлар! Бугун биз Яратганинг амрини ижро этмоққа жам бўлдик. Алҳамдуиллоҳ, бу кун бизнинг Афғонистонда Яратганинг ҳукми ва пайғамбаримизнинг, – пастроқ овозда «ул зотга салом ва салавотлар бўлсин» деб қўйди, – суннати билқулл барқарордур. Биз ҳаммамиз Аллоҳнинг қаршисида тенгдирмиз ва унинг амрига тобемиз. Парвардигор барча бандаларига ношаръий яқинликни ҳаром қилган. Динимизда зинокор хоҳ эркак, хоҳ аёл бўлсин, тошбўрон қилиш буюрилган. Бинобарин, биз мана бу икки гуноҳкорни ҳам ушбу жазога мустаҳқ қилгаймиз.

Стадион сув қўйгандек жимжит эди.

– Яна булар мусулмонмиш, – оҳиста шивирлади Фарид.

Шу чоқ машинадан бошдан-оёқ оппоқ киинган, кенг яғринли толиб тушди. Майдонда алланечук шовқин турди. У худди хочга михланган Масиҳдек қўлларини кенг ёйиб, атрофига мағрур бўйланди. Унинг қўзларига худди Жон Леннонники сингари катта қора қўзойнак қўндирилган эди.

– Мана шу одам, – қулоғимга пичирлади Фарид.

Толиб шаҳдам қадамлар билан учинчи машинага яқинлашди ва унинг бортида ортилган катта-катта тошлардан бирини олиб одамларга намойиш қилди. Майдондаги ғала-ғовур янада кучайди. Толиб, бейсбол тўпидек катталиқдаги тошни баланд қўтариб, халқقا намойиш қиларкан, кўзи боғлиқ йигитнинг нақ пешонасини мўлжаллаб отди.

Бутун стадион «оҳ» деб юборди. Аёл жон ҳолатда додлади. Мен қўзларимни кафтим билан беркитдим. Стадиондаги шовқин, бақир-чақир давом этарди. Бир оз вақт ўтиб, кўзимни очмай Фаридни туртдим:

– Тугадими?

– Йўқ, ҳали.

Бу мудҳиш воқелик яна қанчага чўзилди, биломадим. Бирдан яна атрофдаги гап-сўзлар қулоғимга чалина бошлади:

– Ҳали ёшгина йигит экан-а?

– Йигирмага ҳам бормаган чиқар.

– Ростдан ўша иш устида тутишибдими?

– Билмадим, бир вайронада қучоқлашиб туришган экан, дейишиди.

– Ўлди шекилли? Қимирламаяпти-ку!

Кўзларимни очдим. Маҳкум йигитнинг қонга бўялган боши бир тарафга оғиб турарди. Бояги толиб эса, ҳандалақдек келадиган тошни ҳеч нарса бўлмагандек ўйнаб турарди. Шу чоқ стетоскоп қўтартган киши (доктор чамамда) маҳкумнинг томир уришини текшириб, бош иргаб қўйди. Томошибинлар инграб юбориши. Томошибинлар инграб юбориши.

Қатл маросими тугагач, жасадларни машиналарга ортиши. Четда турган уч-тўрт одам белқурак билан ўраларни кўма бошлишди. Яна майдонда узун иштон кийган футболчилар пайдо бўлди. Иккинчи тайм бошланганди.

Бизнинг ишимиз эса, хамирдан қил суургандек осон кечди. Ҳеч қандай расмиятчилик, қоғозбозлик бўлмади. Фарид таёқ қўтариб юрган толиблардан бирининг қулоғига шипшигани эди, у майдонда югуриб юрган шерикларидан бирига пуштун тилида алланима деб бақирди. Шериги эса, «Ленон»нинг ёнига бориб, унга ча- маси бизнинг хоҳишимизни билдириди.

Ҳалиги толиб бизнинг ёнимизга келиб, оға соҳиб бизни соат учда ўз уйида қабул қилишини айтди.

* * *

Сараки Мемона Вазир Акбархоннинг толиблари ва уларнинг раҳнамолари яшайдиган энг серҳашам кўчаси эди. Фарид машинани қасрмонанд уйнинг эшиги олдида тўхтатди.

– Етиб келдик, – деди Фарид моторни ўчираркан. – Сени машинада кутаман. Бу ерда менинг ёрдамим тегмаса керак.

Мен бир муддат тараддуddан сўнгра шаҳд билан машинадан тушиб, темир дарвозанинг

қўнғирофини босдим. Жимлик. Демак, ҳали электр келмабди. Эшикни тақиллатишга тўғри келди. Зум ўтмай бўсағада елкасида автомат билан икки толиб пайдо бўлди. Улар мени бошдан оёқ пайпаслаб, бирор хавфли қуролим йўқдигига амин бўлишгач, ҳовлига киритишди. Атрофга сер солдим. Ҳамма ёқ саранжом-саришта. Гуллар барқ уриб, очилиб ётибди. Ҳовлининг бурчагида қудуқ қўзга ташланади. Мен соқчилар иҳотасида зинапоялардан юқори кўтарилдим. Ниҳоят, мени меҳмонхонага олиб киришди. Кенг залда иккита яшил диван жойлашган бурчакда текис экранли телевизор қўйилган, деворда Макка тасвири туширилган гилам-жойнамоз осилганди. Соқчилар автомат учи билан «ўтириб» дегандек дивани кўрсатишиди.

Диванда ўтириб, кута бошладим. Танамда қон музлаб қолгандек эди. Бугунги учрашув нима билан, қандай якун топишини ҳатто тасаввур ҳам этолмасдим. Ўзимни бутун борлиқдаги танҳо жонзотдек ҳис этдим. Қизиқ, мен нима учун минглаб чақирим йўл босиб, нақ жаҳаннам эшиги оғзида кўз олдимда икки бегуноҳни ўлдирган жаллодни кутиб ўтирибман. Кўз ўнгимда Сурайё жонланди. Наҳотки, у 36 ёшида бевага айланса?..

Диваннинг шундоққина ёнида қаҳва столи турарди. Столнинг пастқам оёқлари унинг тепа қисмига ёнгокдек келадиган зўлдирлар билан беркитилганди. Стол устидаги патнисда тойфи узум қўйилган экан. Беихтиёр бир донасини узиб, оғзимга солдим. Бундай ширин тойфи узум дунёнинг бошқа ҳеч бир бурчагида ўсмаса керак.

Шу чоқ уй эшиги очилиб, қаршимда бояги күзойнакли толиб икки соқчиси билан пайдо бўлди. У қаршимдаги дивандан жой олиб, менга синчков назар ташлади. У бояги оқ либоси устидан қора нимча кийиб олган, билагида тилла соат ярақларди.

Қизиқ, унинг ранги соқчиларникига нисбатан анча оқ, соқоллари ҳам хинага бўялгандекmallaraнг эди.

– Ассалому алайкум, – деди толиб ниҳоят жимликни бузиб.

– Салом, – дея каловландим.

– Анавини опташла, – толиб соқчига имо қилди. Мен нима бўлганини англамай туриб, ясама соқолимни соқчининг чангалида кўрдим.

– Нима кераги бор ўзингизни ортиқ қийнашнинг, – толиб, бармоқдарини шақирлатди. – Бугунги томоша сизга ёқдими?

– Ҳали бу... томошамиди, – овозим қалтираб чиқди.

– Намойишкорона қатл – энг мақбул томоша. Драма. Кўнгилхушлик. Энг асосийси – яхши ибрат. – Толиб яна бир шақирлатганида соқчи чўнтағидан сигарета чиқарди, иккинчиси ёндиригич тутди. Толиб сигаретни буруқситиб, кафти билан тутунни ҳайдади.

– Бундан ҳам зўрини тўқсон саккизинчи йилда Мозори Шарифда кўрсатганимиз. Биз ўшанда жасадларни итларга майдалаб берганмиз.

– Толиб ниманидир эслаб, ҳузурли жилмайди.

– Биз уйма-уй юриб, эркакларни тутиб, қариялар, аёллар ва болаларнинг кўз ўнгига отиб ташлаганмиз. Кўришсин, билишсин, бу ярамас

ҳазорийлар ўз жойи қаерда эканини. О, бунинг завқини билсангиз эди. Тиз чўкканча сиздан шафқат сўраб ёлворишида, сиз эса, киприк қоқмай автомат тепкисини босасиз. Эсингдами, Жовид?

Соқчи илжайди.

Мен Мозори Шарифда ҳазорийларнинг қирғин қилингани ҳақида Американинг тонгти газеталарида ўқигандим.

– Шаҳар ўликларга тўлиб кетди, – виқор билан ҳикоясида давом этди толиб. – Ўликларни олиб кетиш учун келганларни ҳам ўқча тутдик. Уларнинг ўлигини итлар ғажиди. Ҳа, итга ит ўлими! – Толиб қўлинни мушт қилиб, менга ўтирилди. – Сиз Америкадан келдингизми?

– Ҳа, соҳиб.

– Нима хизмат?

– Мен бир болани қидириб юрибман.

– О, қанақа бўлсаям бўлаверадими? – толиб кулимсираб шерикларига қаради. Соқчилар ҳам нос чекавериб сарфайган тишларини кўрсатиб тиржайишиди.

– Билишимча, у сизнинг қўлингизда экан. Исми Суҳроб.

– Хўш, ўзингиз шундай қийин дамда Ватанга хизмат қилиш ўrniga фисқу фужур ўлкасида нима қилиб юрибсиз?

– Мен анча аввал кетганман Афғонистондан.

– Тилимга ўнг келган жавоб шу бўлди. Заҳар танг қилиб тургани учун оёқларимни маҳкам жуфтладим.

– Бу жавоб эмас, – толибнинг овози жаранглаб чиқди. – Ватанга мадад керак бўлиб турган

пайтда уни тарк этиш бу хиёнат. Сиз гарчи ўз ихтиёриңгиз билан қайтиб келганингизда ҳам, сизни ҳибсга олиш учун асосимиз бор. Нега бунча рангингиз оқарди. Демак қўрқяпсиз.

Нима деганимни англолмадим. Фақат кўз ўнгимдан Сурайё, унинг қўнфироқдек соchlари, қулоғи орқасидаги ярим ойни эслатувчи нор, у билан кечирган лаззатли онлар бирма-бир жонланди. Толиб нимадир деганини ҳам англолмай қолдим.

– Маъзур тутинг...

– Сиз демак, менинг эркатойимни қўрмоқчи-сиз?

– Ҳа, соҳиб.

Соқчи хонадан чиқиб кетди. Зум ўтмай, эшик ортидан қўнфироқчаларнинг майин жинфирилаши эшитилди. Соқчи елкасида катта стереомагнитофон билан қайтди, унинг ортидан узун оқ яктакча кийган болакай эргашиб чиқди. Ҳудди ўша! Отасининг қўйиб қўйгандек ўзи. Раҳимхон берган суратдаги боланинг ўзгинаси эди у. Сочи ҳудди суратдагидек қиртишлаб олинган, фақат қўзларига сурма тортилган, юзлари қизариб турарди. Соқчи магнитофон тутгасини босиши билан таниш пуштун мусиқаси ягради. Демак, толибларга мусиқа эшитиш тақиқланмаган экан. Уй соҳиби ва соқчилар қарсак чала бошлишди. Бола эса, ҳудди раққоса қизлардек нозик ҳаракатлар билан мусиқа оҳангига қараб рақс туша бошлиди. У кўзларини маҳкам юмиб олганди.

Бир оздан сўнг толиб тутгасини босиб, мусиқани ўчирди. Боланинг ҳаракатлари бир нуқтада қотиб қолди.

– Келақол қўзим, кел, – дея болакайни ёнига имлади толиб. У Суҳробни маҳкам бағрига босди. – Жуда истеъдодли-да, менинг ҳазорам, – у шундай дея қўлларини кифтлари оша пастга сирғалтира бошлади. Соқчилардан бири «пиқ» этиб кулганди, уларга қараб ўшқирди.

– Йўқолларинг!

Соқчилар ерга киргандек ғойиб бўлишиди.

Толиб боланинг юзини менга қаратиб, қўллари билан боланинг қорнини чангллади. Кейин Суҳробнинг торгина елкасига иягини қўйиб, менга тикилди. Бола уялганидан нима қилишини билмай, ерга қараб турарди.

– Қиз-зиқ, – тишларини фижирлатиб, гап бошлиди яна толиб. – Кекса бабалу ҳозир нима қилиб юрибдийкин?

Мени яшин урдими? Нега бунча қалтирамасам? Оёқларим музлаб кетдими? Толиб қаҳ-қаҳ отди:

– Нима, ясама соқол билан мени таниёлмайди деб ўйлаганмидинг? Эсингда тут. Мен одамнинг юзини жуда яхши эслаб қоламан. – У Суҳробнинг қулоғидан секин тишлаб олди. – Отанг ўлибди деб эшитдим. – Уй соҳиби кўзойнагини ечди. Унинг мовий кўзлари қонга тўлганди. Нафасим бўғзимга тиқилиб қолди. Бўлиши мумкин эмас. Яна мен ўтмиш издиҳомида қолдим. Ичичимдан қарғиши ва нафратлар билан ўралган, қабоҳатнинг энг жирканч тимсолига айланган бир исм тилимга қалқиб чиқди:

– Асеф!

– Амиржон!

– Сен... нима қилиб юрибсан... бу ерда, – тилимга бундан ҳам аҳмоқона савол чиқмади.

– Мен, – Асефнинг қошлари кўтарилиди. – Бу саволни мен беришим керак сенга?

– Сенга сабабини айтдим, – дедим фўлдираб. Ўҳ, жин урсин, мунча қалтирамасам, а?! Сал дадилроқ бўлсам-чи!

– Сенга мана шу бола кераг-а? Хўш, нима учун? Билсак бўладими?

– Айтган пулингни бераман. Менга пул кўчириб беришади.

– Қанақа пул? – ҳиринглади Асеф. – Сен Рокинхемни ҳеч эшитганмисан? Бу Жаннатнинг Австралиядаги бир бўлаги. Ота-онам ҳозир ўша ерда яшайди. Денгиз қирғоғида ўз виллалари, яхталари бор. Гольф майдони, бассейн. Маза. Ўша ерда отамнинг бир қанча афғон ресторанлари, заргарлик дўконлари бор. Қанча пул керак бўлса, жўнатишади. Мен шўравийларга қарши пул туфайли курашдимми? Толиблар сағига ҳам пулни ўйлаб ўтмадим. Нима учун ўтганимни айтайми?

Оғзим қуриб қолган, лабимни муттасил ялардим.

– Сув ичасанми? – сўради Асеф ҳамон Суҳробни қучоқдаб тураркан.

– Йўқ, керакмас.

– Нима деётувдим. Ҳа, шундай қилиб, нега толибларга ўтганимни айтмоқчи эдим. Биласан, мен умримда динга қизиқмаганман. Бир воқеа сабаб мен шу йўлни тутдим. Эшитасанми?

Мен индамадим.

– Бабрак Кармалнинг даврида мени ва отами коммунистлар уйимиздан ушлаб кетишиди. Ҳар биримизни музлаткичдек келадиган тор

ва совуқ камераларга тиқиши. Бизга ўхшаган маҳбуслар кўп эди. Ҳар биримизни биттадан ҳазорий коменданнтинг хонасига олиб кетишарди. Унинг тепкисини еганлар анча пайтгача ўзига келолмай ётарди. Навбат менга келди. Ўша пайтлар пешобим қон аралаш келадиган бўп қолганди. Буйрагимдаги шунаقا азоб берардики, қўяверасан. Хуллас, мени унинг ёнига опкириши. Унинг этиклари пошнасига тақа қоқилган бўлиб, сўроқ қилаётганида атайин кийиб оларкан. У биқинимни олиб, бир тепган эди, буйракдаги тош жойидан чиқиб кетса бўладими? Шунаقا енгил тортдим. У кулаётганимни кўриб, қаттиқроқ тепа бошлади. Шунда Худо мен тарафда эканини англадим. Унинг учун хизмат қилишим лозимлигини пайқадим. Орадан йиллар ўтиб, тақдирни қараки, ана шу коммендант аёвсиз жанг пайтида оёғим остидан чиқиб турибди-да! У Маймана яқинидаги қишлоқда, окопда яраланганча инграб ётарди. «Мени танияпсанми» деб сўрадим. «Йўқ» деди. Мен эса, бир кўрган одамимни ўлгунимча эслаб қоламан. Ўзимни танитдим-да, автоматни чотига тираб тепкини босдим. Мана, шундан бери Яратганинг ҳақ йўлидан кетяпман.

– Ҳақ йўл? – ўз овозимни аранг эшийтдим. – Сенингча, бегуноҳ севишганларни тошбўрон қилиш, норасида гўдакларни зўрлаш, ҳазорийларни қатлиом қилиш ҳақ йўлми? Ахир бу Исломда ҳам қораланганд-ку!

«Тамом, – ўйладим мен. – Бу гаплардан кейин тирик қолишим даргумон».

Асефнинг юзларида таажжуб зухурланди:

– Сиз хоинлар қўп нарсаларнинг фарқига бормайсизлар, ўз ватан, анъаналарингиз, тилингизни ҳурмат қилмайсизлар. Афғонистон чиқиндиларга тўлган чиройли бир хонадонга ўхшайди. Кимдир уни бу чиқиндилардан ҳалос этиши керак!

– Демак, сизлар Мозори Шарифда уйма-уй юриб, чиқиндиларни йўқотибсизлар-да?

– Худди шундай, – безбетларча бош иргади Асеф.

– Фарбда буни этник тозалаш дейишади.

– Шунақа де? – Асефнинг кўзлари чақнаб кетди. – Чиройли жумла экан. Эслаб қоламан. Этник тозалаш.

– Мен фақат мана шу болани олиб кетишим керак. – Дафъатан Суҳроб билан кўзларимиз тўқнашди. Унинг маъсум кўзлари худди қассобга тикилган қўзичноқники сингари мўлтираб турарди.

– Нима қиласан уни? – Асефнинг пешонасида тер резалари жилдиради. – Ё сен ҳам...

– Нақадар пасткашлик?

– Бир нарсага тушунолмаяпман, – Асеф менга синчков нигоҳини ўқдек қадади. – Наҳот сен шу ҳазорий болани деб океан ошиб келган бўлсанг?

– Бунинг ўзига яраша сабаблари бор, – дедим бир оз довдираф.

– Яхши, ол, опкет, – Асеф болани олдинга итариб юборди. Ваза устидаги узум доналари ерга, Суҳроб эса узумнинг устига келиб тушди. Унинг узун кийимлари қирмизи шарбатга беланди.

Мен Суҳробнинг туришига қўмаклашдим. У менинг қўлларимдан маҳкам ушлаб олди. Биз

эшик томон юрарканмиз, унинг оёғидаги қўнфи-роқчалар тинимсиз жирингларди. Орқамиздан Асефнинг ўқтам овози янгради:

- Шошма, боланинг ҳақини ким тўлайди?
- Мендан нима истайсан?
- Мендан қарзинг бор эди. Эсингдами?

Эсимда. Ўша, Довудхон тўнтариш қилган куни Асеф шериклари билан йўлимизни тўсиб хиралик қилган, шунда Ҳасан рогатка билан Асефнинг пешонасини мўлжалга олиб «Сени бир кўз Асефга айлантираман» дея таҳдид қилганди. Бунинг учун у Ҳасандан ўта қабиҳона қасос олди. Мана, ниҳоят навбат менга келди.

- Нима гапинг бор?

Бошқа нима ҳам дердим. Ундан тиз чўкиб марҳамат тилашдан ҳам фойда йўқ. Асеф соқчиларини чақириб уқтириди:

– Эсингларда бўлсин. Ҳозир мен эшикни ёпаман. Бизнинг эски ҳисоб-китобларимиз бор. Орани очди қилишимиз керак. Хонага кириш қатъиян тақиқланади. Ҳар қандай шароитда ҳам жойингиздан қимиrlамайсиз. Бу ердан фақат бир киши тирик чиқади. Агар у чиқса, демак, ўз эркини қўлга киритибди. Тегманглар, кетаверсин.

- Бироқ, оға соҳиб...

– Қайтараман, у соғ чиқиб кетолса, қўл текизманглар. Гап тамом.

Соқчилар бу гал тортишиб ўтирадилар. Суҳробни олиб кетишмоқчи эди, Асеф йўл бермади:

– Тегманглар, қолсин, кўрсин, унга фойдаси бор.

Эшик ёпилгач, Асеф қўкрак чўнтағига қўл солди ва у ердан ўша... таниш, ялтироқ, пўлат кастетни чиқарди ва шошилмасдан бармоқдарига тақиб олди.

Кейин... кейин нима бўлди?

Ҳозир ўша дамда юз берган ҳодисаларни кўз олдимга келтиарканман, улар узуқ-юлуқ хотирамда жонлангандек бўлади. Мана, Асеф, кастет тақилган қўли билан магнитофон тутмасини босди. Шу тобда негадир деворга осилган гиламча ерга келиб тушди ва чанг кўтарилди. Мана, унинг салласи бир томонга учиб, тилларанг сочлари елкасига ёйилди... Асеф узум доналарини юзимга иргитди, тишларини ваҳшиёна фижирлатди, кўзлари ўйнади.

Яккама-якка жангнинг сўнгги саҳналари барча тафсилотлари билан эсимда қолган.

Кўз ўнгимда кастет яшиндек ярақлайди. Кастетнинг оғриқли зарбидан ўзимни йўқотиб қўйдим. Орқам билан девордан туртиб чиқсан михга урилдим. Суҳроб чинқирди. Мусиқа садолари тинмайди. Навбатдаги зарба жағимга урилди. Тишларим ҳалқумимни тирнаб ўтаётганини пайқадим. Эсиз, бу тишларни бир кунда икки марталаб ювардим. Ўрнимдан туришга уриндим. Ёрилган лабимдан оқсан қон пуштиранг гиламга сочили. Навбатдаги зарбанинг оғирлигидан букчайиб қолдим. Қуриган шох синганда чиқадиган овоз эшитилди. Кейинги муштдан ёноғим билан телевизор қиррасига бориб урилдим. Чап кўзим тагида ўт чақнади. Яна Суҳробнинг чинқириғи эски пуштун мусиқа оҳангларига қўшилиб кетди. Асеф сочимдан тутиб, афтимни ўзига қаратди. Яна бир зарба.

Қаншарим қарсылаб синди чоғи. Энди тепа бошлади шекилли.

Кутилмаганды, дафъатан ичимдан кучли қаҳ-қаҳа портлаб чиқди. Бу қулгининг құдрати олдіда қовурғам, лунжим, аъзой баданимни измиға олган оғриқ ҳам босилгандек бўлди.

– Нега қуласан? – Асеф мушт устига мушт ёғдирап, оғзидан тупук сачрарди. – Нега қақиляйсан?

Бу гал чап қовурғам қарсылаб синди. Мен эса, ҳамон ўзимни қулгидан түхтатолмасдим. Айни пайтда шунча шафқатсиз азобларга қарамай, ўзимни құшдек енгил сезардим. О, мен бу енгилликни, бу хотиржамликни йигирма олти йилдан бери кутардим. Ҳа, шунча пайтдан бери бутун жисму жонимни бир дард, бир оғир юк эзиб келарди.

Кўз ўнгимда ўша қадрдон тепалик, қари анор дарахти жонланди. Мана, қаршимда Ҳасан менга содиқлик, мутелик билан термилиб турибди. Кўлида каттақон анор. У анорни пешонасига уриб ёради ва мендан маҳзун қиёфада сўрайди:

«Энди кўнглинг жойига тушдими? Энди сал бўлса-да енгил тортдингми?»

Енгил тортдим, Ҳасан! Елкамдан тоғ ағдарилди, Ҳасан! Ҳа, 26 йил мени тинимсиз азоблаб келган хасталиқдан мана шу шафқатсиз мушт ва тепкилар, мислсиз азоб-уқубатлар ичида ха-лос бўлдим, Ҳасан! Мен кулмай ким кулсин яна?

Бу олишувнинг интиҳоси то ўлгунча хотирамдан чиқмаслиги аниқ.

Мен чалқанчасига беҳол ётардим, аммо кулги мени тарқ этмаганди. Абгор жисмим эса, устма-уст тушаётган пўлат зарбаларга нишон эди.

– Бас, – ингичка, аммо баланд овоздан иккимиз ҳам сергак тортиб, ўша томонга қарадик.
– Илтимос қиласман, оға, бас қилинг!

Болалар уйининг директори (исми Замонмиди?) айтган гап қулоғим остида жаранлагандек бўлди: «Рогатка отиш бўйича ҳеч ким унга тенг келолмайди. Туну кун рогаткасини ўзи билан олиб юради».

Суҳробнинг кўзидан оқаётган шашқатор ёшлар унинг кипригидаги сурмаларни ҳам сидириб, мишиғига қўшилиб, пастга сирғаларди. Бир қўлида рогатканинг айрисини тутиб, иккинчисида резинкасини тортиб, Асефнинг пешонасини нишонга олиб турди. Рогатка «ўқдун»ида нимадир ялтираб турибди: э, бу бояги, узум турган столнинг зўлдири эмасми?

– Оға, уни қийнашни бас қилинг, – деди боланинг овози титраб. – Илтимос, бошқа қийнаманг уни!

Асефнинг лаблари ғазабдан пир-пир учди:

– Бу нима қилганинг ҳароми?
– Илтимос, оға! – ёлворди Суҳроб. – Уни қўйворинг!

– Рогаткани ташла! – илондек вишиллади Асеф. – Бошингга итнинг кунини соламан, ҳазорийвачча!

– Уни қийнаманг!

– Ташла дедим!

– Илтимос қиласман!

– Ташла итвачча! – Асеф мени янчиб ўтганча, бола тарафга отидди. Нимадир чийиллаб кетди. Ҳа, Суҳроб рогатка резинини қўйворган экан. Асеф ҳўқиздек бўкирганча чап кўзини чангаль

лаб ўтириб, қолди. Бармоқлари орасидан қон аралаш аллақандай шаффоф суюқлик оқиб, сизиб чиқди. Ҳа, қайсиdir дарсда қулоғимга чалинганди. Бу кўз косаси суюқлиги. Асеф қўзини чанглаб, ерга ағанаркан, Суҳроб қўлимдан тутиб, қулоғимга шипшиди.

– Юринг, қочамиз!

Ҳар бир қадам босишимиз жон бериш билан баравар эди.

– Чиқазворинглар! – қичқирди Асеф ортимиздан. – Чиқазворинглар, тезроқ!

Эшик олдида соқчилар бизни қўриб бақрайиб қолишибди. Кейин ажабланганча бир-бирига қарди.

– Қочдик, – қўлимдан тортқилади Суҳроб. Мен эса, тамоман ҳолдан тойган, аранг одимлардим.

– Чиқазинглар деяпман.

Беихтиёр орқамга ўгирилдим. Соқчилар Асефнинг устига эгилиб нимадир қилишаётганди. Ўл-а, кўз косасига бояги зўйдир тиқилиб қопти.

Еру осмон назаримда чирпирак бўлиб айланарди. Суҳробга суяниб зиналардан тушарканман, Асефнинг йиртқичларча ўкириги биздан тобора олислаб борарди. Мана, кўчага ҳам чиқиб олдик.

– Баракалла Суҳроб, агар сен бўлмаганингда анави жаллоднинг қўлида аллақачон жон берган бўлардим.

Фарид бизни кўриши билан машинадан тушиб, ёрдамга ошиқди:

– Ло ҳавло ва ло қуввато, – дея менинг қўлтифимдан олиб, машинанинг орқа ўриндиғи-

га ўтқазди. Кейин Сұхроб ва Фарид машинага жойлашишди. Эшиклар ёпилганини, мотор ўт олганини эшитдим. Пешонамда, жажжи ма-йин кафтнинг ёқимли ҳароратини ҳис этдим. Машина ойнасидан сирғалиб бораётган қуруқ шох ва новдалар кўзимга ташланади. Сұхроб тепамда тинимсиз энтикади. Фарид эса битта дуони ҳадеб такрорлайди «Ло ҳавло ва ло қуввато...»

Элас-элас ҳушимни йўқотаётганимни илфайман...

* * *

Зулмат хийла ёришиб, фира-ширада менга қадалиб турган ҳар хил каллалар кўзга ташланади, нималарнидир сўрашади. Айрим саволларга ту-шунгандек бўламан: Отинг нима? Бирор еринг оғрияптими? Кимлигимни билиб турибман, ҳамма ёғим қақшаб оғриётгани ҳам бор гап. Лекин жавоб беролмайман. Гапириш нақазобнинг ўзи. Мен буни юзи қизартирилган, киприклари бўял-ган болакай ҳақида нимадир дейишга чоғланга-нимдаёқ тушунгандикан. Ўшандан бери бир йил ўтдими, икки йилми, ўн йилми, эслолмайман. Мана ўша бола: биз машинада қаёққадир кетяпмиз, рулни Сурайё бошқаряпти. Қизиқ, у ма-шина ҳайдашни билмасди-ку!

Яна мовий қалпоқчалар остидаги нотаниш каллалар кўринади. Биттаси кўзимга жуда та-ниш кўриняпти. Исми Ойша экан. Қалпоқ остидан оқарган соchlари тошиб чиққан, бурнига булоқи тақиб олибди, кўзлари кўзойнак ортидан янайам каттароқ бўлиб кўринаркан. Қўллари

мунча юмшоқ, ёқимли бўлмаса? Кўкрагимга ниманидир қадаб қўйишибди.

Зум ўтмай яна зулмат қаърига қулайман. Каравотим устида турган мана бу йигит ким бўлди? Бошида бир жуфт патирни эслатувчи қалпоқ. Қорасоч, қоракўз бу йигитни қаердадир кўрганман. Мен кўп йиллар бурун унинг машинасиға чиққанман. Яна қоронфилик ўз домига тортади.

Қизиқ, оғзимга ниманидир тиқиб қўйишибди. Нимадир билқиллаяпти. Ўнг қўлим ловуллай бошлади. Бояги булоқи таққан аёл менга капельница қўйяпти. Унинг овози узоқ-узоқдан эшитилгандек бўлади:

– Калий, бир оз оғритиши мумкин. Худди ари чаққандек бўлади.

Нимадир демоқчи бўлдим, оғзим очилмади. Кўкрагим қадалган нарса нима бўлдийкин? Яна қоронфиликка қулайман. Қаршимда Ҳимолай айифи устида менга қараб кулимсираб турган одамни ҳам танидим. У менга дўстона қўл чўзиди. «Баракалла ўғлим, бу сенинг ўлжанг, сен уни енгдинг!»

Илкис кўзимни очдим. Мана, бояги қорасоч йигит. Эсладим, унинг исми Фарид. Унинг ёнидаги бола ҳам менга таниш. Шу чоқ қулоғим остида қўнғироқчалар жарангি эшитилади. Чанқаб кетдим. Сув ичгим келяпти. Яна қоронфилик денгизига шўнгигб чиқаман. Манави ингичка мўйловли одам ким бўлди? Қайсиdir телесериал қаҳрамони-ку!

Йўқ, унинг исми жағ-юз соҳаси бўйича жарроҳ, доктор Фаруқий экан.

– Мен қаердаман? – Бу савол бўғзимдан ҳатлаб чиқолмайди. Оғзимни очишга уринишим билан нимадир бўйнимни хиппа бўғади.

– Ҳали бир оз эрта, Амир, – деди доктор. – Ҳадемай ҳаммаси ўтиб кетади. Фақат сим каркасни ечишимизни кутишга тўғри келади. Сиз қаерда бўлганингиз, бунча жароҳатни қаерда олганингизни эслолмасангиз керак. Мени бу ерга операциядан кейин чақиришди.

Доктор бир оз жим қолди. Негадир юзи жиддийлашди:

– Сиз ҳозир Пешовардаги госпиталдасиз. Сизни бу ерга жуда оғир аҳволда олиб келишди. Омадингиз бор экан, тирик қолдингиз, биродар! – у қўрсаткич бармоини соат капгиридай ликиллатди. – Сизнинг талоғингиз ёрилган, яхшиям ички қон кетиши дарҳол тўхтаган, акс ҳолда сиз бу ергача етиб келолмасдингиз. Умумий жарроҳлик бўлимидаги ҳамкасларим сизнинг талоғингизни олиб ташлашди. Ундан ташқари етти қовурғангиз синган. Биттасида пневмоторакс юз берган. Яъни синган қовурға ўпкани жароҳатлаган. – Жарроҳ менга бир учи кўксимга қадалган шаффоф пластмасса ичакни қўрсатди. – Биз сизнинг кўкрак қафасингизга плеврал дренаж ўрнатдик.

Ичакнинг иккинчи учи ярмигача сув билан тўлғизилган, махсус сепояга ўрнатилган шиша идишга уланган эди. Мана бу билқиллаш товуши қаердан келяпти?

– Сизнинг танангизда жароҳат жуда кўп эди. Энг ёмони устки лабингиздагиси эди. Лабингиз иккига бўлинган, этнинг бир қисми узилиб ҳам

тушганди. Хавотирланманг, пластик жарроҳларим чиройли қилиб тикиб қўйишади. Фақат чандиги қолади. Кейин ёноқ суяги ҳам синган, агар зарба сал юқорироққа урилганида, кўзингиздан ажраб қоларкансиз. Оғиз бўшлиғидаги каркас олти ҳафталардан кейин олиб ташланади. Унгача фақат суюқ овқатлар билан чекла-насиз.

Доктор Фаруқий оҳиста елкамни қоқиб, чиқиб кетди. Бир оздан кейин Ойша кириб, капельницани алмаштириди. Бу пайтда менинг тасаввурим ҳам тиниқлашиб борарди.

Ол-а! Талогим ёрилган, ўпкам тешилган, ёноқ суякларим синган, қовургалар мажақланган, энг асосийси, лабим йиртилибди, лабим. Демак, мен ҳам қуён тумшук бўлиб қоларканман!

* * *

Эртаси куни Фарид билан Суҳроб келди.

– Мени танидингми? – деди Фарид кулимсি-раб. Бош ирғадим.

– Аллоҳга шукур, ҳаммаси ортда қолди.

– Раҳмат Фарид, – овозим аллақандай фўлди-раб чиқди. Гапираётганимда аллақандай бўшлиққа ботаётганини сездим. Тишларимнинг ан-часини ютвортганимни эсладим. – Яхшиям сен бор экансан.

– Қўйсанг-чи, – қўл силтади Фарид. – Мен Суҳробга қарадим. У қора дўппи, жигарранг яктақ кийиб олган, ўзига сал катталиги сезилиб турарди.

– Биз сен билан ҳали танишиб олмадик, – дея унга қўл узатдим. – Менинг исмим Амир!

Суҳроб менга қараб жилмайди:

– Сиз ўша, отам айтган Амир оғамисиз?

– Ҳа!

Шу аснода Ҳасаннинг хатидаги сатрлар эсимга тушди: «Мен Суҳробга сен ҳақингда кўп гапириб берганман!»

– Сен мени қутқариб қолдинг, – дедим жиянимга. – Кийимларинг ярашибди ўзингга.

– Ўғлимники, – тушунтириди Фарид. – Унга кичкина келиб қолган. Суҳробга лойиқ экан.

Демак, Суҳроб унинг уйида экан-да!

Бир муддат жимлиқдан сўнг, Фарид сўради:

– Ўша куни анув толибнинг уйида нима бўлганди ўзи?

– Ҳа, икковимиз ҳам қилмишимиизга ярашини олдик, – дедим бу ҳақда гапиришни истамаслигимни сездириб. У бошқа сўрамади. Мен эса, беришим лозим бўлган саволнинг жавобидан қўрқиб индамай туардим. Аммо, бари бир сўрашим керак эди:

– Раҳимхон қаерда?

– У йўқ, – деди Фарид ва менга буклоғлиқ қоғоз ва битта калитни узатди. – Квартиранинг эгаси менга шуларни бериб қўйишимни тайинлаган. Ўзи эса, биз кетган кунимиз изсиз йўқолган. – Кейин у соатига қаради, – менга рухсат, боришим керак. Юр, Суҳроб!

– Балки, Суҳробни кейинроқ опкетарсан, – шундай дея Суҳробга қарадим. У елка қисди.

– Майли, – деди Фарид. – Мен хуфтон намозидан олдин келаман.

Палатада мендан ташқари яна уч бемор бор эди. Улардан бири, оёғи гипсланган қа-

рия Суҳробдан негадир кўзини узмасди. Ҳамхоналаримдан бири астма билан оғриган, иккинчисининг кўричаги олиб ташланган экан. Уларнинг ёнига қариндошлари, таниш-билишлари бетўхтов келиб туришар, урду тилида нималарнидир қизғин муҳокама қилишар, баъзан қаҳ-қаҳ отиб қулишарди.

Дарвоҷе, Фарид ва Суҳроб келишидан сал аввал баланд бўйни, жигарранг кийим кийган соқолтой келиб, Ойша билан урду тилида нималарнидир гаплашди, кейин эса, Ойшанинг жавобини кутмай чиқиб кетганди. Фалати!

Суҳроб бир нуқтага қадалганча жим ўтиради. «Нима ейсан?», «Кўнглинг нимани тусаяпти?», «Балки бирор гапинг бордир?» шу каби саволларнинг ҳеч бирига тайинли жавоб ололмадим. Қачон кўзим илинганини билмайман, кўзимни очганимда у яна ўша алпозда жимгина ўтиради. Фарид келиб, Суҳробни олиб кетгандан кейин Раҳимхон қолдирган мактубни очиб ўқишга тутиндим:

«Амиржон! Агар бу хатимни ҳозир ўқиётган бўлсанг, демак, иншоолоҳ, сафардан омон қайтиб келгансан. Сен ҳақсан. Ҳасан билан ораларингда ўтган барча гап-сўзлардан хабарим бор. Сен тўғри йўл тутмагансан, бироқ буни кечириш мумкин. У пайтлар бола эдинг, оқ-қорани яхши танимасдинг. Мен ўша куни сенинг кўзларингда сўнгсиз изтироб ва надомат изларини кўриб, анча енгил тортдим. Чунки, фақат абллаҳ инсонларгина қилган хатолари учун пушаймон бўлмайдилар. Ўйлайманки, сен ўз бурчингни бајариб, бу надоматдан қутулгансан.

Амиржон, шунча пайт бу мудҳиш сирни сендан яшириб келганимиз учун бизни кечир. Сенинг ҳолатингни тушунаман, лекин бизни ҳам тушунишинг керак эди. Биз вазият тақозоси юзасидан буни сир сақлашга мажбур эдик.

Отанг болалигингда сенга нисбатан қаттиққўл эди. Сен эса унинг меҳрини, эътиборини қозонишни истардинг. Бироқ отанг ўз меҳру муҳаббатини сен ва Ҳасан ўртасида тақсимлар эди. У ҳар иккингизни бирдек яхши кўрар, аммо Ҳасанга бўлган оталик меҳрини пинҳон сақлашга мажбур эди. Сен ҳам fazabing босилгач, тушуниб оларсан. Отанг сенинг тимсолингда ҳамиша ўзини кўради ва шу боис сенга нисбатан қатъий ва талабчан эди.

Отанг бутун умрини эзгу ишларга бағишлиади. Менимча, у шу тахлит умрида йўл қўйган энг катта хатони ювишга ҳаракат қилган.

Яратганинг карами кенг, иншооллоҳ, у сени ҳам, мени ҳам, отангни ҳам кечиргай! Сен ҳам, отангни, мени ва энг асосийси Ўзингни кечиришга ҳаракат қил! Агар сенга пул керак бўлса, менини ишлат! Мен бор бойлигим сақданаётган банк ячейкасининг калитини сенга қолдиряпман. Бу пуллар сенинг харажатларингни қоплашга бемалол етади.

Вақт кутиб турмайди. Мен сўнгги кунларимни ёлғизликда, хилватда ўтказишга қарор қилдим. Сендан илтимос, мени қидирма! Аллоҳ, ҳамиша мададкоринг бўлсин.

Дуо ва салом билан Раҳимхон!»

Хатни ўқиб, кўз ёшдан ивиган юзларимни халатнинг кенг енгига артдим.

Айни тобда Америкада отам ва мени нима бу қадар яқинлаштирганини англаб етдим. Ҳар иккимиз ҳам бир умр виждон азобида яшаганмиз. Отам-ку, айбини енгиллатиш учун кўплаб хайрли ишлар қилди. Мен-чи? Нима қилолдим?..

Эртаси куни кўкрагимга қадалган трубкани олиб ташлашди. Доктор Фаруқий суюқ овқат ичишимга рухсат берди. Ҳамшира Ойша тутган кўзгуда ўз аксимини қўриб, юрагим орқамга тортиб кетди. Назаримда кимдир юзимни худди шардек пулаб шиширганга ўхшарди. Кўзларим қисилиб кетган, оёғим бир тарафга қийшайиб кетган, ҳамма ёғим яра, чандиқ, чоклар...

Яна Фарид билан Суҳроб келди. Фариднинг юзларида хавотир аломатларини кўрдим.

– Иложи борича, Пешовардан тезроқ чиқиб кетишинг керак, – деди у имкон қадар босиқлик билан. – Бу ерда толибларнинг гумашталари изғиб юришибди. Сенга бирор зиён-захмат етказишмаса деб қўрқаман.

Илкис кечаги жигарранг кийимли совуқбашара одам кўз олдимга келди.

– Менимча, улар аллақачон мени топиб бўлишган, – дедим хастаҳол овозда.

Фарид менга яқинроқ келиб, елкамдан тутди.

– Сен оёқча туришинг билан Исломободга олиб кетаман. У ерни ҳам у қадар хавфсиз деб бўлмайди. Аммо, ҳарқалай, Пешовардан кўра тинчроқ-да! Энг муҳими вақтдан ютамиз.

– Фарид, сени ҳам роса овора қилдим. Ишқилиб, сенинг ҳаётинг хавф остида қолмайдими?

– Текин ишламаяпман-ку, пулини түлайсан, – қўзини қисиб қўйди Фарид.

– Бўмасам-чи, – жилмайишга уриндим мен ҳам. – Раҳимхон айтган одамларни қидириб топишга ёрдам бер. Уларнинг исмини Жон ва Бетти Кондуэлл деганди.

– Шошма, нима дединг, – Фарид чўнтагидан бир парча эски қофоз чиқариб, мен айтган исмларни ёзиб олди. – Мен уларни ҳозироқ излашга тушаман, кечга яқин келиб Суҳробни опкетаман, – кейин у Суҳробнинг елкасини қоқиб қўйди. – Яна мен келгунимча амакингни уринтириб қўймагин.

Суҳроб дераза олдига қўниб, нон увоқларини чўқилаётган кабутарлардан кўз узмай ўтиради.

Фарид кетгач, мен Суҳробни суҳбатга тортишга, унинг юрагини фижимлаб турган андуҳни йўқотишга йўл изладим. Ниҳоят у билан амаллаб тил топишишга муваффақ бўлдим.

– Қуйиб қўйгандек отангга ўхшаркансан, – дедим унинг юзидағи чизгилардан кўз узмай. – Отанг билан иккимизни битта аёл эмизган.

– Биламан, – деди у деразадан кўз узмай. – Отам сиз ҳақингизда жуда кўп нарса гапириб берганди. Икковингиз жуда қалин дўст бўлган экансизлар.

– Афсуски мендан содик дўст чиқмади, – дедим хўрсиниб. – Кел, иккимиз дўст бўламиз. Балки мен сенинг муносиб дўстинг бўла оларман.

Оҳиста Суҳробнинг елкасига қўлимни ташладим. У эса, дераза ойнасига пешонасини тираб, олисдан қизариб кўринаётган уфқдан кўзини узмай ўтиради.

Кўп ўтмай тиббий биродар ҳамшира билан келиб, мени хона бўйлаб юргизиб қўришди. Бутун баданим шунаقا қақшаб оғридики... О, қанийди шу пайтда Сурайё ёнимда бўлса?

Шу тариқа орадан яна икки кун ўтгач, мен доктор Фаруқийга кетишим лозимлигини айтдим. Аввалига таажжубдан Фаруқийнинг кўзлари катталашиб кетди. Кейин бунинг сираям иложи йўқлигини уқтирди. Мен эса, сўзимда туриб олдим.

– Ҳаммаси учун раҳмат, доктор, – дея унга миннатдорлик билдиридим. – Бу ердан тезроқ чиқиб кетсам, сизга ҳам яхши бўларди. Мендан бошқа хавотир олмасангиз ҳам бўлади. Ҳозир bemalol бошқаларнинг кўмагисиз юра оляпман.

Ўзимча тузган режамга биноан, шифохонадан чиқишим билан банқдаги пулни олишим, Суҳробни Кондуэлларнинг болалар уйига топширишим, кейин Исломободга жўнаб, у ердан уйга йўл олишим лозим эди. Бироқ эртасига эрталаб Фарид келтирган хабар ҳамма режани пучга чиқарди.

– Сен айтган одамлар Пешоварда умуман яшашмас экан.

Бу пайтда мен кетиш учун ҳамма нарсамни тайёрлаб тургандим.

– Бу нима деганинг? Қанақасига йўқ бўларкан?

– Сен мени тушунмадинг чофи, – деди Фарид.
– Бунақа одамлар умуман Пешоварда йўқ, бў-

лишмаган ҳам. Америка консулхонасиға борганимда шундай дейиши. Балки бошқа шаҳардадир?

Начора? Иккимиз банк ячейкасидан бориб, Раҳимхоннинг пулинин олдик. Бир халта пул. Ҳеч ким қўл теккизмаган. Бунча пул билан Пешоварни айланиш эса, ўта хавфли. Бирорта соқолли одам учраб қолса, кўзимга Асеф ёллаган қотил бўлиб кўринади. Яна денг, бунақа соқолтойлар ҳар қадамда оёғим остидан чиқиб турса!

– Суҳробни нима қиласиз энди? – сўрадим Фарид билан госпитал ҳисобхонасидан чиқаётганимизда. Бу пайтда Суҳроб, «Тойота»нинг ойнасидан биз тарафга қараб туради. – Уни Пешоварга ташлаб кетиб бўлмайди.

– Йўқ, бу ер хавфли, – чамаси Фарид менинг сўзларимдаги яширин савонни дарҳол пайқади.
– Мен бирор ёрдам...

– Тушунаман, Фарид, – дедим унинг сўзини бўлиб. – Шундоқ ҳам сени анча қийнаб қўйдик. Ўзинг қўл учида оила боқиб турган бўлсанг... Суҳроб иккимизни Исломободга олиб бориб қўясан.

Покистон пойтахтига қадар тўрт соат йўл босдик. Йўл бўйи мудраб кетдим. Шу аснода худди босинқирашдек турли хотирот лавҳалари бирма-бир мияда чақнай бошлади. Сокин мусиқа, Сурайёning ҳиноли қўлларини кафтимда сиқиб турибман... Мана, Бобо менинг туғилган кунимда сўйилган қўйнинг гўштини тузлаяпти... Ҳамма ёқ оппоқ қор. Қор устида эса, Ҳасаннинг қонли излари... «Қон қудратли куч болам»... Бу генералнинг сўзлари... «Ҳаммаси Яратганинг

иродасига боғлиқ, болам» – бу Жамила хола айтган гап. «Сен ўз мардлигингни қўрсатадиган пайт келди» – бу Раҳимхоннинг телефондаги илтимоси...

* * *

Пешовар нимаси биландир Кобулни эслатса, Исломобод тамоман бошқача шаҳар экан. Эҳҳе, менинг она шаҳрим яқин йиллар ичида бундай хушманзара, саранжом гўшага айланмаса керак. Кўчалар ойнадай силлиқ, ҳамма ёқ қўкаламзор, йўл четида ҳафсала билан экилган анвойи гуллардан баҳринг очилади.

Фарид бизни шаҳар четидаги кичикроқ меҳмонхонага бошлади. Биздан сал нарида дунёдаги энг катта масжид – Қирол Файсал масжиди жойлашган экан. Суҳроб машина ойнасидан анча пайтгача масжиднинг баланд миноралидан кўз узмай борди.

Меҳмонхонадаги шароитлар ҳам Кобулдагидан кескин фарқланарди. Бизга ажратилган хонада барча қулайликлар мавжуд эди. Телевизор тутмасини босдим. Қайсиdir каналда урду тилида қўғирроқ фильм берилаётган экан. Суҳроб диванда тиззаларини қучоқлаб, чайқалганча, қизиқиш билан экранга термилди.

– Энди бизга рухсат, Амир оға, – деди Фарид ҳамма юкларимизни хонага ташиб кирапкан.

– Болаларимдан хавотирдаман. Кечгача уйга етиб бормасам бўлмайди. – Эшик оғзида тўхтаб, Суҳробга қўл силкиди: – Суҳробжон, мен кетдим.

Суҳробнинг бутун фикри ёди экранга қадалган эди. Икковлон йўлак бўйлаб кета бошладик.

Унинг қўлига аввалдан тайёрлаб қўйилган конвертни тутқаздим.

– Сенга қандай миннатдорлик билдиришни ҳам билмайман, биродар, – Фарид конвертни очаркан, кўзлари чарақлаб кетди.

– Бу ерда... қанча бор?

– Икки ярим минг атрофида... доллар...

– Икки ярим... – Фариднинг лаблари титраб кетди. – Бу жуда кўп эмасми?

– Мен қилган яхшиликларингнинг мингдан бирини ҳам қайтаролмадим, дўстим, – дея унинг елкасидан қучдим.

Шу-шу биз қайтиб учрашмадик.

* * *

Хонага қайтганимда, телевизор ўчирилган, Суҳроб каравотда тиззасини қучоқлаганча кўзларини юмиб ўтирас, ухляяптими, хаёл суряптими, билиб бўлмасди. Оғриқдан белимни ушлаб, каравотга жойлашдим. Бу оғриқлар қачон мени тинч қўяркин-а? Ётсам ҳам, турсам ҳам, ўтирсам ҳам ҳамма ёфим зирқирайди.

Суҳробни нима қилиш керак? Мен ич-ичимдан бу саволнинг жавобини билсам-да, бу ҳақда негадир ўйлашга қўрқардим.

Кўзим илинибди. Бир пайт уйғониб қарасам, Суҳроб жойида йўқ. Юрагим қинидан чиқай деди. Заиф овозда уни чақирдим. Жавоб бўлмади. Ваннада ҳам йўқ. Аранг қўзғалиб, йўлакка чиқдим. Ундан ном-нишон кўринмасди.

Биринчи қаватда меҳмонхона маъмури бурнининг устига қўзойнагини омонат қўндириб, газета ўқиб ўтиради. Ундан Суҳробни сўрадим, ташқи тузилишини тасвиrlаб бердим.

– Болаларга эҳтиёт бўлиш керак, оғайни, – бепарволик билан газетадан кўз узиб менга кўзойнаги оша мўралади маъмур.

Намунча тўнка бўлмаса бу одам.

– Мен бу ерлик эмасман, – дедим нафасим тиқилиб. – Уйғонсам йўқ. Чиқиб кетибди. Қаердан топишни билмаяпман.

– Э, мениям учта болам бор, шунаقا шўхки, ерга урса осмонга сапчийди. Ҳа, болаларни талтайтириб юбормаслик керак!

– Илтимос, – дея овозимни баландлатдим, чўнтаги устидаги битикдан исмини ўқиб оларканман. – Фаёз соҳиб, айтинг, кўрдингизми ёйўқми?

Фаёз соҳиб бамайлихотир яна кўзойнагини қўндириб, қўлига газета одди.

– Йўқ, афсуски, кўрганим йўқ!

Энсам қотиб, чиқиши эшигига яқинлашарканман, яна оптимга ўгирилдим.

– Уни қаердан топишим мумкинлигини айтолмайсизми? – Гарчи ундан тайнинли жавоб чиқмаслигини билсан-да, назаримда ҳозир менга ундан бошқа ҳеч ким ёрдам бера олмасди.

– Ўғлингиз нимага қизиқади ўзи? Масалан, менинг ўғилларим жангари фильмлар деса ўзини томдан ташлайди.

– Масжид! – Хаёлимга урилган биринчи фикр тилимга кўчди. Қирол Файсал масжиди ёнидан ўтаётганимизда, Суҳробнинг кўзида мислсиз жонланишни кўргандек бўлувдим. – Илтимос, мени ўша ерга олиб бора олмайсизми? Айтган пулингизни бераман.

Маъмур бир хўрсишиб қўйди-да, кейин бош ирғаб, ичкарига кириб кетди.

Бир неча дақиқадан сүнг, биз ўша муҳташам масжидга етиб келдик. То етиб келгунча нима хаёлларга бормадим. Хайриятки, Сұхроб автоқұналға яқинидаги ўтлоқда мовий күзларини бир нұқтага тикиб ўтирган экан. Фаёз «мен боришим керак», деди-да, машиналыңа ўтириб кетвөрди.

– Қўрқитиб юбординг-ку, – дедим унинг тўлқинсимон соchlаридан силаб. Сұхроб кўзларини масжиднинг баланд, улуғвор гумбазларидан узмай ўтирарди. Ёнимиздан машиналар тинимсиз ўтиб қайтар, Сұхроб эса, кўзларини бир нұқтага қадаганча, дунё ва ундаги бор нарсаларни унутгандек эди. Шу чоқ масжид минорасидан хуфтон азона эштилди.

– Мозори Шарифда бўлганмисиз? – сўради Сұхроб ҳамон миноралардан кўз узмай, кейин жавобимни кутмай илова қилди. – У ерда ҳам худди шундай масжид бор. Кўкмачит дейишиади. Масжид ҳовлисида кабутарлар донлаб юришади. Мен ҳам дадам, сасам билан борганимда, кабутарларга нон майдалаб берганман. Кейин ўша ердан дадам менга шишириладиган елим маймунча сотиб олиб берганди...

Беихтиёр мен ҳам болалигимда Бобо билан Мозори Шарифга борганимни эсладим. Кўксимда нимадир зириллаб кетгандек бўлди.

– Ота-онангни соғиндингми? – сўрадим овозим титраб.

У ота-онасини толиблар қандай ўлдиришганини кўрганмикин?

– Сиз-чи, сизам соғинасизми?

– Мен онамни кўрмаганман, – дедим хўрсишиб. – Отам эса, бир неча йил олдин вафот

этди. Албатта, соғинаман. Баъзан тушларимга кириб чиқади. Ҳатто ҳиди ҳам димоғимдан кетгани йўқ. – Шу аснода отамнинг миқти гавдаси, қўнғир соchlари, тийрак кўzlари намоён бўлди.

– Мен ота-онамнинг қиёфаларини эсдан чиқаряпман. Бу ёмон-а?

Шу тобда ҳамон кўкрак чўнтағимда юрган сурат эсимга тушиб, уни Суҳробга узатдим. У суратга узоқ термилиб қолди. Ферузаранг, маъсум кўzlаридан ёш тирқиради.

«Афғонистонда болалар кўп, аммо болалик йўқ». Қачондир эшитганим – шу жумла қулоғим остида жаранглади.

Шу чоқ ёнимизда қўш от қўшилган фойтун тақ-туқ қилганча ўтиб кетди.

– Кейинги пайтларда фақат масжидлар ҳақида ўйлайдиган бўлиб қолганман, – деди Суҳроб хаёлчанлик билан. – Амир оға, анави одамга қилган ёмонлигим учун дўзахга тушаманми?

Мен уни маҳкам бағримга босмоқчи бўлдим. У эса, негадир ўзини четга олди.

– Бунаقا гапларни унут. Сен фариштадек бегуноҳсан.

– Отам ҳар доим айтарди: «Ҳеч кимга, ҳатто ёмон одамларга ҳам ёмонлик қилма. Вақти келиб улар ҳам яхши одамлар қаторига ўтиши мумкин», дерди.

– Ҳар доим ҳам эмас, Суҳроб, – дедим унинг бошини силаб. – Асеф ҳеч қачон яхшилар қаторига ўтмайдиган ёмон инсонлар тоифасидан эди. Мен уни болалигимдан биламан. Ўшандагина сен билан тенг бўлсан керак. Асеф мени... урмоқчи бўлганди. Отанг қутқариб қол-

ган. У ҳамиша менинг орқамда тоғ бўлиб турарди. Кунларнинг бирида Асеф отангдан шафқатсизларча ўч олди. Мен эса, уни қутқариб қололмадим. Болалигимдан бери Асефдан аламимни ололмай юрардим. Менинг ўрнимга бу ишни сен қилдинг.

– Мен дадамни, онамни, ҳамма яқинларимни соғинаман. Аммо, бир ҳисобдан улар ҳозир мени кўришмаётганидан хурсандман, – деди Суҳроб ўқинч билан. – Чунки мен гуноҳга ботганман.

– Сенда гуноҳ йўқ, Суҳроб, – дедим унинг озгин қўлларидан тутиб. – Мен сени ҳеч қачон ранжитмасликка ваъда бераман.

Мен уни бағримга босдим. Бу гал у индамай қўз ёшга ивиган юзларини кўксимга босди.

– Мен билан Америкага кетасанми? – сўрадим ундан. Суҳроб индамади.

Биз бир неча кун давомида Исломободнинг энг диққатга сазовор масканларини томоша қилдик. Бу вақт ичида мен ҳам анча ўзимни ўнглаб олдим. Кунларнинг бирида, меҳмонхонада телевизор томоша қилиб ўтирганимизда, Суҳробга яна ўша савонли эслатдим.

– Мен қўрқаман, – деди Суҳроб экранда эркакларнинг шорти кийиб юришини қизғин муҳокама қилаётган оқ саллали муллалардан қўз узмай. – Ахийри мен сизнинг жонингизга тегиб қолсан-чи? Хотинингиз-чи, у мени қандай қарши оларкин? Ахир мен сизга бегонаман-ку! Лекин мен энди ҳеч қачон яна етимлар уйига қайтишни истамайман.

– Сен бегонамассан, – дедим унга қарата, менимча, ундан ҳеч нарсани яширмаслигим ке-

рак. – Биз отанг билан ака-укамиз, сен эса, менинг жияним бўласан.

Суҳроб менга бақрайганча, тикилиб қолди.

* * *

Учинчи уринишда Сан-Франциско билан телефонда боғланишга муваффақ бўлдим. Ҳозир Исломободда кеч соат саккиз ярим. Сан-Францискода эса эрта тонг. Бир неча дақиқадан сўнг Сурайёнинг сўник овозини эшилдим.

– Сурайё, бу мен, – дедим ширингина ухлаб ётган Суҳробдан кўзимни узмай.

– Амир, – унинг овози жаранглаб чиқди. – Тузукмисиз? Нега шу пайтгача телефон қилмадингиз? Мен шунаقا хавотир олдимки... Қаердасиз?

– Покистонда...

Суҳбатимиз салкам бир соатга чўзилди. Табиийки, унга Афғонистонга борганим, у ерда кўрган-кечирганларимни айтмадим. Узоги билан икки ҳафтанинг ичидаги боришимни айтдим.

– Фақат, мен бир ўзим бормайман, – дедим нимагадир унинг жавобидан хавфсираб. – Бунинг тарихи узун, борганимда албатта айтиб бераман.

– Нима гап? Яширмасдан айтаверинг.

Ҳа, шунча яшириб келганим етар. Энди оз бўлса-да, елкамни эзига келган юқдан қутулганиман. Ўзи, Сурайёга бу ҳақда аввалроқ айтишим керак эди. Аммо, ҳозир вазиятни тушунтиришдан аввал ўша кечмишни эсга олиш зарур.

Мен ҳикоямни тугатганимда телефондан унинг йиғлаётганини эшилдим.

– Мен розиман, – деди у бир оз жимлиқдан сўнг. – Ахир шўрлик боланинг биздан бошқа яна кими бор?

* * *

– ...Сиз боланинг амакиси бўласизми? – сўради менинг гапларимни ҳафсала билан эшитган Америка элчихонасиининг масъул ходими Реймонд Эндрюс синчков кўзлари билан мени ва Суҳробни назардан ўтказаркан. – Хўш, буни тасдиқлайдиган бирор одам борми?

Консулнинг тунд юзидан бирор маъно уқиши мушкул эди.

– Бор эди, – дедим тўнгиллаб. – Лекин у одамнинг ҳозир қаердалигини билмайман.

Эндрюс аллақандай такаббурона, мағрур нигоҳдарини биздан узмай турди:

– Сизга қисқагина бир маслаҳат берсам майлими? – сўради пинагини бузмай. – Яххиси бу фикрдан қайтинг!

Устимдан бир челяк совуқ сув қўйилгандек бўлди.

– Бундан бир иш чиқиши қийин, – деди Эндрюс.
– Сиз болани фарзандликка ололмайсиз.

– Нега?

– Биринчидан, боланинг етим эканини ҳуқуқий жиҳатдан исботлаш керак. Сиз унинг ота-онасини отиб ташлашган деяпсиз. Хўш, қўлингизда уларнинг ўлими ҳақидаги ҳужжат борми?

– Афғонистонда кўп одамларнинг ҳатто паспорти йўқ. Ўлим гувоҳномасини кимдан оламан?

– Начора, қонунларни мен тузмаганман. Ҳар қанча қизишманг, бари бир сиз боланинг отонаси ўлганини исботлаб беришингиз керак. Иккинчидан, сиз уни бошқа давлатга олиб кетяпсиз. Бунинг учун бола туғилган мамлакат ҳукуматининг расмий розилиги керак бўлади. Афсуски, Кобулда элчихонамиз йўқ. Бу эса вазиятни янада мушкуллаштиради.

– Тушунсангиз-чи, – дедим бўғилиб. – Болани кўчага ташлаб кетолмайман. Биласизми... уни ҳатто зўрлашган.

– Албатта, афсусдаман, – деди Эндрюс лоқайдлик билан эснаркан. – Аммо, бу жиянингизга виза беришимиз учун асос бўлолмайди.

Тоқатим тоқ бўлганди.

– Юр, Сухроб, – дедим унга форсчалаб. Эшик олдига етганда яна консулга юзландим. – Узр, сиздан бир нарсани сўрасам майлими?

– Эшитаман.

– Сизнинг фарзандингиз борми?

Эндрюснинг юзи бирдан ўзгарди.

– Нима фарқи бор? – деди паст овозда. – Борми, йўқми?

– Сиздан шу жавобни кутгандим, – дедим дадиллик билан. – Сизнинг ўрнингизда фарзанд қадрини биладиган, фарзандли бўлиш истагини тушуна оладиган одам ўтириши керак эди.

– Мен ҳам сизга бир савол бермоқчиман, – деди бу гал алланечук синиқ овозда. – Сиз болага Америкага олиб кетаман деб ваъда бердингизми?

– Хўш, нима бўпти шунга? – дедим тўнглик билан.

– Болага ваъда бериш жуда хавфли, хусусан, ваъдангиз амалга ошмаганида. Сиз ҳалиям фикрингиздан қайтмадингизми?

– Йўқ, қайтмайман.

– Унда сизга мана бу одамга учрашни тавсия этаман, – у менга ташрифнома узатди. Умар Файсал, кучли адвокат. Мени айтсангиз, сизга ёрдами тегиши мумкин.

Қабулхонадан чиқарканман, ойнага қараб лабини бўяб ўтирган сариқсоч котибага юзландим:

– Хўжайинингиз ҳамма билан шунаقا қўпол тарзда муомала қиласидими? – сўрадим чиқиб кетиши олдидан бир оз заҳримни тўкиш учун.

Котиба лаб бўёгини бир четга қўйди.

– Бечора Реймонд, қизи ўлганидан кейин шунаقا жizzаки бўлиб қолган. Икки ойча илгари ўзини осиб қўйган...

Таксидан меҳмонхонага қайтарканмиз, Суҳроб ойнадан сирғалиб ўтаётган шаҳар манзараларидан кўз узмай борарди. У албатта инглиз тилидаги Эндрюс билан суҳбатимизнинг маънисига етмади. Аммо, чамаси менинг гапириш оҳангимдан, кайфиятимдан вазият ҳақида тушунчага эга бўлган, бу ҳақда сўрашга юраги дов бермаётган эди.

Меҳмонхонага қайтганимиздан сўнг, Суҳроб ваннахонада чўмилаётганидан фойдаланиб, яна уйимизга телефон қилдим. Унга вазиятни тушунтирдим. У ҳам бир фарзандликка олиш бўйича бир қанча агентликларга қўнфироқ қилиб кўрибди. Афгон болаларини фарзандликка олиш масаласи бўйича бирорта агентлик шугулланмас экан.

– Шариф амакимга қўнфироқ қилдим, – дея илова қилди Сурайё. – У муҳожират хизмати ходимлари билан гаплашиб кўрадиган бўлди.

Бу янгилик кайфиятимни анчайин кўтарганди.

Мен гўшакни илишим билан Суҳроб ваннадан чиқиб келди. У Эндрюснинг ёнидан қайтганимиздан бери камгап бўлиб қолганди. У ўрнига чўзилиши билан пишиллаб ухлаб қолди.

* * *

Умар Файсал очиқ чеҳрали, юзида кулгичи ўйнаб турадиган одам экан. У ҳар бир гапини табассум ва узроҳдик билан бошларкан. Суҳроб бир кўзи билан телезкранда мультфильм томоша қиларкан, иккинчи кўзини меҳмондан узмай ўтиради.

– Реймонд Эндрюс сиз ҳақингизда яхши гапларни айтди, – дедим унинг чаққонлик билан сумкасидан блокнот ва қаламларини олишини кузатарканман.

– Ҳа, Эндрюс тилла одам, у менга қўнфироқ қилиб, сизнинг масалангиз ҳақида айтувди.

– Яхши, демак, сиз вазиятдан боҳабарсиз?

– Мен фақат Эндрюснинг оғзидан эшитдим, ўзингиз батафсил тушунтириб берарсиз, – кейин у Суҳробга ўгирилиб, форсча мурожаат қилди:

– Хўш, йигитча, ҳамма муаммо сизнинг устингизда экан-да?

Суҳроб тавозе билан унга салом берди.

– Суҳроб, ажойиб исм. Сенга паҳлавон Рустамнинг ўғлининг номини беришган экан-да!

Суҳроб индамай яна телевизор томонга ўгирildi.

– Форс тилини яхши биларкансиз, – дедим Файсалга қарата.

– Ҳа, Қорачида туғилғанман, Кобулда бир муддат яшаганман, Берклида ўсғанман, – деди у реза-реза тер оқиб турған пешонасими артиб, кейин Сұҳроб тарафға ўғринча қараб олди. – Келинг энди, инглизчалаб гаплашайлик.

Мен унга Раҳимхон билан учрашувдан тортиб, то Пешовар госпиталига түшгүнимча бўлиб ўтган воқеаларни айтиб бердим. Файсал, айниқса, Асеф билан тўқнашувимизни тингларкан, бир неча бор бош чайқаб «уҳ-уҳ»лаб қўйди.

– Олдингизда жуда катта тўсиқлар бор, Амир, – деди у. – Сизга Эндрюс айтган бўлса керак. Афғонистонда вазият оғир. Болани эса, етим эканини исботлаш керак. Ким билсин, балки ота-онаси тирик бўлиб, боқолмаганидан етимхонага топширгандир? Ота-онаси қочоқлар лагерига, бола бошқасига тушиб қолгандир?

– Ахир сизга айтдим-ку!

– Мен ишонаман, – бош ирфади Файсал. – Лекин бошқалар одамларга эмас, қофозларга ишонишади.

Хуллас, Файсалдан ҳам айнан Эндрюснинг гапларини эшийтдим.

– Хуллас, нима маслаҳат берасиз, – дедим унинг чайналишидан тоқатим тоқ бўлиб.

Файсал қўксини тўлдириб нафас оларкан, қўлидаги қаламни иягиға тираб, узоқ жим қолди.

– Сиз фарзандликка олиш бўйича ариза ташлаб қўяверинг. Боланинг шахсий истаги асос бўлиб хизмат қиласи. Бироқ, бунинг учун қонунчиликка қўра, сиз Покистонда Сұҳроб би-

лан икки йил яшашингиз керак бўлади. Кейин унинг номидан сиёсий бошпана сўрайсиз. Шунда болага гуманитар виза беришлари мумкин. Яна бир йўли бор, – адвокатнинг кўзлари чарақдаб кетди. – Сиз Суҳробни болалар уйига топширасиз. Кейин эса уни фарзандликка олиш бўйича ариза берасиз. Муҳожират хизмати томонидан маҳсус ҳужжатлар расмийлаштирилади. Кейин сизнинг оиласи шароитингиз ўрганиб чиқилади.

– Лекин мен Суҳробни энди етимхонага топширмасликка ваъда берганман.

– Бари бир бошқа йўлингиз йўқ.

Кейин мен адвокатни машиналар қўналғасигача қузатиб қайтдим. Суҳроб хонада мени сабрсизлик билан қутиб турарди. Унга ҳаммасини ётиғи билан тушунтирдим.

– Нима? Яна етимхонами? – Суҳробнинг юзлари илкис тундлашди. – Амир оға, энди ҳеч қачон етимхонага бормайсан, дегандингиз-ку!

– Суҳробжон, тушунсанг-чи, – дедим уни қандай овутишни билмай. – Бу ер сенга Кобул эмас. Шароитлар умуман фарқ қиласи. У ерда кўп турмайсан. Мен сендан тез-тез хабар олиб турман. Кейин сени у ердан оламану икковимиз Америкага учиб кетамиз.

– Йўқ, фақат етимхонага бормайман, – айтганида туриб олди Суҳроб. – У ерда мени хафа қилишади. Қўрқаман! Амир оға, Худо ҳақи мени етимхонага топширманг! Илтимос қиласман!

– Тишиш, – болакайнинг титрабгина турган вужудини бағримга босдим. – Ҳаммаси яхши бўлади.

– Мени етимхонага топширмасликка ваъда беринг, Амир оға! Илтимос қиласман!

Ваъда беринг! Яна ваъдамда туролмасам-чи? Табиийки, индамадим. Уни секин жойига ётқиздим, устини яхшилаб ўраб қўйдим. Ўзим ҳам кўп ўтмай ухлаб қолибман. Телефон товушидан уйғондим. Бу пайтда аллақачон қоронги тушган, тунги соат ўн иккиларга яқинлашиб қолган эди.

Гўшакни кўтардим. Нарёғдан Фаёзнинг мудроқ товуши эшитилди.

– Сизни Америкадан сўрашяпти.

Ваннанинг чироғи ёниқ турарди. Демак, Суҳроб ювингани кирган бўлса керак.

– Салом! – бу Сурайёнинг овози эди.

– Салом!

– Хўш, адвокат нима деди?

Мен унга бор гапни айтиб бердим.

– Сиз кўпам қуюнаверманг, – деди хотиним.

– Ҳозиргина Шариф амаким билан гаплашдим. У чорасини топганга ўхшайди. Ҳеч қандай муаммо бўлмас экан. Ўзи гуманитар виза олишга ёрдам бераркан.

– Ростданми? Зўр-ку, – дея қичқириб юбордим.

Гўшакни илишим билан каравотдан сапчиб турдим:

– Суҳроб, зўр янгилик! – дея ванна эшигини тақиллатдим. – Калифорниядан Сурайё қўнғироқ қиласди. Энди сен ҳеч қанақа болалар уйига бормайсан! Биз Америкага кетамиз, Суҳроб!

Жавоб бўлавермагач, шарт эшикни очдим... Ва жон ваҳмимда қичқириб юбордим. Мен

чўккалаб олганча тўхтовсиз қичқирадим. Тишимни-тишимга босганча, бўғзим йиртилгунча қичқирадим.

«Тез ёрдам» етиб келганида ҳам бақириб ётган эканман. Кейин нима бўлганини менга айтиб беришди.

Ичкарига кириш мумкин эмас экан. Уни зам билга солиб, жонлантириш хонасига олиб киришди. Ортидан кирмоқчи эдим, ҳирсдек бақувват йигит йўлимни тўсдим. Хушмуомалалик билан инглизчалаб, шу ерда кутиб туришимни тайинлади.

Кутиш зали узундан узоқ, деразасиз коридордан иборат эди. Деворга тақаб қўйилган металл ўриндиқлар одамларга тўлган. Баъзилар жой йўқлиги туфайли подда, узун гилам-пойандоз устига ўтириб олган. Ҳамманинг юзи тунд, ҳамманинг кайфияти паришон...

Юрагим намунча безовта тепмаса? Нак қоурғаларим орасидан чиқиб кетгудек... Беихтиёр чап томондаги кичкина бўш қазнони кўриб, миямга ажойиб бир фикр келди. Полга тўшалган кичкина гиламчалардан бирини олиб, ҳамшира қиздан қиблани сўрадим...

Сўнгги бор бундан 15 йил аввал ибодат қилган, жойнамоз устида ўтирганча отамнинг дардига шифо сўрагандим.

Қизиқ, мусулмон бўла туриб, намоз қандай ўқилишини билмасам? Нима фарқи бор? Яратган эгамнинг карами кенг. У қандай кўринишда бўлмасин, бандасининг истагини англайди, унинг мушкулини осон қиласди!

Тасодифий «жойнамоз»ни ерга тўшаб, бошимни саждага қўйдим.

– Ё Аллоҳ, сендан қудратли, сендан меҳрибон ва раҳмлироқ зот йўқ бу оламда. Ўзинг борсан, ўзинг барҳақсан! Менки, сенинг бир гуноҳкор, осий бандангман! Рост сенга итоат қилолмадим, аммо айни дамда сендан бошқа ҳеч кимдан мадад кутолмайман. – Беихтиёр қўзларимдан томчилаган ёш жойнамозга ёйилди, елкаларим унсиз силкина бошлади. – Парвардигорим, битта-ю битта жигарбандим Суҳробнинг жонини асра!

...Бу туйнуксиз йўлакда тун билан кунни фарқлаш қийин. Бу ерга келганимга қанча бўлдийкин? Назаримда, орадан йиллар ўтгандек. Кўзимни жонлантириш бўлимининг қўш тавақали эшигидан узмасдим. Икки олам ўртасидаги бўшлиққа тушиб қолгандек ҳис этардим ўзимни. Қачондир кимдир чиқиб, мени хушхабар билан ёруғ оламга қайтаради ёхуд шумхабарни эшитишм билан йўқлик уммонига фарқ бўламан.

Кимдир елкамни туртганида қалқиб кетдим. Қаршимда оғзига ниқоб таққан нотаниш шифокор турарди. У ўзини доктор Навоз деб танишитирди.

– Писка боланинг томирларини жуда чуқур кесган экан. Болага анчагина қон қуишишга тўғри келди. Яхшиям боланинг организми кучли экан. Болани асраб қолдик. Ҳаммаси яхши!

Доктор мендан кўзини узмай, жилмайди. Яна нималарнидир гапирав, аммо қулогимга бошқа гап кирмасди. Унинг қўлларини ўпарканман,

бўғзимдан отилиб чиққан йифини тўхтатиб қолмадим.

Доктор Навоз билан изма-из тор йўлакдан кета бошладик. Ниҳоят Суҳроб ётган палата-га кириб бордик. Чорхари, кўк рангли хона. Суҳробнинг билаги бинт билан ўраб ташланган, кўзлари юмуқ, ранги докадек оқарганча ҳарасатсиз ётарди. Каравот ёнидаги стулга оҳиста ўрнашдим. Беихтиёр уйқу элита бошлади. Кўзимни очганимда тонг отган, хона қуёш нурида чароғон бўлиб кетганди.

Уч кундан сўнг Суҳробнинг оғзидағи нафас олиш трубкасини олиб ташлашди ва бошқа палатага ўтказиши. Мен эса, ҳамшираларга Суҳробга кўз-қулоқ бўлишни тайинлаб, ўзимиз жойлашган меҳмонхонага йўл олдим. Хонамизни тартибига келтириб, ҳамма ёқни тозалаб қўйишган экан. Табиийки, ваннахонадаги қон изларини ҳам йўқотишиган. Шундай бўлса-да, бу эшикни очишга юрагим бетламади. Беихтиёр кўз олдимда қандай қилиб, Суҳробнинг ваннахонага киргани, устарадаги пискани олиб, томирини кесаётгани жонланди-ю, титраб кетдим. У қўларини кесаётib, нима ҳақда ўйладийкин?

Холда жаноб Фаёз билан тўқнаш келдим.

– Биласизми? – деди меҳмонхона маъмури бир оз хижолатланиб. – Хафа бўлмангу, меҳмонхонани тарк этишга мажбурсиз. Ўзингиз тушунасиз. Бу воқеалардан кейин мижозларимиз ҳам хавфсираб қолиши. Бир-иккитаси лаш-лушкини олиб жўнаворди. Бу ёфи... тирикчилик!

Начора! Ҳисоб-китоб қилиб, меҳмонхонани тарк этдим.

Суҳробнинг янги палатасида ёшгина тиббий биродар навбатчилик қилиб ўтирган экан. Киришим билан постни менга топшириб чиқди. Суҳроб юзини девор тарафга бурганча жим ётар, унга етарлича қон қўйилган бўлса-да, юзи ранг олиб улгурмаганди.

– Тузукмисан? – сўрадим унга яқинлашиб. – Доктор Навознинг айтишича, бир неча кундан кейин сенга жавоб беришаркан. Сен у-бу нарса еб олдингми? – стол устида кичкина идишда нўхат бўтқаси туарди. – Истасанг егизиб қўяман.

Суҳроб билинар-билинмас бош чайқади.

– Биласанми, сенга нима опкелдим, – елим-халтадан боягина китоб дўконидан сотиб олинганд «Шоҳнома»ни чиқардим. – Бу «Шоҳнома», отанг иккимиз болалигимизда севиб ўқирдик бу асарни. Истайсанми, сенгаям ўқиб бераман. Рустам ва Суҳроб достонини эшигтганмисан?

Суҳроб кўзларини ҳали чандифи битмаган қўллари билан ёпиб олди. Мен эса, ўлмас асарнинг шоҳбайтларини ўқишга тушдим.

– Чарчадим, – деди Суҳроб бир бобни ўқиб тутгатганимда.

– Майли, – китобнинг шу жойига белги қўйиб, ёпдим. – Эртага давом эттирамиз. Ҳали жудаям қизиқ жойлари олдинда.

– Ҳаммасидан чарчадим, – деди болакай.

– Айт, кўнглинг нимани тусаяпти? Ҳаммасини сен учун бажо келтираман.

– Қанийди аввалги ҳаётим қайтиб келса, – у қўлларини негадир томоғига яқинлаштириди.

– Қанийди ота-онам ёнимда бўлса, Саса ҳам, Раҳимхон соҳиб ҳам. Ўзимизни эски уйимизда

бирга яшасак, – у бармоқлари билан кўзларининг ёшини артди.

Томоғимга нимадир тиқилгандек бўлди. Ахир бу... ахир бу менинг орзуларим эмасми? Ахир Суҳроб айтган уй менинг уйим-ку! Мен ҳам Бобо, Раҳимхон, Ҳасан ва Алилар билан бирга яшаган давримни қўмсамадимми? Суҳроб, иккимизнинг ҳам дардимиз, оғриғимиз, ушалмас армонимиз бир. На иложки, ўтмишга қайтиб бўлмайди. Биз қўмсаган одамлар энди йўқ. Фақат сен ва мен бормиз...

– Бунинг иложи йўқ, – дедим сўнник овозда.
– Сиз мени қутқармаганингизда...
– Унақа дема!
– Ўлгим келяпти!
– Суҳроб, унут бунақа гапларни! – дедим унинг ингичка билагидан ушлаб. – Энди ўтмишни эмас, келажакни ўйлаш керак. Мен ўша пайти, сен ваннахонада пайтинг, бир хушхабар эшитгандим. Сенга Америкада виза беришади. Мен сени опкетаман. Ҳеч қандай етимхонада қолмайсан, Суҳроб, бу гал ваъдамни бажаришнинг имкони бор. Мен билан кетасанми?..

...Орадан бир ҳафтача вақт ўтиб, биз муҳташам ҳаво лайнерида Америка замини томон парвоз қилиб борарадик.

2001 йил жазирама август кунларининг бирда уйга етиб бордик. Сурайё бизни аэропортда қарши олди. Мен уни минг йилдан бери кўрмагандим. У менинг қучоғимга ўзини отганида ва димоғим унинг сочидан тараалаётган олма ифорига тўйинганида, бу соғинч қанчалик улкан эканини англадим.

– Сен тун ортидан порлаб чиққан қүёшимсан,
– дея шивирладим унга.

Кейин у Суҳробнинг икки юзидан ўпib сўрашди.

– Яхши етиб келдингларми, Суҳробжон? Мен сенинг Сурайё холанг бўламан.

Беихтиёр Сурайёнинг шаҳдо кўзларига боқдим. О, бу кўзлар! Унда соғинч ҳам, меҳр ҳам, муҳаббат ҳам, қувонч ҳам, кадар ҳам зоҳир эди.

Сурайё биз келгунимизча Суҳроб учун алоҳида хона тайёрлаб қўйган экан. Чойшаб устига кўм-кўк осмонда парвоз қилаётган варраклар акс этганди. Стол устида турли ўйинчоқлар, китобчалар, рангли қалам ва бўёқлар тартиб билан терилганди. Суҳробнинг юзларида бирор ўзгариш, қувонч ё қизиқиш нишонасининг йўқлигидан қалбим зирқираради.

– Хонанг сенга ёқдими? – сўради Сурайё. Суҳроб эса, бошини ҳам қилганча, бориб, қаравотига беҳол чўзилди. Биз уни холи қолдирив чиқдик. Орадан беш-үн дақиқа ўтиб, унинг хонасиға кирганимда, бола уйқуга кетганди. Ёстиғи тагидан қандайдир қофоз парчаси чиқиб туарди. Секин тортиб олдим. Бу ўша, мен Ҳасан билан тушган сурат эди. Ҳасан менга баҳтиёрлик ва мамнуният билан боқиб туарди. Нечуқдир енгил тортгандек бўлдим. Яна сездирмай суратни жойига қўйдим.

Орадан бир неча кун ўтиб, Жамила хола ва генерал меҳмон бўлиб келишди. Биз қучоқлашиб кўришдик. Қайнонам Суҳробга ўз қўли билан тўқиган свитерни совға қилди. Фақат генералнинг нигоҳларида болага нисбатан аллақандай совуқонлик ифодасини пайқадим.

Генерал билан нариги хонага ўтиб, бир оз шаробхўрлик қилдик. Унга Афғонистонда кўрган-кечиргандаримни айтдим. Фақат, Асеф билан олишувимизни айтмадим, холос. Жароҳат изларини эса, Пешовардаги йўлтўсарларга «юкладим».

Кунлар ўтиб борар, Суҳробдаги хафагазаклик, маҳзунлик ҳамон тарқамасди. У хоналарда худди шарпа сингари кезар, бирор оғиз гапирмас, ҳеч нарсага қизиқиш билдирамас, кўпинча бўш вақтини уйқу билан ўтказарди. Унинг бу рафтори табиийки, Сурайёни ҳам ташвишга соларди. Биз ҳали келмасимиздан аввал у болани футбол, кегли, сузиш бўйича секцияларга ёздириб қўйганди.

Кутилмагандан, куз кунларининг бирида ҳамма ёқ тўс-тўполон бўлиб кетди. 2001 йилнинг 11 сентябрида Нью-Йоркдаги эгизак бинолар портлатилиди. Ҳамма ёқни, ҳатто тиланчиларнинг кепкасини ҳам Америка байроқдари тасвири эгалади.

Кўп ўтмай Америка ҳарбийлари Афғонистонни бомбардимон қилишди. Сиёsat майдонига яна шимолий альянс вакиллари кўтарилиди. Толиблар учун сичқоннинг ини минг танга бўлиб кетди. Декабрда Боннда Афғонистондаги турли этник гуруҳлар етакчилари учрашишди. БМТ йигирма йилдан бери давом этаётган қонли можароларга чек қўйишга чақириди.

Буларнинг ҳаммаси Суҳробнинг кўз олдидан сирғалиб борар, гўё ҳеч қандай маъно касб этмасди.

Шу орада бир пайтлар Софияда элчи бўлиб хизмат қилган танишим Кабир қўнғироқ қилиб,

Покистон чегарасида ўзининг махсус клиникасини очганини, минага тушган афгонларга тиббий ёрдам кўрсатиш истагида эканини билдириб, мендан кўмак сўради. Биз Сурайё билан бу таклифни бажонидил қабул қилдик. Мен афгон қочоқларига ёрдам бериш учун интернет орқали молиявий ҳамкорлар қидиришга тушдим. Шунда Суҳробни олиб келиб қанчалик тўғри йўл тутганимни англадим.

Янги йил ҳам келди. Ҳамма ёқда байрам шукуҳи кеза бошлади. Фақат бизнинг уйимизда ҳали ҳеч қандай ўзгариш йўқ, жимжитлик бардавом эди.

Баҳор кунларининг бирида Афғонистондан қўнғироқ қилиб, генерални чақиришди. Уни қайсиdir вазирликка раҳбар этиб тайинлашибди. Бу кунни йиллар давомида кутган генерал эртаси куниёқ Ватанга учиб кетди. Жамила хола эса, бизнигiga кўчиб келди.

Мана, ниҳоят Наврўзи олам ҳам етиб келди. Афғонлар дунёning қайси бурчагида бўлмасин, бу қадимий айёмни шодиёнасиз кутишмайди. Фримонтдаги Лейк-Элизабет хиёбони муҳожир афғонлар учун Наврўз сайлгоҳига айланган, ҳамма ёқда байрам тантана қиласарди. Худди шу кунларда Кабир Равалпиндида бизнинг кичкина тиббий марказимиз иш бошлаганини маълум қиласди. Кенг хиёбон ҳар йили Наврўз шукуҳига бурканадиган Паҳмон адирларини ёдга соларди. Дошқозонлар атрофида кампирлар сумалак қайнатишар, эркаклар давра қуриб, чойхўрлик қилишар, Афғонистонда кечаётган ислоҳотлар ҳақида баҳслашишар, шириналлар ва ўйин-

choqdar bilan sийланган bolalarning shodligiga
ta il ojiz эди.

Қaisidir burchakdan, ovozkuchaitirgichdan
Aҳmad Zoҳirning бўfiқ, ammo shirali ovizi
янгради:

*Xudo dodast ba tu chashmoni shaҳlo,
Bale sangin dilu nomehriboni.*

Булатли осмондан томчиладиган майин ёмғир
инсон руҳига алланечук баҳорий осойиш бахш
этарди.

Шу чоқ Сурайё енгимдан тортқилади:
– Анавини қаранг, Амир!

Осмонда турли рангдаги олтита варрак бирвакайига кимўзар ўйнарди. Сал нарироқда эса, бир қария варрак сотмоқда эди. Бориб, у билан эски қадрдонлардек қўл олиб кўришдим. Байрам билан қутладим. Суҳроб узоқроқда фамгин қиёфада термиларди кулранг осмонга. Ҳасан ўргатган услубда варракнинг қамишларини текшириб, энг яхвисини танлаб сотиб олдим.

– Қара, сенга ёқдими? – дея варракни унга тутқаздим. Суҳроб бир менга, бир варракка, кейин эса, яна осмонга тикилди. Сурайё ҳам бу пайтда биздан кўз узмай турарди.

– Сенинг отанг варрак учирини ҳаммадан яхши уддаларди. Варрак учиринда бутун Кобулда унга teng келадигани топилмасди, – дея варракнинг қамишлари, шохлари ва бодпарракларини кўздан кечира бошладим. У ипи узилган варрак қаерга бориб тушишини ҳам жуда яхши биларди.

Бешта варрак бир-бирини мудом таъқиб этарди.

– Хўш, варракни учирамизми? – сўрадим. У ҳамон жим эди. – Майли, ўзингдан қўр. Мен ўзим учираман, сен томоша қиласан.

Варракнинг ипини бўшатишга тушдим. Ўтлоқ устида турган сарғиши варрак бирдан жонланди. Мен дарҳол жойимдан қўзғалдим. Варракнинг ипини бўшатганча югурга бошлидим. О, бу дамларни мен йиллар бўйи соғиниб келардим. Шамол варракни тобора юқорига қўтарар, мен эса, ипни бўшатиб, янада тезроқ югурадим. Мана, бизнинг варрагимиз тобора юксалиб, баландлаб бормоқда. Мен эса, асабий чийиллаб бўшаётган пишиқ ип бармоқларимни тилиб ўтганини пайқадим. Аммо, бунга эътибор қиласидан ҳолатда эмасдим. Менинг тасаввуримда Кобулнинг серзавқ қиши кунлари жонланганди. Мен айни дамда ўн икки ёшли болага айлангандим. Ўтмиш қайтмайди деб бекор ўкинган эканман. Мен болаликка қайтдим.

Шу пайт кимдир мен билан ёнма-ён чопаётганини пайқадим. Бу Суҳроб эди. Икки қўлини нимчасининг чўнтағига тиққанча югуриб келарди. Юрагим тўлқинланиб кетди. Фалтакни унинг қўлига тутқаздим.

Яшил варрак бизнинг варрагимизни таъқиб эта бошлиди. Уни анча нарида турган сочи типратикандек болакай учираётган экан.

– Суҳроб, қара, анави шоввознинг бир адабини бермаймизми?

Суҳроб фалтакни менга қайтарди. Унинг юзларида аввалги лоқайдлик нишонаси йўқолган,

күзларида алланечук учқунлар порларди. Ахир у ҳам бола-ку! Худди мен сингари 12 ёшли бола-кай! Яшил варрак бизнинг варрагимизга яқинлашиб келарди.

– Биз шошилмаймиз, – дея шивирладим. – Қани келаверсин-чи! У бизни қармоқقا туширмоқчи. Ҳозир биз уни илинтирамиз. Бу усулни менга отанг ўргатганди.

Сұхроб яна қўлимдан ғалтакни юлиб олди. Осмонда варраклар жанги давом этарди.

Мана, ниҳоят биз енгдик. Бизнинг сарфиш варрак самода ғалаба рақсини ижро этар, шамол эса, рақиб варракни номаълум томонга учириб кетмоқда эди.

– Истайсанми, ҳозир мен сенга ўша варракни опкелиб бераман.

Сұхробга қарадим. Унинг юзларида табасум кўрдим. Табассум. Ҳа, узоқ пайт қаҳратон измида ётган замин бағридан униб чиққан илк баҳорий чечак эди бу табассум. Вужудимга файритабиий куч оқиб кирди.

Мен югурадим. Кап-катта эркак бир тўда болалар ичида шаталоқ отиб югурадим. Баҳор насими юзларимга урилар, лабларимда эса Панжшер дараси кенглигига табассум ёйилганди.

Югурадим...

ТАМОМ

Адабий-бадий нашр

ХОЛИД ҲУСАЙНИЙ

ШАМОЛ ОРТИДАН ЮГУРИБ

Мұхаррір
Мағмұра ҚҰТЛІЕВА

Бадиій мұхаррір
Үйғун СОЛИХОВ

Мусақхұх
Мадина МАҲМУДОВА

Сағифаловчи
Суннат МУСАМЕДОВ

Техник мұхаррір
Умидбек ЯХШИМОВ

Лицензия рақами: АI № 252, 2014 йил 02.10.да берилган.

Босиши 2016 йил 16.05.да рұхсат этилди.

Бичими 84x108 1\32.

Босма табоги 13,0. Шартли босма табоги 21,84.

Гарнитура «Bookman Old Style». Офсет қофоз.

Адади 5000 нұсха. Буюртма № 100.

Бағоси келишилган нархда.

«Янги аср авлоди» НММда тайёрланди.

100113. Тошкент, Чилонзор-8, Қатортол күчаси, 60.

Мурожаат учун телефонлар:

Нашр бўлими – 147-00-14; 129-09-72;

Маркетинг бўлими – 128-78-43; 397-10-87; факс – 273-00-14;

e-mail: yangiasravlodi@mail.ru